

আমার যুরোপ-ভ্রমণ

বর্দ্ধমানাধিপতি মাননীয় শ্রীযুক্ত মহারাজাধিরাজ
বাহাদুরের “Impressions” অবলম্বনে লিখিত

১৩২১

মূল্য পাঁচসিকা ।

PRINTED BY SURYYA KUMAR BHATTACHAYYA, AT THE PARAGON PRESS
203-1-1, CORNWALLIS STREET, CALCUTTA
AND
PUBLISHED BY GURUDAS CHATTERJI OF MESSRS. GURUDAS CHATTERJI & SONS
201, CORNWALLIS STREET, CALCUTTA.

আমার নিবেদন ।

বর্ধমানাধিপতি শ্রীযুক্ত মহারাজাধিরাজ বাহাদুরের “আমার য়ুরোপ ভ্রমণে”র প্রথম খণ্ড প্রকাশিত হইল । এই ভ্রমণ-বৃত্তান্ত ধারাবাহিক ভাবে ‘ভারতবর্ষ’ নামক মাসিক পত্রে প্রকাশিত হইতেছে । আরও দুইখণ্ডে ইহা শেষ হইবে বলিয়া আশা করি ।

এই ভ্রমণ-বৃত্তান্ত প্রকাশের সহিত আমার একটু সম্বন্ধ আছে । শ্রীযুক্ত মহারাজাধিরাজ বাহাদুরের Impressionsর অনুবাদ কতকটা যে আমি করি নাই তাহা বলিতে পারি না ; তবে তিনিও যে এ অনুবাদে একেবারেই হস্তার্পণ করেন নাই ; তাহা নহে । আসল কথা এই,—তিনি এবং আমি দুইজনেই ভাগাভাগি করিয়া অনুবাদ করিয়াছি । কিন্তু মহারাজাধিরাজ বাহাদুর তাঁহার প্রাপ্য যশঃ বা নিন্দা উভয়ই নিম্বন্ধ ভাবে আমাকে দান করিতে চান ; তাঁহার এ দান অবনতমস্তকে গ্রহণ করা ব্যতীত আমার গতান্তর নাই । এখন এই ভ্রমণ-বৃত্তান্ত জনাদর লাভ করিলে আমি মহারাজাধিরাজ বাহাদুরের নিকট এই গ্রন্থ প্রকাশ সম্বন্ধে কৃতজ্ঞতা প্রকাশের যথেষ্ট অবসর লাভ করিতে পারি ।

কলিকাতা

ফাল্গুন, ১৩২১

}

শ্রীজলধর সেন ।



বর্দ্ধমানাধিপতি শ্রীযুক্ত শ্রুর বিজয়চন্দ্র মহতাব্
কে,সি,এস,আই; কে,সি,আই,ই; আই,ও,এম
মহারাজাধিরাজ বাহাদুর।
(১৯০৬ খৃষ্টাব্দে ইংলণ্ড গমন সময়ের আলোক-চিত্র হইতে গৃহীত)

ভূমিকা

যাঁহারা আগ্রহের সহিত “ভারতবর্ষে” “আমার য়ুরোপ ভ্রমণ” পড়িয়া আসিতেছেন, তাঁহাদিগের নিকট আমার এই কমছত্র দিল্লীর লাড্ডু গোছ হইবে কি না জানি না। তবে যখন “আমার য়ুরোপ ভ্রমণ” পুস্তকাকারে পরিণত হইতেছে, তখন সত্য কথাটা বলিয়া ফেলাই ভাল। এই ভ্রমণ-কাহিনী আমার “Impressions” অবলম্বনে লিখিত, বা তাহার অনুবাদ বলিলেই হয়। তবে অনুবাদক ঠিক আমি নহি—বঙ্গের প্রিয় স্নেহেখক মদীয় বিশেষ বন্ধু শ্রীযুক্ত জলধর সেন মহাশয়। যখন এতটাই বলিলাম, তখন ইহাও বলি যে, জলধর বাবুর চেষ্টাতেই এই ভ্রমণ-কাহিনী বাহির হইল। নিজে এক ভাষায় পুস্তক রচনা করিয়া অত্র ভাষায় তাহার অনুবাদ করিতে আমার আদৌ ইচ্ছা বা উৎসাহ ছিল না। তবে যখন জলধরবাবু অনুরোধ করিলেন যে, নূতন মাসিকপত্র “ভারতবর্ষে” আমার কিছু একটা দেওয়া চাই-ই, তখন তিনি আমার “Impressions” অনুবাদ করিতে ইচ্ছা প্রকাশ করিলে আমি তাঁহার প্রস্তাবে সম্মত হইলাম। তাহাতেও কাস্ত না হইয়া যখন ফর্ম্মার পর ফর্ম্মা জলধরবাবু আমার চোখের সম্মুখে ধরিয়া বলিতেন “মহারাজ, আপনি না দেখিয়া দিলে, ইংরাজীর সহিত না মিলাইলে, আপনার ইংরাজীর ভাবগুলি ঠিক অনুবাদিত হইতেছে কি না, ইহা না বলিয়া দিলে আমি আর কিছুই করিব না,” তখন কাজেকাজেই তাঁহার অনুরোধে সেই অনুবাদে আমার চোখ বুলাইতে হইত;—এই অনুবাদ কার্য্যে আমার এইটুকু মাত্রই সম্বন্ধ। প্রকৃত পক্ষে “আমার য়ুরোপ ভ্রমণ” জলধর বাবুর শ্রমে ও যত্নেই অনুবাদিত হইয়াছে। একজন অকৃত্রিম বন্ধুকে পাশ্চাত্য সভ্যতার শিষ্টাচার অনুসারে “grateful thanks” লেখাটা যত্বপূর্ণ বন্ধুত্বের অবমাননা না মনে করিতাম, তাহা হইলে তাহাই লিখিতাম। ফলে জলধর বাবুর স্নেহখনী-নিঃসৃত পুস্তকগুলি প্রত্যেক বাঙ্গালীরই আদরনীয়; সেই সাহসে আশা করি যে, তাঁহার অনুবাদিত “আমার য়ুরোপ ভ্রমণ” বঙ্গসাহিত্যসেবীদিগের প্রীতিকর হইবে। তাহা হইলেই আমার জ্ঞাত জলধর বাবুকে যে শ্রমস্বীকার করিতে হইয়াছে, তাহা সফল হইল, এই বিবেচনা করিয়া তাঁহার নিকট চিরকৃতজ্ঞতাপাশে বদ্ধ থাকিব এবং বিশেষ ধন্য মনে করিব।

বর্ধমান রাজবাটী

ফাল্গুন, ১৩২১

আমার যুরোপ-ভ্রমণ

আয়োজন

আমাদের বর্ধমানের জনসাধারণ যখন জানিতে পারিলেন যে, আমি যুরোপ-ভ্রমণের কল্পনা করিয়াছি, তখন এই সংবাদে সহরের চারিদিকে ভারি একটা আন্দোলন উপস্থিত হইল। অবশ্য রাজবাড়ীর লোকদিগের মধ্যে এ সম্বন্ধে আন্দোলন-আলোচনা হওয়া স্বাভাবিক; কিন্তু যাহারা কোন দিন আমার কোন ব্যাপার সম্বন্ধে কোন তত্ত্ব লওয়া প্রয়োজন মনে করে নাই, তাহারাও আমার যুরোপ-ভ্রমণের কল্পনার কথা শুনিয়া বিশেষ আগ্রহভরে এই কথার আলোচনায় প্রবৃত্ত হইল, আমার জ্ঞাত তাহাদের মাথাবাথা অত্যধিক মাত্রায় বৃদ্ধি পাইল।

দেখিতে দেখিতে এই সংবাদ সহরের ছোট বড় সকলেই অবগত হইলেন—সংবাদটি তাহাদের মধ্যে একটা বিশেষ আন্দোলন তুলিয়া দিল। অধিকাংশ লোকেই আমার এই সম্বন্ধের বিরুদ্ধে মত প্রকাশ করিলেন—প্রায় সকলেই বলিতে লাগিলেন, আমি অতি গহিত সম্বন্ধ করিয়াছি। তাহার পর আমার নিকট যে কত পত্র আসিয়াছিল, তাহা বলিয়া উঠিতে পারি না; সকল পত্রেরই এই ভ্রমণ সম্বন্ধ ত্যাগ করিবার জ্ঞাত আমাকে অনুরোধ করা হইয়াছিল; অনেক অনুরোধ উপরোধ, অনেক আবেদন নিবেদনও আমাকে শুনিতে হইয়াছিল; সকল-গুলিরই সার মর্ম্ম এই যে, আমি অতি অল্পায় কার্য্য করিতে বাইতেছি—সুস্থ অল্পায় নহে, আমার এই কার্য্যকে অনেকে গুরুতর পাপকার্য্য বলিয়া অভিহিত করিতেও দ্বিধা বোধ করিলেন না। যুরোপ-যাত্রার পূর্ব্বক্ষণ পর্য্যন্ত এই প্রকার প্রতিকূল মতের সহিত আমাকে সংগ্রাম করিতে হইয়াছিল।

যাক্, এ সকল আমার ব্যক্তিগত কথা;—ইহার বিশেষ বিবরণ প্রদান করার প্রয়োজন নাই। তবে এই স্থানে দুইটি কৌতুককর কথা না বলিয়া থাকিতে পারিলাম না। আমার বর্ধমান ত্যাগের পূর্ব্ব উত্তর-ভারতের একজন প্রধান হিন্দু মহারাজার নিকট হইতে আমি একখানি স্নেহ ও বাৎসল্যপূর্ণ পত্র পাইয়াছিলাম। তিনি সেই পত্রে আমাকে যুরোপে গমন করিতে নিষেধ করিয়াছিলেন। তাঁহার মতে যুরোপ গমন অত্যন্ত অহিন্দু কার্য্য; কিন্তু রহস্যের বিষয় এই যে, সেই পত্রেরই শেষাংশে তিনি বলিয়াছিলেন যে, হাঁ, যদি সম্রাটের অভিষেক বা জুবিলি উপলক্ষে এই বিলাত-গমনের আয়োজন হইত, তাহা হইলে ‘কালাপানি’ পার হইবার যথেষ্ট উপযুক্ত কারণ বিদ্যমান ছিল, অর্থাৎ তাহা হইলে আমার এই ভ্রমণের সম্বন্ধ কোন অপরাধের বা পাপের কারণ হইত না। একই পত্রে এই দুই প্রকার অভিমত দেখিয়া আমি বিশেষ আমোদ অল্পভব করিয়াছিলাম এবং একজন হিন্দু মহারাজার মতের গুরুত্ব বিশেষভাবে উপলব্ধি করিয়াছিলাম।

আমার যুরোপ-ভ্রমণ

তাহার পর আর একটি ঘটনার কথা বলি। আমি যে দিন যাত্রা করিব, সেই দিন প্রাতঃকালে গুনিলাম আমার যুরোপ-যাত্রার একজন সঙ্গী—আমার পার্শ্বচর—ইংরেজিতে বাহাকে A. D. C. বলে,—তিনি নিরুদ্দেশ। তিনি আমার একজন আত্মীয়। গুনিলাম, পূর্বে রাত্রিতে তিনি কোথায় অন্তর্হিত হইয়াছেন; অথবা সোজা কথায় বলিতে হইলে, তাঁহাকে সরাইয়া দেওয়া হইয়াছে। তাহার পর আমি জানিতে পারিলাম যে, মনের দৌর্ভাগ্য ও প্রিয়তমা পত্নী ও আত্মীয়-স্বজনের বিরাগের ভয়ই তাঁহাকে এই পলায়ন-কার্যে প্রণোদিত করিয়াছিল। যাত্রার দিন এই অত্যন্ত অস্বস্তিকান আমাকে একটু বিব্রত করিয়া ফেলিয়াছিল এবং সে জন্ত কিঞ্চিৎ অধিক অর্থব্যয়ও করিতে হইয়াছিল। আরও একটা কৌতুকের কথা আছে। সেই দিনই স্থানীয় একখানি বাঙ্গালা সংবাদ-পত্রে একটি মনোহর মন্তব্য প্রকাশিত হইল। সম্পাদক প্রবর আমার পলায়িত পার্শ্বচর মহাশয়ের এই ভীর্ণতার অশেষ প্রশংসাবাদ করিয়া অবশেষে বলিয়াছিলেন যে, এই মহাত্মা হিন্দুধর্মের উচ্চতম আদর্শ সম্পূর্ণরূপে হৃদয়ঙ্গম করিয়াই স্বেচ্ছদেশে গমনে নিবৃত্ত হইয়াছিলেন।

সংবাদপত্রখানি ত এই পর্যন্ত বলিয়াই লেখনীকে বিশ্রামদান করিলেন, কিন্তু স্থানীয় লোকেরা আরও একটু অগ্রসর হইলেন। তাঁহারা চারিদিকে ঘোষণা প্রচার করিলেন যে, যেহেতু আমার পার্শ্বচর মহাশয় পৃষ্ঠভঙ্গ দিয়াছেন, সেই জন্ত আমি যুরোপ-ভ্রমণের সঙ্কল্প সেই দিন ত্যাগ করিয়াছি। তাঁহারা নিশ্চয়ই জানিতেন যে, সেই দিন সন্ধ্যার মেল-গাড়ীতে আমি যাত্রা করিব; তবুও তাঁহারা বলিয়া বেড়াইতে লাগিলেন যে, আমি গমনের সঙ্কল্প ত্যাগ করিয়াছি।

তাহার পর যখন সন্ধ্যা সমাগত হইল, আমার দ্রব্যজাত রেল-ষ্টেশনে প্রেরিত হইতে লাগিল, আমি যথাসময়ে সদলবলে ষ্টেশনে উপস্থিত হইয়া আমার জন্ত নির্দিষ্ট সেলুন-গাড়ীতে উঠিয়া বসিলাম, তখন সকলেই বুঝিতে পারিলেন যে, আমি আমার সঙ্কল্প ত্যাগ করি নাই; পরকুৎসাপ্রিয় ব্যক্তিগণও তখন জানিতে পারিলেন যে, তাঁহাদের ঘোষণা অমূলক প্রতিপন্ন হইল। তখন এই মহানীরবীন্দ্র আর এক সুরে গান ধরিলেন।


গাড়ী ছাড়িবার কিছুক্ষণ পূর্বে দেখিলাম যে, রেল-ষ্টেশনে আমার আত্মীয়গণ, রাজকর্মচারীবৃন্দ, এবং আমার দেশীয় ও ইংরাজ বন্ধুগণ আমার বিদায়-সংবর্দ্ধনার জন্ত সমবেত ত হইয়াছিলেনই, পরন্তু ইতঃপূর্বে এই প্রকার বাপারে ঘাহারা কখনও যোগদান করেন না, এমন অনেক ব্যক্তিকে ষ্টেশনে দেখিয়া আমি আশ্চর্য্য বোধ করিলাম, কৌতুকও অল্পভব করিলাম।

১৯০৬ খৃষ্টাব্দের ১৭ই এপ্রিল তারিখটি আমার বহুদিন মনে থাকিবে। কারণ, বহুকাল হইতে আমাদের রাজ-পরিবার হিন্দু-সমাজের একটি শ্রেষ্ঠ স্থান অধিকার করিয়া আছে। সেই পারিবারিক রীতি-পদ্ধতি উন্নত করিয়া, এবং শত সহস্র বাধা ও আপত্তিতে বিচলিত না হইয়া, এই দিনে আমি আমার সঙ্কল্প কার্যে পরিণত করিয়াছিলাম। ভগবান্কে ধন্যবাদ যে, আমি এত বাধা বিঘ্নের মধ্যেও আমার সঙ্কল্পচ্যুত হই নাই। তাহার পর আমি যুরোপ-ভ্রমণ শেষ করিয়া দেশে প্রত্যাগত হইয়াছি এবং আমার ভ্রমণ-কাহিনী—নারী স্থান পরিভ্রমণ করিয়া যে আনন্দলাভ করিয়াছি, যে অভিজ্ঞতা সঞ্চয় করিয়াছি, যে উপকার লাভ করিয়াছি,—তাহারই পরিচয় দিতে প্রবৃত্ত হইয়াছি। অবশ্য এ বিবরণ যে নিখুঁত নয়, তাহা আমি বেশ বুঝিতেছি।

প্রথম অধ্যায়

যাত্রা

নানা বাধাবিপত্তি অতিক্রম করিয়া ১৯০৬ খ্রীষ্টাব্দের ১৬ই এপ্রিল মঙ্গলবার রাত্রির গেল-গাড়ীতে আমি বর্ধমান ত্যাগ করি। পূর্বেই ব্যবস্থা করিয়াছিলাম, আমরা বোম্বাইয়ে গিয়া জাহাজে উঠিব। আমার সঙ্গে চলিলেন আমার প্রাইভেট সেক্রেটারী শ্রীযুক্ত পশুপতিনাথ চট্টোপাধ্যায় ও আমার চিকিৎসক শ্রীযুক্ত শশিভূষণ মুখোপাধ্যায়। সঙ্গে লইয়াছিলাম ছয়জন ভৃত্য—তিনজন হিন্দু, আর তিনজন মুসলমান। এত লোকজন লইয়া যুরোপে যাওয়ার যে কোনই প্রয়োজন হয় না, তাহা আমি পরে বেশ বুঝিতে পারিয়াছিলাম। এই অনাবশ্যক ও অতিরিক্ত লোকজন লইয়া সত্য সত্যই আমাকে একটু বিব্রত হইয়া পড়িতে হইয়াছিল; আমার এই ভ্রমণপথে কয়েকদিন তাহাদের জন্ত আমাকে অনেকটা অস্থবিধাও ভোগ করিতে



তাজমহল হোটেল

হোটেল গিয়া উপস্থিত হইলাম। এ হোটেলটি আমার অপরিচিত নহে, পূর্বে এখানে আসিয়া আমি এই হোটেলেরই ছিলাম। তাজমহল হোটেল আমাদের কোন অস্থবিধাই হইল না; হোটেলের ভাল এক অংশের ভাল কতকগুলি ঘর পাইয়া আমরা অতি অল্প সময়ের মধ্যেই সমস্ত গোছগাছ করিয়া লইলাম। আমি কিন্তু এখানে হাত পা ছড়াইয়া বিশ্রাম করিবার অবকাশ পাইলাম না। হোটেলের পৌছিয়া সমস্ত বন্দোবস্ত করিয়া, আমি কুক কোম্পানীর জাহাজের আফিসে আমাদের জাহাজের ক্যাবিন প্রভৃতি ঠিক করিবার জন্ত গমন করিলাম। আমাদের সঙ্গে যে সমস্ত মালপত্র ছিল, তাহা পূর্বাঙ্কেই জাহাজে পাঠাইবার বন্দোবস্ত করিয়া দিলাম। তাহার পর আর এক ব্যাপার ছিল,—ডাক্তারের পরীক্ষা। স্বাস্থ্য-পরীক্ষক

আমার যুরোপ-ভ্রমণ

মহাশয় বাছাতে হোটেলেরই আসিয়া তাঁহার মাথুলী কার্য শেষ করেন, তাহার ব্যবস্থাও সেই দিনই আমি করিয়া আসিলাম। সেই রাত্রিতে আমরা দুইটি বন্ধকে আহ্বারের নিমন্ত্রণ করিলাম; সমুদ্র-যাত্রার পূর্বে বন্ধ কয়টির সহিত প্রীতিভোজনে মিলিত হইয়া বিশেষ প্রীতি অনুভব করিলাম। বোম্বাইয়ের প্রথম দিন এই সকল ব্যাপারেই কাটিয়া গেল।



আমাদের পার্টি।

পদ ও অনুষ্ঠানপত্রাদি আমাকে দেখাইবার জন্ত আগমন করিয়াছিলেন; কিন্তু সেই সময় আমি যাত্রার আয়োজনে ব্যস্ত ছিলাম; তাই তাঁহাকে বলিলাম যে, এখন এই বিষয়ের পর্যালোচনার সময় আমার নাই। তবে আমি তাঁহাকে তাঁহাদের উত্তমের সাফল্য বিষয়ে শুভ ইচ্ছা প্রকাশ করিলাম। দুঃখের বিষয় এইরূপ উদ্যমের দৃষ্টান্ত বড় কম; কারণ যাহারা স্বদেশী আন্দোলনে সদাই অগ্রসর, তাঁহারা কথার শ্রোত কমাইয়া কণ্ঠের শ্রোত প্রবাহনে তৎপর হইলে মাতৃভূমির প্রকৃত উপকার সাধিত হয়, সন্দেহ নাই।

২১এ এপ্রিল শনিবার আমাদের পক্ষে বিশেষ স্মরণীয় দিন;—এই দিন সন্ধ্যায় সমুদ্র-যাত্রার জন্ত আমরা পি. এণ্ড ও কোম্পানির ‘পেনিনসুলার’ নামক জাহাজে আরোহণ করি। আমাদের ভারি ভারি মালপত্র-গুলি আমরা অনেক পূর্বেই—কলিকাতা হইতেই, লগুনে চালান দিয়াছিলাম। আমাদের সঙ্গে সেই জন্ত বড় বেশী জিনিষপত্র ছিল না;—এই স্মরণীয় পথের জন্ত যাহা প্রয়োজন বলিয়া মনে হইয়াছিল, তাহাই আমরা সঙ্গে লইয়া-ছিলাম। কিন্তু পরে বুঝিতে পারিয়াছিলাম যে, যাহা লইয়াছিলাম তাহার অর্দ্ধেক লইলেও চলিত।


স্বাস্থ্য-পরিদর্শক মহাশয় এই দিন প্রাতঃকালে হোটেলের দর্শন দিলেন। ভ্রমলোক বন্ধ এবং খুব আমুদে। তিনি হোটেলের আসিয়া আমাদিগের স্বাস্থ্য-পরীক্ষার মত যাঁহা হয় কিছু করিলেন এবং আমোদ করিয়া এবং এক আধটু টেপাটিপি করিয়া যথারীতি ছাড়পত্র লিখিয়া দিয়া স্বস্থানে প্রস্থান করিলেন।

কুক কোম্পানির লোকেরা আমাদিগকে জাহাজে তুলিয়া দিবার জন্ত একটা ছোট লঞ্চ ঠিক করিয়া রাখিয়াছিলেন। আমরা জাহাজ ছাড়িবার অনেক পূর্বেই ঘাটে গিয়াছিলাম। আমরা জাহাজে উঠিবার একঘণ্টা

দ্বিতীয় দিনটা যাওয়ার ব্যবস্থা ও বোম্বাইয়ের বাজার হইতে কিছু জিনিসপত্র ক্রয় করিতে অতিবাহিত হইল। এই দিন অপরাহ্নকালে শ্রীযুক্ত টাটা এণ্ড সন্স কোম্পানীর মিঃ পাদশা নামক জনৈক ভ্রমলোক আমার সহিত সাক্ষাৎ করিতে আসিয়াছিলেন। তিনি বলিলেন যে, তাঁহার ময়রভঙ্গ রাজ্যে একটি লোহের কারখানা খুলিবার আয়োজন করিতেছেন। তিনি এই সম্বন্ধে লিখিত কাগজ-

পরে অস্ত্রা যাত্রীরা উঠিতে আরম্ভ করিল। আমাদের ভূতগণ আমাদের সঙ্গে আসিতে পায় নাই; তাহাদিগকে ব্যালাড'পিয়ারে বাইতে হইয়াছিল এবং সেখানে স্বাস্থ্য-সম্বন্ধে পরীক্ষা প্রদান করিয়া তাহারা অস্ত্রা যাত্রীর সহিত জাহাজে আসিয়াছিল।

কুক্ কোম্পানীর লোকেরা আমাদের জন্ত উপরের ডেকে ভাল ছুইটি ক্যাবিন ঠিক করিয়া রাখিয়াছিল। আমরা সেই ছুই ক্যাবিনে অল্প কয়েকদিনের জন্য গৃহস্থালী গোছাইয়া লইলাম;—অল্প কয়েকদিন বলিবার কারণ আছে; এই 'পেনিন্সুলার' ষ্টীমারখানি তেমন বড় নহে। ইনি আমাদেরকে এডেন্ বন্দর পর্য্যন্ত পৌছাইয়া দিবার ভার গ্রহণ করিয়াছিলেন। এডেনে আমরা অপেক্ষাকৃত বৃহৎকায় 'মন্সরা' জাহাজে আরোহণ করিব, এইরূপ ব্যবস্থা হইয়াছিল। আমাদের জাহাজের অধ্যক্ষ—কাথেন্ পাগার—অতি ভদ্রলোক; জাহাজের অন্যান্য কর্মচারীদের অধিকাংশই বেশ ভদ্র ও বিনয়ী। তবে সকল লোকেই যে সমান হয় না, তাহার প্রমাণ সেই দিনই পাইয়াছিলাম। জাহাজ ছাড়িবার একটু পূর্বে পি, এণ্ড ও কোম্পানির একজন যুবক ইংরাজ কর্মচারী জাহাজে আসিয়া উপস্থিত হইলেন। সামান্য একটু ক্ষমতা পাইলেই যাহারা আপনাদিগকে সর্বশক্তিমান বলিয়া মনে করেন এবং সেই ক্ষমতা জাহির করিতে দ্বিধা বোধ করেন না, এই যুবকটি সেই শ্রেণীভুক্ত। ইনি আসিয়াই আমার প্রাইভেট সেক্রেটারী ও ডাক্তার বাবু যে ক্যাবিন্ দখল করিয়াছিলেন, সেই ক্যাবিন্ হইতে তাহাদিগকে বাহির হইবার জন্য আদেশ প্রচার করিয়াছিলেন। তাঁহার অভিপ্রায় এই যে, আমার সঙ্গীদিগকে সেই ক্যাবিন্ হইতে স্থানান্তরিত করিয়া সেই স্থানে তাঁহার একটু বন্ধুর স্থান করিবেন। এই ক্যাবিন্টি আমার



বোম্বাই—এপলো বন্দর।

১

ক্যাবিনের পার্শ্বেই ছিল। আমি ব্যাপার দেখিয়া তাঁহাকে টিকিট ও ক্যাবিনের নম্বর দেখাইলাম। তাহার পর ছুই চারিটি মিষ্ট বচন প্রয়োগ করিতেই সমস্ত গোল মিটিয়া গেল, যুবকটি স্থানান্তরিত অবস্থানে চলিয়া গেলেন।

আমার যুরোপ-ভ্রমণ

আমার মনে হইল যে, পি, এণ্ড ওর ন্যায় এত বড় একটা কোম্পানী যাত্রীদিগের সুখ-স্বাচ্ছন্দ্য বিধানের ভার এমন বে-আদব যুবক কর্মচারীদিগের উপর ন্যস্ত করিয়া ভাল কাজ করেন নাই।

অপরূহ চারিটার সময় আমাদের জাহাজ বোম্বাই বন্দর ত্যাগ করিল—আমাদের সমুদ্রযাত্রা আরম্ভ হইল।



এডেন্ বন্দর।

যখন সাতটা বাজিল, তখন তীরভূমি আমাদের দৃষ্টিবহির্ভূত হইল—আমরা অকূল সাগরে পড়িলাম। আমার ভৃত্যগণ ডেকযাত্রী; কিন্তু কাপ্তেন সাহেবকে ধন্যবাদ, তিনি তাহাদের জন্য একটা ঘেরা স্থান নির্দিষ্ট করিয়া দিয়াছিলেন; সুতরাং তাহাদের কোন প্রকার অসুবিধা হয় নাই; কিন্তু তাহাদের আহারাদির ব্যবস্থা করিবার জন্য আমাকে একটু বিব্রত হইতে হইয়াছিল; ইহাতে তাহাদেরও কিঞ্চিৎ বোকামি ছিল। সে যাহাই হউক, তাহারা ‘মর্শরা’ ও ‘ওসেরিস্’ জাহাজে আহার সম্বন্ধে কোন প্রকার অসুবিধা ভোগ করে নাই।


জাহাজে কতকগুলি ‘লালকুর্তি’ অর্থাৎ সৈনিক পুরুষের সহিত সাক্ষাৎ হইল; ইহারা সকলেই যুবক। ইহাদের সহিত ইতঃপূর্বে জব্বলপুরে আমার দেখা হইয়াছিল। জাহাজে কলিকাতা হইতে আগত আরও কয়েকটি ভদ্রলোকের সহিত পরিচয় হইল। এই জাহাজে একজন ইংরাজ মহিলাও যাইতেছিলেন। তিনি মন খুলিয়া আমোদ আহ্লাদ করিয়া বিধিমতে যুবক সৈনিক পুরুষদিগের আনন্দবর্দ্ধন করিয়াছিলেন।

ইহার পর কয়েকদিন উল্লেখযোগ্য কোন ঘটনাই ঘটে নাই। যাত্রীদিগের মধ্যে কেহ বা ডেকের উপর অবিশ্রান্ত ভ্রমণ করিয়া সময় কাটাইতে লাগিলেন, কেহ বা উপন্যাস পাঠে মনোনিবেশ করিলেন, কেহ বা ব্রিজ্ খেলা বা চাকা নিক্ষেপ প্রভৃতি ক্রীড়ায় মত্ত হইলেন; কখন কখন বা পাঁচ সাত জন জাহাজের ডেকের এক পাশে একত্র হইয়া সমুদ্রের মধ্যে উড্ডীয়মান মৎস্যের গতিবিধি দেখিয়া আমোদ উপভোগ করিতে

লাগিলেন। জাহাজের উপর এই ভাবে মিলিয়া মিশিয়া বেশ আনন্দে সময় কাটিয়া যায়। তিনি মাছগুলি সমুদ্রের মধ্যে ছুটিয়া বেড়াইতেছে এবং উল্কে জলধারা উৎক্ষিপ্ত করিতেছে; নূতন সমুদ্র-যাত্রীর নিকট এ দৃশ্য বড়ই সুন্দর! আরব সাগরে আমরা অনেক তিমি মৎস্য দেখিয়াছিলাম।

জাহাজে যে ঘড়ি ছিল, প্রথম দিনের পর তাহার কাঁটা চল্লিশ মিনিট সরাইয়া দেওয়া হইল; তাহার পর প্রতিদিন দশ মিনিট করিয়া সরাইয়া দেওয়া হইতে লাগিল। আমি প্রথমে ইহার কারণ বুঝিতে পারি নাই; কিছু পরেই ঠিক বুঝিলাম যে, এমন করিয়া ঘড়ির কাঁটা সরাইয়া না দিলে প্রকৃত সময় নিরূপণ করা যাইতে পারে না;—কারণ, গ্রীনিচ ও কলিকাতার মধ্যে সময়ের তারতম্য পাঁচ ঘণ্টারও অধিক।

২৫এ এপ্রিল রাত্রি দ্বিপ্রহরের সময় আমাদের জাহাজ এডেন্ বন্দরে পৌঁছিল। দূর হইতে বন্দরটি অতি সুন্দর দেখাইতেছিল। আমরা সেই রাত্রিতে ‘পেনিন্সুলার’ জাহাজ ত্যাগ করিয়া ‘মর্শ্বরা’ জাহাজে উঠিলাম।—এখানি পি, এণ্ড ও কোম্পানির একখানা বড় জাহাজ। এই জাহাজখানি অষ্ট্রেলিয়া হইতে আসিয়া আমাদের কাছে তুলিয়া লইবার জন্ত এই বন্দরে অপেক্ষা করিতেছিল; সুতরাং এই জাহাজে অনেকগুলি অষ্ট্রেলিয়াবাসী ভদ্রলোক ও মহিলা ছিলেন। আমরা যখন বোটে চড়িয়া এই জাহাজের নিকটবর্তী হইলাম, তখন দেখিলাম জাহাজের আরোহীদের অনেকেই সেই গভীর রজনীতে ডেকের পার্শ্বে দাঁড়াইয়া রহিয়াছেন। তাঁহারা আমাদের জাহাজের যাত্রীদের অভ্যর্থনা করিবার জন্তই সমবেত হইয়াছিলেন; মহিলাগণও ডেকের উপর উপস্থিত হইয়াছিলেন। দেখিলাম অনেকে বেশ পরিবর্তনও করেন নাই; তাঁহারা কেহ বা পায়জামা পরিয়া, কেহ বা রাত্রিবাসের গাউন্স পরিয়াই ডেকের উপর আসিয়া দণ্ডায়মান হইয়াছিলেন। আমাদের বোট জাহাজের নিকটবর্তী হইতেই আমাদের ঔপনিবেশিক বন্ধুগণ আনন্দধ্বনি করিলেন; তাঁহাদের মধ্যে একজন আমাদের দেখিয়া চীৎকার করিয়া, স্বাগত—here is a cheer for the Indian gentleman!—বলিয়া আনন্দধ্বনি করিয়া উঠিলেন! আমাদের এই



সুরেজ।

ঔপনিবেশিক বন্ধুগণ এমন আনন্দপূর্ণ স্বরে অভ্যর্থনা-ধ্বনি করিলেন এবং তাঁহাদের এমন সহৃদয় দেখা গেল যে, ‘পেনিন্সুলার’ জাহাজ হইতে আগত আমরা সকলেই এই বন্ধুগণের সন্তোষপূর্ণ অভ্যর্থনায় অতিশয় প্রীত হইলাম। আমরা পরে তাঁহাদের সহিত আলাপ, পরিচয় ও ব্যবহারে বুঝিতে পারিলাম যে, এই ঔপনিবেশিক ভদ্রলোকদিগের আদবকায়দা বিলাতী এংলো-সাক্সন্ জাতির আদবকায়দা হইতে নানা বিষয়ে

বিভিন্ন। বিশেষতঃ আমি বেশ দেখিতে পাইলাম যে, অষ্ট্রেলিয়ার পুরুষগণ একটু মোটামুটি সোজা রকমের মাছ; তাহারা এমন দিল-দরিয়া ও আয়ুদে যে, তাহাদের সেই ঔপনিবেশিক কেমনতর ভাবগুলি যদি একটু সহিয়া লওয়া যায়, তাহা হইলে মোটের উপর তাহাদের বেশ লোক বলিয়া মনে হইবে। আমার ত ইহাদিগকে বেশ ভাল লাগিয়াছিল।

আমার যুরোপ-ভ্রমণ

‘পেনিনসুলার’ জাহাজ হইতে ‘মর্শ্বরা’ জাহাজে দ্রব্যাদি ঢোলাই কার্য্য অল্প সময়ের মধ্যেই হইয়া গেল রাত্রি বারটার সময় আমরা এডেনে পৌছিয়াছিলাম ; রাত্রি দুইটার সময়ই ‘মর্শ্বরা’ জাহাজ আমাদের লইয়া বন্দর ত্যাগ করিল—প্রাতঃকাল পর্য্যন্তও অপেক্ষা করিল না। ‘মর্শ্বরা’ জাহাজেও আমরা বেশ ভাল ক্যাবিন্ পাওয়াছিলাম। তাহার পর তিন দিন ক্রমাগত লোহিত-সাগরের মধ্য দিয়া চলিলাম—এই পথটুকু অতিক্রম করিতে প্রথমে আমার একটু কষ্ট বোধ হইয়াছিল ; কিন্তু সোভাগ্যক্রমে শেষ পর্য্যন্ত বাতাস ছিল, সাগরও স্থির ছিল এবং



পোর্ট সৈয়দ।

উপরে নীল আকাশ শোভা বিস্তার করিতেছিল, মধ্যে মধ্যে দূরে তীরভূমি অস্পষ্ট দেখা যাউতে লাগিল।

এডেন্ আমাদের ভারত-সাম্রাজ্যের অন্তর্গত। এডেন্ ত্যাগ করিবার পরই আমরা ভারত-সাম্রাজ্যের সীমানার বাহিরে গেলাম ; তখন আমরা আরব ও মিসর দেশের তীরভূমির মধ্য দিয়া চলিতেছিলাম। ২৯এ এপ্রিল রবিবার আমরা স্নয়েজে পৌছিলাম। এই স্থানে ‘মাল্টা’ নামক জাহাজের সহিত আমাদের সাক্ষাৎ হইল। এই জাহাজখানি আমাদের জাহাজ ছাড়িবার পূর্বে ১১ই এপ্রিল তারিখে কলিকাতা হইতে যাত্রা করিয়াছিল। এই জাহাজে আমার কয়েকজন ইংরাজ বন্ধু ছিলেন। তখনও আমাদের জাহাজ একটু দূরে ছিল ; আমি দূরবীক্ষণ আঁটিয়া সেই জাহাজের আরোহীদিগকে দেখিতে লাগিলাম এবং আমার ইংরাজ বন্ধুগণকে বেশ চিনিতে পারিলাম। তাহার পর রুমাল নাড়িবার ধুম পড়িয়া গেল ;—আমরা রুমাল উড়াইয়া মাল্টা জাহাজস্থিত বন্ধুগণের অভ্যর্থনা করিলাম ; তাঁহারাও তাহাই করিলেন।

আমরা স্নয়েজে কয়েক ঘণ্টা অপেক্ষা করিয়াছিলাম, কারণ এখান হইতে সকলেই কিছু খাণ্ড দ্রব্য ও অন্যান্য প্রয়োজনীয় দ্রব্যাদি সংগ্রহ করিয়া লইলেন। দেশী জেলে-নৌকা করিয়া ব্যবসায়িগণ নানা দ্রব্যপূর্ণ বাস্ক, ঝুড়ি প্রভৃতি লইয়া আমাদের জাহাজে আসিয়া উপস্থিত হইল। এই সকল বিক্রেতা যে কত রকম জিনিস আনিয়াছিল, তাহা আর বলা যায় না। তাহারা খরিদদার ঠকাইয়া বেশ দুই পয়সা উপার্জন করিতে জানে ! একজন বিক্রেতা এক বাস্ক জখন্ড সিগারেট দিয়া আমার এক বন্ধুর নিকট হইতে চারি শিলিং আত্মসাৎ করিয়াছিল।

স্নয়েজের চারিদিকের বালুকা-স্তূপ এবং দূরবর্তী পুরাতন বাইবেল-প্রসিদ্ধ স্থানগুলি এক অভিনব চিত্তা হৃদয়ে টানিয়া আনে। তাহার পর স্নয়েজ খাল ;—ইহা ঊনবিংশ শতাব্দীর একটা সর্বপ্রধান পূর্ত্ত-কীর্ত্তি, ইহার তুলনা হয় না ! তখন মনে হইল সেই প্রসিদ্ধ ফরাসী ইঞ্জিনিয়ার ডি, লেসেপ্পের কথা। কি অক্ষয়, আশ্চর্য্য কীর্ত্তি এই ইঞ্জিনিয়ার রাখিয়া গিয়াছেন ! এই স্নয়েজ খালের জন্ত যুরোপের রাজ্যগুলির রাজনীতি ও বাণিজ্য-নীতির কি উন্নতি ও পরিণতি হইয়াছে ! এই খালের প্রসাদে ইংরাজ-রাজের কত উপকার হইয়াছে, তাহা

আর আমার বলিতে হইবে না, সে কথা সকলেই জানেন। সভ্যজগতের বর্তমান বংশীয়গণ ত লেসেপের নিকট কৃতজ্ঞ আছেনই, ভবিষ্যৎ-বংশীয়গণও এই মহাআর বরণীয় ও স্মরণীয় কার্য কৃতজ্ঞচিত্তে স্বীকার করিবেন। আর সেই সঙ্গে সঙ্গে আরও এক মহাআর নাম ইংরাজনাট্রেই স্মরণ করিবেন—সে নাম ইংলণ্ডের তদানীন্তন মহামুভব প্রধান মন্ত্রী ও প্রসিদ্ধ রাজনীতিক বেন্জামিন্ ডিস্‌রেলি। ইনিই পরে আরল অব্‌ বিকন্‌স্‌ফীল্ড হন। একদিন সনন্ত যুরোপ শুনিয়া অবাক্ ও বিচলিত হইল যে, কাহারও সহিত পরামর্শ না করিয়াই, এমন কি মন্ত্রিবর্গকেও না জানাইয়া, সুরেজখাল নির্মাণের জন্ত যে মোথ-ফণ্ড স্থাপিত হইয়াছিল ডিস্‌রেলি ইংলণ্ডের রাজার পক্ষ হইতেই তাহার অনেকগুলি অংশ ক্রয় করিয়াছিলেন। এই কথা প্রচারিত হইবামাত্র ইংলণ্ড ও যুরোপে মহা সোরগোল পড়িয়া গেল; তাহার এই কার্যের বিরুদ্ধ-সমালোচনা আরম্ভ হইল। কিন্তু কিছুদিন পরেই রাজা প্রজা, পণ্ডিত মুখ, ছোট বড় সকলেই একবাক্যে ‘ডিজির’ ভবিষ্যৎ-দৃষ্টির ও রাজনীতি-জ্ঞানের ভূয়সী প্রশংসা করিতে লাগিলেন।


সন্ধ্যার প্রাক্কালে আমরা সুরেজ ভাগ করিয়া খালের মধ্যে প্রবেশ করিলাম। আমাদের দুই পার্শ্বে সুধু বালুকা-স্তূপ; তাহারই মধ্য দিয়া প্রবাহিত এই ক্ষুদ্র জলধারা বাহিয়া আমাদের জাহাজ চলিতে লাগিল। আমরা দুই দিকে চাহিয়া দেখিলাম, অনেকগুলি নাটিকাটা ষ্টীমার অবিশ্রান্ত এই খাল হইতে নাটি কাটিয়া তুলিতেছে। পরে শুনিলাম যে, যদি দুই দিনের জন্ত এই নাটিকাটা ষ্টীমারগুলির কার্য বন্ধ থাকে, তাহা হইলে এই খালের অধিকাংশ বালুকাপূর্ণ হইয়া যাতায়াতের পথ একেবারে বন্ধ হইয়া যায়।

৩০ এ এপ্রিল তারিখে পূর্বাহ্ন নয়টার সময় আমরা পোর্ট সৈয়দে পৌছিলাম।

দ্বিতীয় অধ্যায়

পোর্ট সৈয়দ হইতে ব্রিন্দিসি

পোর্ট সৈয়দেই আমরা ইজিপ্টের বাহা কিছু দেখিয়া আসিয়াছিলাম। এই স্থান হইতে একটি রেলপথ কায়েরো পর্য্যন্ত গিয়াছে। তীরভূমিতে কয়েকটি সুন্দর অটালিকা দেখিতে পাইলাম। খালের প্রবেশপথের পাশেই প্রসিদ্ধ স্থপতি ডি লেসেপ্পের একটি প্রস্তরের প্রতিমূর্তি দেখিতে পাইলাম। আমাদের জাহাজ তীর-সংলগ্ন হইবামাত্র আরবদেশীয় দ্রব্যবিক্রেতৃগণ নানা রকম দ্রব্য বিক্রয়ের জন্ত তাড়াতাড়ি জাহাজের উপর আসিতে



পোর্ট সৈয়দ।

জাহাজে যাইবার আয়োজন করিতে লাগিলাম; এ কয় দিন যাহাদের সহিত স্নেহে কাটাইয়াছিলাম, তাঁহাদের নিকট বিদায় গ্রহণ করিয়া নূতন জাহাজে চড়িয়া বসিলাম।


এই স্থানে একটি কথা বলিতে হইতেছে। বোম্বাই হইতে এই পোর্ট সৈয়দ পর্য্যন্ত একটি ভদ্রলোক আমাদের সহযাত্রী ছিলেন; তাঁহার সম্বন্ধে দুই চারিটি কথা বলা আমি অবশ্য কর্তব্য বলিয়া মনে করিতেছি। ইনি নাগপুরের বিশপ বা খৃষ্টধর্ম্মরাজক রেভারেণ্ড আয়ার চ্যাটার্ণটন্ মহোদয়। জাহাজের উপরই ইঁহার সহিত আমার প্রথম পরিচয় হয়। ইনি একটি মানুষের মত মানুষ; ইঁহার সহিত বাক্যালাপ করিলে ইঁহার মহৎ প্বেশ বুদ্ধিতে পারা যায়। খৃষ্টধর্ম্মরাজকেরা ভারতবর্ষের ধর্ম্মকর্ম্ম সম্বন্ধে সাধারণতঃ যে সকল সুন্দর মত সম্বন্ধে পোষণ করিয়া থাকেন, ইনি তাহা করেন নাই দেখিয়া আমার বড়ই আশ্চর্য্য বোধ হইল। ইঁহার ধর্ম্মমত অতি উদার ও সার্বজনীন; আমাদের হিন্দুধর্ম্ম সম্বন্ধেও ইঁহার মত বিরুদ্ধ ভাবাপন্ন নহে। পোর্ট সৈয়দে ইঁহার সহিত ছাড়াছাড়ি হইবার পর এমারেল্ড আইলে ইঁহার বাসভবনে পুনরায় ইঁহার সহিত আমার সাক্ষাৎ

লাগিল। আর একস্থানে ভিন্ন ভিন্ন কোম্পানীর এজেন্টগণ সেই সেই কোম্পানীর নাম ধরিয়া চীৎকার আরম্ভ করিয়া দিল। তখন চারিদিকে একটা গোল-মাল, একটা চলাফেরার ধুম পড়িয়া গেল। আমরা দিগকেও এই স্থানে ‘মর্ম্মরা’ জাহাজ ত্যাগ করিয়া পি এণ্ড ও কোম্পানীর আর একখানি জাহাজে উঠিতে হইবে। এই জাহাজের নাম ‘ওসিরিস।’ আমরা তখন উক্ত

হইয়াছিল। জাহাজে অল্প কয়েক দিনের আলাপ পরিচয়েই আমরা বন্ধুত্বহুত্রে আবদ্ধ হইয়াছিলাম। জাহাজের উপর যে কয়েকদিন আমরা একসঙ্গে ছিলাম, সেই সময়ে প্রতিদিন অনেকক্ষণ ধরিয়া আমরা ভারতের ধর্মসমস্তা সম্বন্ধে বন্ধুভাবে বাদানুবাদ ও আলোচনা করিয়াছি। বোম্বাই হইতে পোর্ট সৈয়দ পর্য্যন্ত ভ্রমণের কথা মনে হইলেই এই মহদাশয় বিশপমহাশয়ের কথা আমার স্মৃতিপথে উদ্ভিত হইয়া থাকে।

বেলা এগারটার সময় আমাদের জাহাজের লঞ্চর উঠিল; অল্পক্ষণ মধ্যে আমরা ভূমধ্যসাগরে আসিয়া পড়িলাম। জাহাজ ছাড়িবামাত্রই তাহার ঝাঁকুনি ও হেলন-দোলন দেখিয়া বসিলাম যে, ইনি মহুরগামী নহেন। একটু পরেই তাহার বিশেষ পরিচয় পাওয়া গিয়াছিল। এ জাহাজ বা বোটখানি তেমন বড় নহে; তাহা হইলেও যে পক্ষাশজন যাত্রী ইহাতে অধিষ্ঠিত হইয়াছিলেন, তাঁহাদিগের কোন কষ্ট বা অসুবিধা হয় নাই। একদিন সন্ধ্যার পরেই আমরা সর্বপ্রথম উত্তাল তরঙ্গে পড়িয়াছিলাম; ভূমধ্যসাগর এই রাত্রিতে তরঙ্গভঙ্গে যাত্রীদিগকে বিশেষ ক্লিষ্ট করিয়াছিলেন, আমরা সকলেই বেশ নাড়াচাড়া খাইয়াছিলাম। সৌভাগ্যক্রমে, ইহাতে আমি তেমন কাতর হইয়া পড়ি নাই, কারণ এই নাগোরদোলার নর্তনে আমার স্মৃতিদ্রা আসিয়াছিল, তবে প্রথমটা এই রকম দোলানী ও তজ্জনিত নাড়াচাড়ায় আমার নিদ্রার যে কিঞ্চিৎ ব্যাঘাত জন্মিয়াছিল, তাহা না বলিয়া থাকিতে পারিতেছি না। সমুদ্রের নর্তনে সমুদ্রযাত্রীদের যেরূপ অবস্থা ঘটে, সেই অবস্থায় অল্প নানাবিধ শব্দ পার্শ্বের ক্যাবিনগুলি হইতে আমাদের ত্রস্ত করিয়াছিল এবং আমার সঙ্গীগণও সেই ভাবাপন্ন হইয়াছিলেন; আমি কিন্তু অল্পক্ষণের মধ্যেই ঘুমাইয়া যাওয়ায় আমার বিশেষ অসুখ করে নাই।

পরদিন প্রাতঃকালে ১লা মে তারিখে আর কোন গোল ছিল না। শয্যা ত্যাগ করিয়া বাহিরে আসিয়াই আমি স্নন্দর প্রাতঃকালকে সানন্দে অভিনন্দন করিয়াছিলাম। পার্শ্ব চাহিয়া দেখিলাম, অদূরে ক্রীট দ্বীপ আমাদের জন্ত সুসজ্জিতভাবে দণ্ডায়মান রহিয়াছেন। ক্রমাগত ছয় ঘণ্টা আমরা এই দ্বীপ দেখিতে পাইয়াছিলাম। ক্রীট দ্বীপের দৈর্ঘ্য প্রায় দেড়শত মাইল। এই দ্বীপ লটয়াই বিগত গ্রীস-তুরস্ক যুদ্ধ আরম্ভ হয়। এই দ্বীপের



ব্রিন্দিসি

মধ্যে অবস্থিত কয়েকটি তুরারশীর্ষ পর্বত অতি স্নন্দর দেখাইতেছিল; আর তাহার মধ্যে সর্বোচ্চ পর্বতশৃঙ্গ 'আইডা' (৮ হাজার ফিট উচ্চ) অদূরে আকাশ ভেদ করিয়া দণ্ডায়মান ছিলেন। সমুদ্র সমস্ত দিনই অস্থির ছিল,

আমর যুরোপ-ভ্রমণ

মধ্যে মধ্যে খুব তুফানও উঠিয়াছিল। ২রা মে বুধবার অপরাহ্ন দুইটার সময় আমরা এড্রিয়াটিক সাগরে প্রবেশ করিলাম এবং সেই দিনই পাঁচটার সময় আমাদের জাহাজ ত্রিন্সিতে পৌঁছিল।

দূর হইতে এই ত্রিন্সি বন্দরের দৃশ্য অতি মনোহর। রোনকের পূর্বে এই বন্দরকে ক্রনুসিয়ন বলিত। বন্দরের নিকটেই একটি দুর্গ আমাদের নয়নপথে পতিত হইল। আমরা কয়েকখানি ইটালিয়ান টর্পেডো বোটের নিকট দিয়া গেলাম। এইগুলিকে দেখিয়া আমাদের একজন সহযাত্রী বলিয়া উঠিলেন, “এগুলি আমাদের অভিযানের জন্য আসিয়াছে।” বন্দরে অনেকগুলি শ্বেতকায় কুলী দেখিলাম। ভারতের নলিনবর্ণ কঠোর পরিশ্রম-নিরত কুলীদের পর এ দৃশ্য অভিনব বলিয়া মনে হইল।

টনাস কুক এণ্ড সন্সের দ্বারাই আমাদের ভ্রমণের সকল ব্যবস্থা হইয়াছিল। তাই সেই কোম্পানীর অধ্যক্ষগণ আমাদের সঙ্গী ও পথপ্রদর্শক হইবার জন্য একজন ইটালিয়ান ভদ্র-লোককে এই স্থানে প্রেরণ করিয়া ছিলেন। এই ভদ্র লোকটির নাম মিঃ ফ্রান্সিস্ ম্যান্টেলি। আমাদের জাহাজ তীরসংলগ্ন হইবামাত্র এই ভদ্রলোকটি জাহাজে আসিয়া আমাদের সহিত সাক্ষাৎ করিলেন এবং তাঁহার পরিচয় প্রদান করিলেন। তাঁহার সহিত অল্পক্ষণ কথোপকথনেই বুঝিতে পারিলাম যে, যদিও তিনি জাতিতে ইটালিয়ান এবং তাঁহার বাড়ী টিউরিণে, তবুও তিনি বিদেশীর পক্ষে বতরুই ইংরাজী জানা দরকার তাহা বেশ জানেন। ইনি সঙ্গে থাকতে আমাদের বড়ই সাহায্য হইয়াছিল। বোধ করি ইনি না থাকিলে যুরোপের কন্টিনেন্টের বহুস্থান ভাষাজ্ঞানের অভাবে আমাদের দেখা হইত না। ইনি বেশ ক্ষিপ্ৰকারিতার সহিত আমাদের মালপত্র ও দ্রব্যজাত শুদ্ধ আফিসের হস্ত হইতে বাহির করিয়া আনিয়া দিলেন। আমাদের সহযাত্রীদের মধ্যে বাঁহারা সোজা লণ্ডনে চলিয়া যাইবেন, তাঁহারা তখনই ত্রিন্সি পেরিস-ক্যাল-ডোভার রেলে চড়িলেন। ইঁহারা চুয়ান ঘণ্টার মধ্যে লণ্ডনে পৌঁছিবেন।

আমাদের সে দিন ত্রিন্সিতে অপেক্ষা করিবার ব্যবস্থা ছিল; তাই আমরা জাহাজ হইতে নামিয়া একখানি ফিটন ভাড়া করিলাম। গাড়োয়ান অল্প সময়ের মধ্যেই আমাদেরকে “ইন্টারন্যাশনেল গ্রাণ্ড হোটেল,” পৌঁছাইয়া দিল। এইটাই এখানকার সর্বপ্রধান হোটেল। আমরা অল্প সময়ের মধ্যেই এই হোটেলের একটি ভাল ঘর দখল করিয়া বসিলাম।



ত্রিন্সি।

এই স্থানে এদেশের ‘শুদ্ধ আফিস’ (Custom House) সম্বন্ধে দুই একটা কথা অপ্রাসঙ্গিক হইবে না। এই সকল শুদ্ধ আফিসে যাত্রীদের বাস্তু পেটারা বোচকা বুচকি সমস্ত খুলিয়া পরীক্ষা করিয়া দেখা হয়। কোন যাত্রী কোন প্রকার নিষিদ্ধ দ্রব্য বা বিক্রয় দ্রব্য গোপনে লইয়া যাইতেছে কি না, তাহাই অনুসন্ধান করা এবং তাহার সম্বন্ধে আইনানুসারে ব্যবস্থা করাই এই আফিসের উদ্দেশ্য। আমার পথপ্রদর্শক মহাশয়ের কার্যতৎপরতা ও ব্যবহার গুণে এই

আফিসের কর্মচারীরা আমাদের বাস্তু পেটারা প্রভৃতি কিছুই খুলিয়া দেখিল না; কিন্তু আমি দাঁড়াইয়া দাঁড়াইয়া দেখিতে লাগিলাম যে, আমাদের সহযাত্রী অনেকেরই বাস্তু ব্যাগ প্রভৃতি খুলিয়া উলট-পালট করিয়া পরীক্ষা করা হইতে লাগিল। অনিলান কেহ নিজের ব্যবহারের জন্য ৫০টির অধিক চুকট বা সিগারেট লইয়া যাইতে পারিবে না; কাহারও ব্যাগে বা বাস্তু যদি ঐ সকল দ্রব্য অধিক পাওয়া যায়, তাহা হইলে তাহাদিগকে শুদ্ধ প্রদান

করিতে হয় ; আর নিষিদ্ধ দ্রব্য আবিষ্কৃত হইলে তাহা তৎক্ষণাৎ সরকারে বাজেয়াপ্ত হইয়া যায় এবং অপরাধীরও দণ্ড হয়। এ প্রকার অহুসন্ধানের যে বিশেষ প্রয়োজন, তাহা আমি অস্বীকার করি না ; কিন্তু অনেক স্থলে দেখিয়াছি, আসল কাজ কিছুই হয় না, মধ্য হইতে যাত্রীদিগের হয়রাণ মাত্রই সার হয়। সে বাহা হউক, আমার পথপ্রদর্শক মহাশয়ের কুখলতায় কোন স্থানের কোন শুদ্ধ আফিসে কোন কর্মচারী একদিনও আমাদের একটি বাস বা একটি বোচকা খুলিয়া দেখেন নাই।

হোটেলে পৌছিয়া আমরা হাত পা ছড়াইয়া বিশ্রাম করি নাই। আমাদের দ্রব্যজাত যথাস্থানে রক্ষিত হইলে আমরা সহর দেখিতে বাহির হইলাম ;—অবশ্য পদব্রজে নহে, গাড়ী করিয়া। সহরটা আমার নোটেই ভাল লাগিল না ; পরিষ্কার-পরিচ্ছন্নতা এ সহরে নোটেই দেখিলাম না। স্থানীয় লোকেরাও তেমন পরিচ্ছন্ন নহে। বন্দরে যে সমস্ত মলিন বেশধারী ও অপরিচ্ছন্ন কুলী দেখিয়াছিলাম, রাস্তার লোকেরাও তাহাদের অপেক্ষা ভাল নহে। আমরা একটা রাস্তা দিয়া কিছু দূর অগ্রসর হইবার পর কোচম্যান পথের পার্শ্বে আমাদের গাড়ী থামাইল। আমরা দেখিলাম যে, সুসজ্জিত একদল সৈন্য শোভাযাত্রা করিয়া আসিতেছে ; তাহাদের পশ্চাতেই একদল সামরিক বাগ্‌বক এবং সর্বশেষে একদল রাজকর্মচারী পদোচিত বেশভূষায় সজ্জিত হইয়া আসিতেছেন। জিজ্ঞাসা করিয়া জানিলাম যে, এই সহরে সে দিন একটা কৃষিপ্রদর্শনী খোলা হইবে ; উচ্চ রাজকর্মচারিগণ সেই শুভকাৰ্য্যে যোগদান করিবার জন্ত এই শোভাযাত্রা করিয়াছেন।

এখানকার পথগুলি পাথর দিয়া বাঁধান ; নেটে রাস্তা আমরা নোটেই দেখিতে পাইলাম না। এখানকার পুরাতন রোমান বুরুজ (Tower) একটি প্রধান দ্রষ্টব্য। পূর্বতন রোমানদিগের আমলে রোম হইতে ব্রিন্দিসি পর্য্যন্ত যে প্রকাণ্ড রাজপথ বিস্তৃত ছিল, যাহাকে লোকে ‘এপিয়ান পথ’ (Appian way) বলিত, সেই পথ এই স্থানে শেষ হওয়ার রোমানগণ এই স্থানে বুরুজটি প্রতিষ্ঠিত করিয়াছিলেন।

বিদেশে অপরিচিত, ভিন্ন ভাষাভাষী লোকের মধ্যে প্রথম আসিয়া পড়িলে কেমন যেন একটা বাধ বাধ ঠেকে, একটু অসচ্ছন্দা বোধও হয়। তাহার পর আমাদের নত লোক দেখিয়া সেখানকার লোকেরা কেমন হাঁ করিয়া চাহিয়া থাকে ; চুপ্ত বালকেরা আমাদের দিকে দেখিয়া বিকট মুখভঙ্গী করে ; এ সকল অবশ্যই ভাল লাগে না। আমাদের সঙ্গে যদি ঐ পথপ্রদর্শক ভদ্রলোকটি না থাকিতেন, তাহা হইলে অতি সামান্য বিষয়েও যে আমাদের দিকে কত অশ্লুবিধা ও বিরক্তি সঞ্চারিত হইত, তাহা এই দিনেই আমি বৃদ্ধিত পারিয়াছিলাম। আমি এ দেশের ভাষা জানি না, সুতরাং হাত পা নাড়িয়া ইঙ্গিত ইহারায় কিছুতেই হোটেলের ভৃত্যকে বুঝাইতে পারিলাম না যে, আমার থানিকটা গরম জলের প্রয়োজন হইয়াছে। তাহার পর আর কি করিব ; নিজেই খুঁজিয়া-পাতিয়া একটা স্নানাগারে প্রবেশপূর্বক গরম জলের পরিবর্তে এক পাত্র ঠাণ্ডা জল লইয়া আসিয়া ক্ষৌরকার্য সম্পন্ন করিলাম।

এই দিন সন্ধ্যার পর ভারি একটা কৌতুককর ব্যাপার হইয়াছিল ; তখন ত সেই ব্যাপারে আমরা হাসিয়া অস্থির হইয়াছিলাম, এখনও এতদিন পরে সেই ঘটনা স্মরণ হইলে আমি হাস্য সংবরণ করিতে পারি না। হোটেলের যে কক্ষটি আমাদের বসিবার জন্ত নির্দিষ্ট হইয়াছিল, তাহার পার্শ্বের বিস্তৃত কক্ষ হোটেলের বড় বড় ভোজে ব্যবহৃত হইত। আমরা যে দিনের কথা বলিতেছি, সেই দিন সহরের প্রধান কর্মচারীবৃন্দ ও সম্ভ্রান্ত নাগরিকগণ ইটালির পূর্ববিভাগের প্রধান মন্ত্রিকে অভ্যর্থনা করিবার জন্ত হোটেলের ঐ প্রশস্ত কক্ষে একট

আমার যুরোপ ভ্রমণ

ভোজ-সভার আয়োজন করিয়াছিলেন। যথাসময়ে ভোজ আরম্ভ হইল; আমরা আমাদের কক্ষ হইতে এই ভোজ-ব্যাপার দেখিতেছিলাম। আমার ডাক্তার বাবুও আমাদের ঘরে বসিয়াই এই দৃশ্য দেখিতেছিলেন। একটু পরেই তিনি আমাদের ঘর হইতে বাহির হইয়া গেলেন; আমি মনে করিলাম তিনি হয় ত কোন প্রয়োজনে কোথাও গেলেন। একটু পরেই দেখি ডাক্তার বাবু হাঁপাইতে হাঁপাইতে আমাদের ঘরের মধ্যে প্রবেশ করিলেন; তাঁহার মুখ শুধু শুকাইয়া যায় নাই, মুখের ভাবই বদল হইয়া গিয়াছে। অত্যন্ত ভয় পাইলে মানুষের যে প্রকার মুখের চেহারা হয়, ডাক্তার বাবুরও মুখ তেমনই হইয়াছিল। তাঁহাকে এই প্রকার শোচনীয় অবস্থায় ঘরে প্রবেশ করিতে দেখিয়া আমরা তাঁহার এই ভাবান্তরের কারণ জিজ্ঞাসা করিলাম। তিনি ত প্রথমে কথাই বলিতে পারেন না; তাহার পর কিঞ্চিৎ শাস্ত হইয়া, তিনি যে ব্যাপারের বর্ণনা করিলেন, তাহা শুনিয়া সত্য সত্যই আমাদের হস্ত সংবরণ করা অসাধ্য হইয়া পড়িল। তিনি মুখ চোখ ঘুরাইয়া যথারীতি অভিনয় করিয়া ব্যাপারটি বলিলেন। ঘটনাটি এই;—আমাদের কক্ষদ্বারের সার্শির মধ্য দিয়া ভোজের ব্যাপার দেখিয়া ডাক্তার বাবুর আগ্রহ মিটে নাই; তাই তিনি আমাদের কক্ষ হইতে বাহির হইয়া, যে কক্ষে ভোজ হইতেছিল সেই কক্ষের দ্বারের নিকট গমন করিয়াছিলেন। সেখান হইতে ব্যাপারটি ভাল করিয়া দেখিতে পাইবেন মনে করিয়াই তিনি সেখানে গিয়াছিলেন। সেই দ্বারে একজন সশস্ত্র দ্বাররক্ষী দণ্ডায়মান ছিল। ডাক্তার বাবুকে দ্বারের নিকট যাইতে দেখিয়া সে ইটালীয় ভাষায় বলিল “prohibito, no entrata” অর্থাৎ এখানে প্রবেশ নিষিদ্ধ; কিন্তু ডাক্তার বাবু ইটালীয় ভাষায় পরম পণ্ডিত ছিলেন। তিনি যদি বুদ্ধিমানের মত তখনই ফিরিয়া আসেন, তাহা হইলে আর কোন গোলই হয় না; কিন্তু তিনি এক মজার কাজ করিয়া বসিলেন। সাদ্ধী মহাশয় যে প্রকার ভঙ্গী করিয়া, যেমন স্বরে বলিয়াছিলেন “prohibito, no entrata” ডাক্তার বাবুও ঠিক তেমনই স্বরে তেমনই ভাবে সেই কথার পুনরুক্তি করিলেন; তিনিও তেমনই ভঙ্গী করিয়া বলিলেন “prohibito, no entrata”। ডাক্তার বাবু যে সিপাহীকে অপমানিত করিবার জন্ত কথাতার পুনরুক্তি করিয়াছিলেন তাহা নহে; তিনি বলিলেন যে, কথটা ও বলিবার ভঙ্গী তাঁহার নিকট এমন আমোদ-জনক বোধ হইয়াছিল যে, তিনি নিৰ্জলা আমোদ করিবার জন্তই ঐ প্রকার ভঙ্গীতে কথটা বলিয়াছিলেন। কিন্তু রাম উন্টা বুঝিল। সাদ্ধী মহাশয় বুঝিলেন যে, লোকটা তাঁহাকে পরিহাস করিতেছে। তিনি তখন হুঙ্কার দিয়া উঠিলেন এবং কি একটা শপথবাক্য উচ্চারণ করিলেন। তাঁহার সেই সময়ের ভাবভঙ্গী দেখিয়া ডাক্তার বাবুর আত্মপুরুষ উড়িয়া গেল; তিনি তখন সম্মোচিত বীৰ্য্যের পরিচয় প্রদান করিলেন,—উৰ্দ্ধ্বাসে দৌড়িয়া হাঁপাইতে হাঁপাইতে আমাদের কক্ষের মধ্যে প্রবেশ করিলেন। ডাক্তার বাবুর এই কীর্তিকাহিনী শুনিয়া আমরা হাসিয়াই অস্থির হইলাম। আমাদের এই ডাক্তার বাবুটির এ প্রকার কার্য এই স্থানেই শেষ হয় নাই; আমাদের স্বদীর্ঘ ভ্রমণকালের মধ্যে আরও অনেকবার তিনি কৌতুককর অভিনয়ের নায়ক হইয়াছিলেন। সে সকল কথা যথাস্থানে বলিব।

যে ভোজের ব্যাপার লইয়া ডাক্তার বাবুর এই অভিনয় হইয়া গেল, সে ভোজের একটা বর্ণনা না দেওয়াটা ভাল দেখায় না; বিশেষতঃ এ প্রকার ভোজ-ব্যাপার আমি এই প্রথম দেখিলাম, সুতরাং তাহার একটা বর্ণনা না দিয়া থাকিতে পারিলাম না। ভোজের প্রকাণ্ড টেবিলে খাদ্য দ্রব্য ত ছিল না বলিলেই হয়; তবে ছিল কি—সারি সারি গ্লাস ও নানা জাতীয় ইটালীয় মদ্যের বোতল। নিমন্ত্রিত অতিথিগণ যখন ভোজ-টেবিলের চারিদিকে উপবেশন করিলেন, তখন আমি চাহিয়া দেখিলাম যে, সে স্থানে একটিও রমণী উপস্থিত নাই।

পুরুষগণ নানা প্রকার বেশে সজ্জিত হইয়া সভার শোভা বর্দ্ধন করিতে লাগিলেন। সহরের প্রধান বিচারপতি মহাশয় মহামাণ্ড অতিথির বামপার্শ্বে উপবিষ্ট হইয়াছিলেন। তাহার পর কথাবার্তা—সে এক তুমুল কাণ্ড ; একজন একজন করিয়া যদি কথা বলেন, তাহা হইলে আর গোল হয় না ; কিন্তু সকলেই একযোগে কথা বলিতে আরম্ভ করিলেন ; একটা হট্টগোল উঠিল। তাহার পর যখন সম্মাননীয় অতিথির স্বাস্থ্য-পানের সময় উপস্থিত হইল, তখন সকলেই এক একটা গ্লাস হাতে লইলেন এবং তাঁহার সমীপস্থ হইয়া তাঁহার গ্লাসের গায়ে নিজের হস্তস্থিত গ্লাসটি ঠেকাইয়া লইয়া যাইতে লাগিলেন।

এই ত গেল স্বাস্থ্য-পানের ব্যাপার। তাহার পর বক্তৃতা—সে এক ভীষণ ব্যাপার—একেবারে লণ্ডভণ্ড কাণ্ড ! যদিও বক্তৃতার ভাষা বুঝিলাম না, বক্তৃতার একটি শব্দের অর্থও হৃদয়ঙ্গম হইল না ; কিন্তু বক্তা মহাশয়েরা যে প্রকার উচ্চৈঃস্বরে বক্তৃতা করিতে লাগিলেন, যে প্রকার মুখভঙ্গী করিতে লাগিলেন, যে প্রকার উত্তেজিতভাবে কথা বলিতে লাগিলেন এবং প্রতি দুই সেকেন্ড পরেই যে ভাবে টেবিলের উপর প্রচণ্ড মুষ্টিঘাত করিতে লাগিলেন, তাহাতে এটা যে অভ্যর্থনা-সভা, এটা যে ভোজসভা, তাহা কাহারও মনে হইতেই পারে না। আমার ত মনে হইল, ইহারা হয় ত কোন রাজনৈতিক বিষয়ে তুমুল বাদানুবাদ করিতে আরম্ভ করিয়াছে। কিন্তু বাস্তবিক তাহা নহে ; এখানকার বক্তৃতাই না কি এই রকমের। আবার বক্তৃতার মাঝে মাঝে করমর্দনেরও বিরাম ছিল না।

পরদিন প্রাতঃকালেই আমরা হোটেল ভাগ করিয়া রেল ষ্টেশনে গেলাম। ষ্টেশনটি বাহির হইতে বেশ বড় ও সুদৃশ্য বোধ হইয়াছিল, কিন্তু ভিতরে গিয়া দেখি, সেখানেও সেই অপরিচ্ছন্নতা। আমাদের প্রথম শ্রেণীর টিকিট ছিল। আমরা এই সর্বপ্রথম যুরোপের রেল গাড়ীতে চড়িলাম। গাড়ীর মধ্যে প্রবেশ করিয়া দেখি, বসিবার আসনগুলি সমস্তই মুখেমুখি সাজান রহিয়াছে। এ বন্দোবস্ত আমার ভাল বোধ হইল না। যুরোপের নানাস্থানে ভ্রমণ করিবার সময় নানা কোম্পানীর গাড়ীতে চড়িয়াছি, ইংলণ্ডের প্রসিদ্ধ “সুমাইবার গাড়ীতেও” (Sleeping car) অনেকবার চড়িয়াছি ; কিন্তু ঐ সকল রেলগাড়ীতে যত সুব্যবস্থাই থাকুক না কেন, আমার ত মনে হয়, আমাদের দেশের গাড়ীর ব্যবস্থাই ভাল। তবে “ভিন্ন রুচির্হি লোকঃ” এই যা কথা।

ভূতীয় অধ্যায়

নেপাল্‌স

বুন্দিসি হইতে নেপাল্‌সই আমাদের যুরোপের স্থলপথে প্রথম যাত্রা ; কাজেকাজেই বিশেষ আগ্রহের সহিত রেল গাড়ির জানালা হইতে দেখিতে লাগিলাম। গাড়ী ছাড়িবামাত্র রেল লাইনের দুইপার্শ্বে বহু দ্রাক্ষা ফলের কেয়ারী, সুন্দর সুন্দর শ্রামল শস্যক্ষেত্র ও জলপাই ও বাদামের গাছ দৃষ্টিপথে আসিল। ভারতবর্ষে যেমন দুই খণ্ড জমির মধ্যে ‘আল’ থাকে, এখানে তাহা দেখিলাম না ; এখানে সেগুলি সুন্দর পথে পরিণত হইয়াছে। ইহাতে গমনাগমনের বেশ সুবিধা হয়। ইটালির দক্ষিণাংশের ক্ষেত্রসকল দেখিলে সহসাই মনে হয় যে, এ দেশে মদ ও তৈলই প্রস্তুত হয়, আর কিছুই হয় না। ইটালির দক্ষিণাংশ,—সুধু দক্ষিণাংশ কেন, সমস্ত ইটালি দেখেই, লোকেরা সহরে বা সহরতলীতেই বাস করিয়া থাকে। বুন্দিসি হইতে নেপাল্‌সের পথের মধ্যে আমি কোথাও একখানি গ্রাম বা একটা পল্লী দেখিয়াছি বলিয়া মনে হয় না। চারিদিকে বিস্তৃত শস্যক্ষেত্র ও




পম্পিয়াই নগরের ভগ্নাবশেষ।

উজ্জান এবং তাহারই মধ্যে দূরে দূরে এক একটা গোলাবাড়ী ;—গ্রাম বা পল্লী নোটাই নাই। এই কারণেই বোধ হয় সহরগুলির লোকসংখ্যা অধিক।

বুন্দিসি হইতে যাত্রা করিয়া প্রথমেই আমরা যে সহর দেখিলাম তাহার নাম বারি (Bari) ; ইহা এড্রিয়াটিক সাগরের তীরস্থ একটি বন্দর ; লোকসংখ্যা বড় কম নহে—প্রায় লক্ষাধিক লোকের বাস। বুন্দিসি

অপেক্ষা বারিই প্রধান বাণিজ্যবন্দর। এই বন্দরের সম্মুখেই সমুদ্রের অপর পারে, তুরস্কের উপকূলে আর একটি বন্দর আছে ; তাহার নাম এন্টি-বারি (Anti-Bari) অর্থাৎ উন্টা বারি।



ফোরাম।

পাহাড়ের উপর স্থাপিত। সহরের কনভেন্ট বা পাদ্রি-নিবাসটিই সর্বোচ্চ ও সুদৃশ্য অট্টালিকা বলিয়া মনে হইল। ভারতবর্ষে আমরা কনভেন্ট বলিতে খ্রীষ্টীয় কুমারীগণের ধর্মশালা বলিয়া জানি ; কিন্তু ইটালিতে কনভেন্ট বলিলে পুরুষ ও মেয়ে উভয় দলের লোকেরই ধর্মশালা বা মঠ বুঝায়। এই বেনিভেটো সহর ও তাহার নিকটবর্তী স্থান সমূহ হইতে এবং বসিলিকাটা প্রদেশ হইতে প্রতি বৎসর দলে দলে ইটালী যানগণ আমেরিকায় কাজ করিতে যাওয়া থাকে। দেশে তাহারা কাজ করিয়া যে অর্থ উপার্জন করিতে পারে, আমেরিকায় গেলে তাহা অপেক্ষা অধিক উপার্জন হইয়া থাকে ; এই আশায় প্রলুব্ধ হইয়াই তাহারা ঘরবাড়া ত্যাগ করিয়া এই দূরদেশে চলিয়া যায়। এই স্থানের এলন গাছগুলি বড়ই সুন্দর। একে গাছগুলিই ভাল, তাহার উপর আবার একটি গাছ হইতে আর একটিতে আশ্বরের লতা ঝুলিতেছে ; এই দৃশ্য অতি সুন্দর।



কুটীওয়ালার দোকান

তাহার পর যখন আমরা কাসেরটা উপত্যকায় উপস্থিত হইলাম, তখন দূরে সেই আগ্নেয়গিরি বিস্মবিসম আমাদের দৃষ্টিপথে পতিত হইল। তখনও সেই গিরির শিখরদেশ হইতে ধূম বাহির হইতেছিল। "আমার জীবনে আগ্নেয়গিরি দর্শন ঘটে নাই, আর কখনও আমি এক দৃষ্টিতে বিস্মবিসম দেখিতে লাগিলাম। আমি যে সময়ের কথা বলিতেছি, তাহার এক মাস পূর্বেই বিস্মবিসমের অগ্ন্যুৎপাত হইয়া গিয়াছে। এখনও তাহার চিহ্ন রহিয়াছে,—এখনও সেই মহাদৈত্যের ক্রোধের শাস্তি হয় নাই ;—এখনও তাহার শিখরদেশ হইতে ধূমরাশি বহির্গত হইতেছে। কে

আমার যুরোপ-ভ্রমণ

বলিতে পারে, হয় ত এখনই সে আবার সংহারমূর্তি ধারণ করিতে পারে। কাসেরটা হইতে কিছুদূরেই বুরবোন রাজগণের পুরাতন প্রাসাদ অবস্থিত। আমরা গাড়ী হইতেই সেই রাজপ্রাসাদ দেখিতে পাইলাম। গাড়ী আর একটু অগ্রসর হইলেই আমরা আর একটু অতি সুন্দর পয়ঃপ্রণালী দেখিলাম; বুরবোনবংশীয় একজন রাজা ক্ষেত্রে জলসেচনের জন্ত এই পয়ঃপ্রণালী প্রস্তুত করিয়াছিলেন। এই পথে গমন সময়ে আমি বিশেষ বুঝিতে পারিলাম যে, এস্থলের উর্বরা শক্তি খুব অধিক, কারণ উপত্যকার গর্ভ হইতে আশ পাশের পর্বতমালায় চূড়া পর্যন্ত এক তিল অনাবাদী জমী নজরে আসিল না।

ক্রমে গাড়ী নেপল্‌সের নিকট আসিল। দূর হইতে নেপল্‌স সহর অতি সুন্দর দেখাইতে লাগিল। অদূরেই সেই বিশ্ববিদ্যমান আগ্নেয়গিরি এখনও ধীরে ধীরে অগ্ন্যুদগার করিতেছেন; এখনও তাঁহার গাত্র বহিয়া গলিত ধাতুদ্রব্য পড়িতেছে, এখনও চারিদিকে ভস্মরাশি স্তূপাকারে বিক্ষিপ্ত রহিয়াছে। এ দৃশ্য সত্যসত্যই অভিনব ও ভীষণ।

আমরা অপরাহ্ন পাঁচটার সময় নেপল্‌স সহরে পৌঁছিলাম। সহরের বাহিরে অবস্থিত ‘রয়েল স্ট্রোঞ্জার’ নামক হোটেলে আমাদের আবাসস্থানের ব্যবস্থা হইয়াছিল। এই হোটেলটি অতি মনোরম স্থানে নিশ্চিত। হোটেলে বাইবার



এপোলো দেবীর মন্দিরের ভগ্নাবশেষ।

দেখিলাম। এই প্রথম দৃষ্ট স্থলের সৌন্দর্য্য আমাকে নিরাশ করিতে পারে নাই। এই সহরে বৈদ্যাতিক আলোর ও বৈদ্যাতিক ট্রাম আছে। আমি অনুসন্ধান করিয়া জানিলাম, যে, স্মৃধু নেপল্‌স সহর বলিয়া নহে, ইটালীর সামান্য গ্রামেও বৈদ্যাতিক আলোর ব্যবস্থা আছে। ইহাতেই বুঝিতে পারা যায় যে, এ দেশ কতদূর উন্নত হইয়াছে




মদের দোকান।

সময় আমরা গিয়ে রাজপ্রাসাদ, সেন্ট ফ্রান্সিস এসিসির ভজনালয় এবং অনেক গুলি বড় বড় সওদাগরের প্রকাণ্ড প্রকাণ্ড অট্টালিকার নিকট দিয়া বাইতেহইয়াছিলাম। আমরা চারিদিকে চাহিয়া দেখিলাম যে, সহরটা অতি সুন্দর; অনেক সুদৃশ্য অট্টালিকা এই সহরের শোভাবর্দ্ধন করিতেছে; রাজপথগুলিও বেশ প্রশস্ত; তাহার পর পথিপার্শ্বে বা উদ্যানমধ্যে গ্যারিবল্ডি, ম্যাটসিনি ও ভিক্টর ইমানুয়েলের প্রস্তর-নির্মিত মূর্তিসকল দেখিতে পাইলাম। এই আমি সর্বপ্রথম যুরোপের একটি ডুব সহর

এবং এখানে যাতায়াতের সুবিধা কত অধিক। নেপল্‌স সহর বলিয়া নহে, ইটালীর সকল স্থানেই অট্টালিকা সকল প্রধানতঃ প্রস্তরনির্মিত। আমরা বৃন্দিসি হইতে নেপল্‌সের রেলপথে আসিবার সময় যে সকল অট্টালিকা দেখিয়াছিলাম, এবং নেপল্‌স সহরেও যাহা দেখিলাম, তাহার প্রায় অধিকাংশই ‘তুফা’ নামক প্রস্তরে নির্মিত। এই ‘তুফা’ প্রস্তর ঠিক আমাদের দেশের ‘বেলে’ পাথরের মত; ভারতের উত্তর-পশ্চিম প্রদেশে চুণারে যে পাথর পাওয়া যায়, এই পাথরগুলি ঠিক সেইরূপ।

সেই রাজিতে হোটеле আহােরের পর আমরা নেপল্‌স দেশীয় টারান্টেলা নৃত্য দেখিলাম। একরূপ নৃত্য আমরা কখনও পূর্বে দেখি নাই বলিয়াই যে, ভাল লাগিল তাহা নহে, সত্য সত্যই এ নৃত্য একটা দেখিবার জিনিষ। বেহালা হইতে আরম্ভ করিয়া বিবিধ তারের বাণ্যযন্ত্র, আবার তার সঙ্গে নানা প্রকার পরিচ্ছদে ভূষিত নেপল্‌সের নর্তক-নর্তকীগণের গান মন্দ লাগিল না; কিন্তু গান অপেক্ষা তালে তালে নৃত্যটাই মনোহর বোধ হইল। এই জাতীয় নৃত্য নেপল্‌সেই বেশী দেখিতে পাওয়া যায়।

বহুপথ রেলের গাড়ীতে ভ্রমণ করিয়া সে দিন আমরা বড়ই ক্লান্ত হইয়া পড়িয়াছিলাম; সেই জন্ত



এফিথিয়েটার বা জীড়াভূমি।

সকাল সকালই শয্যা আশ্রয় করিলাম। কিন্তু তাই বলিয়া পরদিন প্রাতঃকালে আমাদের শয্যাভ্যাগের বিলম্ব হয় নাই; আমরা প্রাতঃকালেই সহর-ভ্রমণে বাহির হইলাম। তাড়াতাড়ি প্রাতরাশ শেষ করিয়া আমরা পথে বাহির হইলাম। আমরা প্রথমেই মুসিও নাটশনেলী অর্থাৎ ন্যাশানল বা স্বদেশী যাত্ৰবর দেখিতে গেলাম। এখানে ইটালীর লক্ষপ্রতিষ্ঠ ভাস্করগণের নির্মিত প্রস্তরখোদিত মূর্তিসকল রক্ষিত হইয়াছে। গ্রীক ও রোমানদিগের সময়ের অত্যাশ্চর্য মূর্তিসকলও সংগ্রহ করিয়া এখানে রাখিয়া দেওয়া হইয়াছে। ইটালীর মধ্যে যেখানে যাহা উৎকৃষ্ট পাওয়া গিয়াছে, বিশেষতঃ পম্পিয়াই নগরের ভগ্নস্তূপের মধ্য হইতে যে সকল উৎকৃষ্ট প্রস্তরমূর্তি ও অস্ত্রাস্ত্র দ্রব্য পাওয়া গিয়াছে, তাহা এই স্থানেই রাখা হইয়াছে। এখানে শুধু যে প্রস্তরমূর্তি প্রভৃতিই রক্ষিত হইয়াছে তাহা নহে, পুরাতন গ্রীক ও ইটালীর কাচ-নির্মিত দ্রব্যাদি, তাম্র-নির্মিত অলঙ্কারসমূহ, মণিমুক্তা ও রত্ননের বাসনাদিও এই স্থানে সমস্ত সংগৃহীত হইয়াছে। প্রকাণ্ড প্রকাণ্ড কাচাধারের মধ্যে পুরাতন পম্পিয়াই সহরের কত আশ্চর্য্য ও


আমার যুরোপ-ভ্রমণ

সুন্দর দ্রব্য সকল রহিয়াছে। পম্পিয়াই নগর ধ্বংস হইবার সময় বাহা যেমন অবস্থায় ভস্মরাশির নিম্নে সমাহিত হইয়াছিল, বহু শতাব্দী পরে তাহা উন্মোচিত হইয়া এই স্থানে আনীত হইয়াছে। এ গুলি দেখিলে আশ্চর্য্য বোধ



ভায়া ডেলা ফরচুনা—একটা প্রধান রাজপথ।

হয়। কতকাল পূর্বে পম্পিয়াই নগর ভস্ম-স্তূপের নিম্নে অদৃশ্য হইয়া-ছিল, কিন্তু এক্ষণে সেই স্থানের ভস্মরাশি অপ-সারিত করিয়া বাহা যেমন অবস্থায় ছিল, ঠিক সেই অবস্থাতেই পাওয়া গেল। বহু শতাব্দী পূর্বে পম্পিয়াই নগর কেমন সমৃদ্ধ ছিল, তখনকার লোকের আচার-ব্যবহার, পোষাক পরিচ্ছদ কেমন ছিল, তাহাদের রীতি-নীতি কেমন ছিল, এতকাল পরে তাহার চিত্র বথাবথ প্রত্যক্ষ করিয়া মনে অতুল আনন্দের সঞ্চার হইল। আমি এই স্থানের সমস্ত কক্ষই ঘুরিয়া দেখিলাম; কিন্তু আমি ত এ সকল সম্বন্ধে বিশেষজ্ঞ নছি; কাজেই আমি উপর উপরই দেখিলাম। যাহারা বিশেষজ্ঞ, তাঁহারা না জানি এই সকল দ্রব্য দর্শন করিয়া কত তথ্য সংগ্রহ করিতে পারিতেন। আমি এ সকলের সম্বন্ধে কোন প্রকার গবেষণা করিয়া অনধিকার-চর্চার দৃষ্টান্ত প্রদর্শন করিতে সম্পূর্ণ অনিচ্ছুক। তবে আমি এই পর্য্যন্ত বলিতে পারি যে, ঐ নিউজিয়মে আমি যে সমস্ত মূর্তি দেখিয়াছিলাম, তাহার মধ্যে মিনারভা, ভিনাস ক্যালিপূজী, জুনোফার্গিস, প্রোপালো, টোরো ফারনিস ও ফারনিস হারকুলিসের মূর্তি আমার



একটি অট্টালিকার অভ্যন্তরভাগ।

নিকট অতি সুন্দর বলিয়া বোধ হইয়াছিল। পুরাতন পম্পিয়াই নগরের যে অংশ এখন বাহির হইয়াছে, এখানে তাহার একটা ছোটখাট আদর্শ রক্ষিত হইয়াছে। পম্পিয়াই দেখিতে যাইবার পূর্বে এই আদর্শটি দেখিয়া

গেলে আসল স্থান দেখিবার অনেক সুবিধা হয়। এই মিউজিয়মের একটি কক্ষে পম্পিয়ান আমলের অস্ত্রাস্ত্র দ্রব্য ও বহুমূল্য চিত্রাদি সজ্জিত আছে। এই সকল দেখিলে সেই বহুদিন পূর্বের পম্পিয়াই-নগরবাসীদের



একটি উদ্যান-বাটিকার বহির্ভাগ

বিলাসিতা ও হীনচরিত্রের প্রকৃষ্ট প্রমাণ পাওয়া যায়। অবশ্য, সত্য কথা বলিতে গেলে বর্তমান সময়েও পৃথিবীর ছই চারিটি সভ্যতাভিমাত্রী দেশে এই প্রকার বিলাসিতা ও চরিত্রহীনতা বে নাই, তাহা কে বলিতে পারে? এই স্থানে আর একটি দ্রব্য দেখিলাম, তাহা কতকগুলি প্রদীপ ও নীপাধার। এগুলি দেখিয়া ভারতবর্ষের তান্ত্রিকগণের ব্যবহৃত দ্রব্যাদির কথা মনে হইল। এই মিউজিয়মের গৃহটি

নিয়াপলিটান রাজাদিগের আমলে সৈন্তগণের বাসস্থান ছিল। এই স্থানের নিকটেই একখানি বড় দোকান আছে; সেই দোকানে এই মিউজিয়মে রক্ষিত সমস্ত দ্রব্যের আলেখ্য কিনিতে পাওয়া যায়

এই স্থান হইতে বাহির হইয়া আমরা “দি চার্চ অব সেন্ট জেভেরিয়স্” নামক সুপ্রসিদ্ধ ভজনালয় দেখিতে গিয়াছিলাম। এই সেন্ট জেভেরিয়স পূর্বতন খৃষ্টীয় আমলের একজন মহাত্মা ছিলেন এবং তিনি ধর্মের জন্য শোণিত দান করিয়াছিলেন। তাহাকে লোকে নেপ্লস্ নগরের অধিষ্ঠাতা দেবতা বলিয়া পূজা করে। ইটালীর বড় গির্জা দেখা এই



ইডিলের গৃহ—নগরে সর্বপ্রধান অট্টালিকার ভগ্নাবশেষ

আমার প্রথম; তাই ইহার অভ্যন্তরভাগের কারুকার্য ও সাজসজ্জা বড়ই মনোরম বোধ হইল। এই ভজনালয়ের সম্মুখভাগ নূতন করিয়া নির্মিত হইয়াছে। কুড়ি বৎসর ধরিয়া ইহা নির্মিত হয় এবং অতি অল্পদিন পূর্বেই ইহার নির্মাণ-কার্য শেষ হইয়াছে। খৃষ্টীয় একাদশ শতাব্দীতে এই ভজনালয় নির্মিত হইয়াছিল। তাহার

আমার যুরোপ-ভ্রমণ

পূর্বে এই স্থানে এপোলোর মন্দির ছিল ; এখনও এই স্থানে গ্রীক-পুরাণ-বর্ণিত অনেক দেবদেবীর মূর্তি দেখিতে পাওয়া যায়। বর্তমান ভজনালায়ের অভ্যন্তরভাগে যে কয়েকটি স্তম্ভ দেখিলাম, সেগুলি, শুনলাম, পুরাতন এপোলো মন্দিরেরই স্তম্ভ। শুনলাম ইটালীর অনেক খৃষ্টীয় ভজনালায়ই পুরাতন মন্দিরের ভিত্তির উপর প্রতিষ্ঠিত হইয়াছে। আমার মনে হয় খৃষ্টীয়ানগণ ইচ্ছা করিয়াই এই কার্য্য করিয়াছিলেন। পুরাতন দেবদেবীর উপাসনাকে বর্জিত করিয়া খৃষ্টানধর্ম্ম যে দিগ্বিজয়ী হইয়াছে, সেই বিজয়-গৌরব ঘোষণার জন্তই সে সময়ের খৃষ্টীয়ানগণ দেবমন্দিরসকল সমভূম করিয়া তাহাদের স্থানে খৃষ্টীয় ভজনালায়সকল নির্মাণ করিয়াছিলেন। এই ভজনালায়ের অভ্যন্তরভাগে ভিত্তিগাত্রে যে সকল চিত্র দেখিলাম, তাহা নিপুণ চিত্রকরগণের অঙ্কিত ; তাহারা সত্যসত্যই অতুলনীয়। চিত্রগুলি



সমাধি স্থান।

দেখিলে মার্কেল প্রস্তর নির্মিত মূর্তি বলিয়া সহসা ভ্রম হইয়া থাকে। চিত্রকরগণের পক্ষে ইহা সাধারণ গৌরবের কথা নহে। এই স্থানে যে কয়েকটি দেবদূতের চিত্র আছে, তাহা ইটালীর খ্যাতনামা চিত্রকর ডোমেনিচাইনোর অঙ্কিত।

এই ভজনালায়ের নিয়মেশে বা পাতাল গৃহে মহাত্মা সেন্ট জেফ্রয়ারিসের সমাধি-মন্দির এবং এই মন্দিরে একটি বোতল রক্ষিত আছে। সেন্ট জেফ্রয়ারিস যখন ধর্ম্মের জন্ত হৃদয়ের শোণিত দান করিয়া প্রাণত্যাগ করেন, সেই সময়ে সেই শোণিত সংগ্রহ করিয়া না কি এই বোতলের মধ্যে রক্ষিত হইয়াছিল। ইটালীর দক্ষিণ অঞ্চলবাসী অশিক্ষিত লোকেরা এই পুরাতন কাহিনী শ্রবণ করিয়া ভক্তিতে অবনতমস্তক হয় এবং তাহারা বলিয়া থাকে মহাত্মা সেন্ট জেফ্রয়ারিসের দিব্যাত্মা এখনও এই নগরকে রক্ষা করিতেছেন। যে দিন ঐ মহাত্মা প্রাণত্যাগ

করিয়াছিলেন, সেই দিন স্মরণ করিয়া এখানে মহোৎসব হয়; সেই দিনে ঐ বোতলের শোধিতকে উদ্ভূত করা হয় এবং সেই উপলক্ষে সমাগত সহস্র সহস্র যাত্রীবৃন্দ অনেক টাকা, বহু দ্রব্য, নানা পূজোপকরণ এই মন্দিরে উৎসর্গ করিয়া থাকে। এই উপায়ে অনেক মন্দিরেরই যথেষ্ট আয় হইয়া থাকে। এখানে একটি প্রস্তরে খোদিত নরমুণ্ড একটা ভিত্তিগাত্রে খোদিত আছে; ভজনালয়ের লোকেরা দর্শকগণকে ও অনভিজ্ঞ রোমান ক্যাথলিক গ্রামবাসী-দিগকে এই মুণ্ডটিকে সেকালের কোন সাধুর লিখিত যিগু খৃষ্টের মস্তক বলিয়া পরিচিত করিয়া থাকে। এই মুণ্ডের সম্মুখে মশাল বা কোন আলো নড়াইলে বোধ হয় যেন ঐ মুণ্ডের চক্ষু ছুইটির পর্দা একবার পড়িতেছে, একবার উঠিতেছে। যে এই মুণ্ডটি নির্মাণ করিয়াছিল, সে এই প্রকার দৃষ্টিবিন্দু ঘটাইবার জন্যই অতি স্নেহাশ্রমে চক্ষু ছুইটি নির্মাণ করিয়াছিল। কিন্তু অশিক্ষিত ধর্মপ্রাণ সাধারণ লোকে কি আর সে কথা বোঝে? তাহারাই এই ব্যাপারকে অলৌকিক বলিয়া মনে করে; মন্দিরের লোকেরাও অর্থলাভের আশায় এই ব্যাপারের অলৌকিক ব্যাখ্যাই করিয়া থাকে; এবং তাহার ফলে যাত্রীরা এখানেও পূজা দেয়, দর্শনো প্রদান করে—মন্দিরের যথেষ্ট অর্থাগম হয়। এ সকলই পুরোহিতগণের কীর্তি এবং যাহা পাদরীরা অল্প যোগের মূর্তি বলিয়া জনসাধারণকে ঠকাইতেছে, তাহা যে প্রাচীন গ্রীকদের জুপিটার নামক দেবতার আকৃতি, তাহা পার্শ্বের গ্রীক-দেশীয় মদন রতি—কিউপিড ভিনাস্ ইত্যাদির প্রতিকৃতি হইতে বেশ বুঝা যায়। প্রাতঃকালে বাহির হইয়া এই ছুইটি স্থান দেখিতে দেখিতেই বেলা হইয়া গেল। তখন অত্র গমন না করিয়া আমরা সে বেলার মত হোটেলে ফিরিয়া আসিলাম।

সেই দিন অপরাহ্নেই আবার বাহির হইলাম। আমরা প্রথমেই ভোমেরো নামক ছোট পাহাড়ের উপরে নির্মিত সেন্ট মার্টিনো যাহ্নর দেখিতে গেলাম। আমাদের সৌভাগ্যক্রমে সে দিন আকাশে একটুও মেঘ ছিল না। আমরা সেই জন্য এই স্থান হইতে নেপলস্ সহর এবং বিশ্ববিদ্যায়ের সুন্দর ছবি দেখিতে পাইলাম।

সেন্ট মার্টিনোর যাহ্নঘরের সংলগ্ন একটা অতি মনোরম ভজনালয় আছে; ইহার ভিতরে প্রস্তরের বহুবিধ কারুকার্য এবং বহুমূল্য চিত্র আছে। এই স্থানেরই অপর পার্শ্বে প্রাচীন বোরগ রাজবংশের ব্যবহারের শকট-বিলাসের নৌকা ইত্যাদি দেখিবার জিনিস আছে। এই সকল শকটের একখানির মধ্যে একটু ঐতিহাসিকতা আছে। ১৮৬০ খৃষ্টাব্দে নেপলস্ ইটালি রাজ্যাধিকারে আসিলে, ঐ শকটে বসিয়া ভিক্টর ইমানুয়েল, গ্যারিবল্ডী, ম্যাটসিন প্রভৃতি নগর-প্রবেশ করেন। এই স্থান পূর্বে পাদরীদিগের মঠ ছিল। ইহার দেওয়ালের একপার্শ্বে কাঠের উপর খোদিত কারুকার্যের বিবিধ চিত্র আজও পুরাকীর্তি ঘোষণা করিতেছে।

এই যাহ্নঘর ত্যাগ করিয়া আমরা নগরের প্রধান পার্ক বা প্রমোদকানন দেখিতে গেলাম। তাহার একপার্শ্বে একটা অতি সুন্দর জলাশয় আছে। নেপলস্ উপসাগরে যত প্রকার জলজ মৎস্যাদি পাওয়া যায়, তাহা এই স্থানে সংরক্ষিত হইয়াছে। ইহা একটা দেখিবার জিনিস।

এই যাহ্নঘরে বিখ্যাত চিত্রকরগণের চিত্রিত বহুমূল্য সুন্দর সুন্দর চিত্র দেখিলাম। তাহার মধ্যে একখানি চিত্র অতি সুন্দর; তাহার নাম খৃষ্টের ক্রস হইতে অবতরণ (Descent from the Cross)। এখানি ইটালীর প্রখ্যাতনামা চিত্রকর ষ্ট্যানজিওনির অঙ্কিত। চিত্রখানির স্থানে স্থানে নষ্ট হইয়া গিয়াছে। প্রকাশ এই যে, সেই সময়ের আর একজন বিখ্যাত চিত্রকর বিবেরা ঈর্ষাপরতন্ত্র হইয়া এই চিত্রখানি এমন করিয়া নষ্ট করিয়াছিলেন। বিবেরার উৎকৃষ্ট চিত্র এই যাহ্নঘরে রহিয়াছে দেখিলাম। আর একখানি চিত্র দেখিলাম; তাহার

আমার যুরোপ ভ্রমণ

নাম 'জুডিথ' (Judith) ; এখানি সুপ্রসিদ্ধ চিত্রকর লুকা গিওরডানো ৭২ বৎসর বয়সের সময় আটচল্লিশ ঘণ্টায় অঙ্কিত করিয়াছিলেন ।

পরদিন প্রাতঃকালের ভোজনাদির পর আমরা বিস্ববিয়স্ পর্বত দেখিবার জন্ত যাত্রা করিলাম । পথে পোর্টিসি ও রেনিনা নামক দুইটি গ্রাম অতিক্রম করিতে হইয়াছিল । তাহার পর পুলিয়াণো নামক স্থানে গমন করিয়া আমরা গাড়ী ছাড়িয়া ইলেকট্রিক ট্রামে আরোহণ করিলাম । কিন্তু আমরা এই ট্রামে অধিক দূর যাইতে পারিলাম না, কারণ সেবারকার এপ্রিল মাসে বিস্ববিয়সের যে অধুৎপাত হইয়াছিল, তাহাতে খানিকটা পথ একেবারে ধ্বংস হইয়া গিয়াছিল । ট্রামে যাইতে এক এক স্থান এমন উচ্চ যে, মনে হইতে লাগিল, গাড়ী হয় ত পড়িয়া যাইবে । আমরা পর্বতপার্শ্বে যেখানে নাগিলাম, সেইস্থান হইতে সেবারকার অধুৎপাতের কাণ্ড বেশ দেখিতে পাইলাম । চারিদিকে প্রায় দশ পনর ফিট পুরু হইয়া ভস্মরাশি পড়িয়া রহিয়াছে । দূরবীক্ষণ-যন্ত্রের সাহায্য না লইয়াও আমরা দেখিতে পাইলাম যে, তখনও বিস্ববিয়সের শিখরদেশ হইতে গলিত ধাতু নিঃসৃত হইয়া পর্বতের গাত্র বাহিয়া পড়িতেছে । আমরা দাঁড়াইয়া থাকিতে থাকিতেই দেখিলাম যে, পর্বতের শিখর হইতে হঠাৎ ধুমরাশি ও অগ্নিশিখা উঠিতে আরম্ভ করিল ।

এই সময়ে একটা বড় আমোদজনক ঘটনা ঘটয়াছিল । আমরা যেখানে দাঁড়াইয়া বিস্ববিয়স্ দেখিতেছিলাম, তাহারই নিকট একদল আমেরিকাবাসী ভ্রমণকারী দাঁড়াইয়া ছিলেন । তাঁহাদিগের মধ্যে একজন প্রৌঢ়বয়স্ক ব্যক্তি আমার নিকট আসিয়া বলিলেন, “মহাশয়, আপনি কি একজন ভারতীয় রাজা ?” এই প্রশ্ন শুনিয়া আমি একটু ইতস্ততঃ করিলাম, কারণ আমি এই ভ্রমণপথে কোথাও কাহারও নিকট বিশেষ করিয়া আশ্রয়-পরিচয় প্রদান করি নাই । কিন্তু এই ভদ্রলোকটি যে ভাবে আমাকে প্রশ্ন করিলেন, তাহাতে আমার আশ্রয়গোপন করা সম্ভবপর হইল না ; আমি তাঁহাকে আমার পরিচয় প্রদান করিলাম । তাহার পর তিনি যাহা বলিলেন, তাহা বড় কৌতূহলজনক ! তিনি বলিলেন, “শুনুন মহাশয়, ভারতীয় কোন রাজার সহিত করমর্দন করিবার সুযোগ লাভ করিবার জন্য আমি কত চেষ্টা করিয়াছি । এইটি আমার জীবনের বড় সাধ । মহাশয় কি আমাকে আপনার করমর্দন করিবার গৌরব লাভ করিতে দিবেন ?” ভদ্রলোকের কথা শুনিয়া আমার হাস্য-সংবরণ করা কঠিন হইয়া পড়িল । যাহা হউক, তিনি যে ভাবে এবং যে প্রকার বিনয় সহকারে কথা কয়টি বলিলেন, তাহাতে তাঁহার “জীবনের বড় সাধ” পূর্ণ করিতে আমি ক্রটি করিলাম না । আমি মনে করিলাম, এই স্থানেই বৃষ্টি এ পর্বের শেষ ; কিন্তু তাহা হইল না । ভদ্রলোক তখন সেই দল হইতে তাঁহার ভ্রাতা, কয়েকটি ভগিনী এবং পাঁচ সাতটি খুড়া, খুড়ী, দিদিকে আনিয়া আমার সহিত পরিচিত করিতে আরম্ভ করিলেন । কি করা যায়, আমি সকলের সহিত করমর্দন করিয়া এবং তাঁহাদের পরিচিত হইয়া যে বিশেষ আনন্দিত হইলাম, এই প্রকার দুই একটি শিষ্টাচার-সম্মত কথা বলিয়া সেই স্থান ত্যাগ করিলাম ।

এই স্থান হইতে বাহির হইয়া আমরা বিস্ববিয়সের মানমন্দির (Observatory) দেখিতে গেলাম । সেখানে পূর্বভদ্র অধুৎপাতের স্মৃতিচিহ্ন সকল রক্ষিত হইয়াছে । এই মানমন্দিরের সুপারিণ্টেনডেন্ট অধ্যাপক ম্যাটায়ুবি বড় ভদ্রলোক । তিনি আমাদের সঙ্গে লইয়া সমস্ত দেখাইলেন এবং অনেক জিনিসের বৃত্তান্ত বলিলেন । তিনি বলিলেন যে, বিগত অধুৎপাতের সময় যখন সকলেই স্থান ত্যাগ করিয়া পলায়ন করিয়াছিল, তখন তিনি এই মানমন্দির ত্যাগ করিয়া যান নাই ; একাকী এই স্থানে ছিলেন । তিনি বলিলেন যে, সে সময়

থাকিয়া থাকিয়া কামানের গর্জনের মত শব্দ হইতে লাগিল এবং গলিত বাতুদ্রব্য সকল কামানের গোলায় মতই মানমন্দিরের চারিদিকে ও অট্টালিকার উপর বর্ষিত হইতে লাগিল। আমি এখানে বিশেষ আগ্রহের সহিত একটি দ্রব্য পরিদর্শন করিলাম। এই মানমন্দিরে ভূমিকম্পের বিষয় অবগত হইবার সমস্ত যন্ত্রের সম্মিলন দেখিলাম। অধ্যাপক মহাশয় বলিলেন যে, পৃথিবীর যেখানে বত সামান্য ভূমিকম্পই হউক না কেন, এখানে তাহা এই সকল যন্ত্রের সাহায্যে জানিতে পারা যায়। তিনি বলিলেন যে, এই সকল স্তম্ভের যন্ত্রের সাহায্যে তিনি বিগত এপ্রিল মাসে যে অগ্ন্যুৎপাত ও ভূমিকম্প হইয়াছিল, তাহার সংবাদ অনেকদিন পূর্বেই দিয়াছিলেন এবং স্থানীয় লোকদিগকে সাবধান করিয়াও দিয়াছিলেন। তিনি বলিলেন যে, ১৮৭০ খৃষ্টাব্দের পর যে কয়বার অগ্ন্যুৎপাত হইয়াছে, তাহার মধ্যে এই ১৯০৬ খ্রীষ্টাব্দের অগ্ন্যুৎপাতই ভীষণ ও প্রবল। এবার যে ভাবে এবং যে প্রকার প্রবলবেগে ধাতুনিঃস্রাব আরম্ভ হইয়াছিল এবং ভস্মরাশি বিক্ষিপ্ত হইয়াছিল, যদি সেই প্রকার বেগে আর ২৪ ঘণ্টা ধাতুনিঃস্রাব এবং ভস্মরাশি বিক্ষিপ্ত হইত, তাহা হইলে এইবারই সেই সেকালের নেপল্‌সের অনূষ্ঠে পম্পিয়াইয়ের দশা ঘটত।

এখান হইতে বাহির হইয়া এরিমো নামক স্থানে কুক কোম্পানীর একটি হোটেলে কিছু জলযোগ করিয়া আমরা পম্পিয়াই যাত্রা করিলাম। পথিমধ্যে টোরে-ডেল-গ্রেকো ও টোরে আন্সনসিয়াটা নামক দুইটি ভস্মাক্রাদিত নগরের মধ্য দিয়া যাইতে যাইতে দেখিলাম আমাদের দেশে যেমন ময়দার সিমুই করে, সেইরূপ ইটালিয়ানরা তাহাদের প্রসিদ্ধ খাদ্য মাকারোনি (macaroni) সারি সারি রাস্তায় রাখিয়া দিয়াছে; সেও এক দেখিবার জিনিস।

তৎপরেই আমরা শ্মশান-নগরী পম্পিয়াই পৌছিলাম। সে দৃশ্য মনে উদাস ভাবের সঞ্চার করে। দেড়শত বৎসরের উপর হইল এই মহানগরী খনন করিয়া বাহির করা হইতেছে, তবুও অদ্যাপি অন্ধকের অধিকও বাহির হয় নাই। যে স্থান এক্ষণে খোদিত হয় নাই, তাহা খোদিত অংশ অপেক্ষা প্রায় বিশ ফুট উচ্চে অবস্থিত; ইহা হইতে স্পষ্ট প্রতীয়মান হয় যে, পম্পিয়াই যখন আগ্নেয়গিরির দ্বারা বিনষ্ট হয়, তখন বিশ ফিট গভীর উন্মাদি নগরীর উপর পতিত হইয়াছিল এবং তাহাতেই পম্পিয়াইয়ের এই দশা ঘটয়াছে। সোনাগিরি এখন সোম্য ভাবাবলম্বন করিয়াছে; অর্থাৎ ক্রমাগত অগ্নি উদ্গার করিয়া তাহার অভ্যন্তরভাগ শুষ্ক হইয়া গিয়াছে। বিস্ময়বিস্ময়ের পাশ্বে ইহাকে দেখিলে বোধ হয় যেন এক মহাবলশালী বোদ্ধার পাশ্বে অপর এক বোদ্ধা রণশয্যায় শয়ান রহিয়াছেন। পম্পিয়াইয়ের ধ্বংসের পূর্বে বিস্ময়বিস্ময় হরকুলেনিয়নের ধ্বংস-সাধন করেন; কিন্তু এখনও উক্ত স্থানের উদ্ধারের জন্ত বিশেষ কোন চেষ্টা হয় নাই; তবে ইটালিয়ান গবর্নমেন্ট কিছুদিন হইতে এই কার্যে হস্তক্ষেপ করিবার জন্ত চেষ্টা করিতেছেন। কিন্তু এই কার্য-সাধন বহু সময় ও অর্থ সাপেক্ষ; আরও একটা অসুবিধা আছে, হরকুলেনিয়নের উদ্ধার করিতে গেলে বর্তমান রেসিনা নামক সহরটা নষ্ট করিতে হয়।

পম্পিয়াইয়ের খনন কার্য যে কিরূপে প্রথমে আরম্ভ হইয়াছিল, তাহা সঠিক বলা সুকঠিন; তবে জনশ্রুতি এই যে, কতিপয় কৃষক ভূমিকর্ষণ করিতে করিতে গুটিকতক ভগ্ন ত্তস্ত দেখিতে পায়; ইহা পরে আইসিস দেবীর মন্দিরের স্তম্ভ বলিয়া নির্দিষ্ট হইয়াছে। এই আবিষ্কারের পর হইতে ইটালীয় গবর্নমেন্ট ক্রমান্বয়ে খনন কার্য চালাইতেছেন এবং এই স্থানে প্রাপ্ত প্রাচীন বস্তুগুলি প্রায় সকলই নেপল্‌সের জাতীয় মিউজিয়মে রক্ষিত হইয়াছে। যে সকল স্থান আবিষ্কৃত হইয়াছে, তন্মধ্যে ফোরাম, এপোলোর মন্দির ও ক্যালিগুলা এবং লিয়োর বিজয়তোরণ গুলিই প্রধান। এ স্থানের কারুকার্যমণ্ডিত মেঝে আজও স্তম্ভের অবস্থায় আছে। ইহা ছাড়া

আমার যুরোপ ভ্রমণ

কুটওয়ালার গৃহ, কলুর গৃহ এবং তৈল রাখিবার প্রকাণ্ড পাত্র ইত্যাদি দেখিবার বহুতর জিনিস এই স্থানে আছে ; এমন কি গণিকালয়ে যাইবার পথের চিহ্নও অদ্যাপি রাস্তার প্রান্তরে খোদিত দেখিতে পাওয়া যায়। এই স্থানের প্রবেশ-দ্বারে একটি ছোট বাত্বর আছে, তাহাতে কাচের আধারের মধ্যে মৃত কুকুর বিড়াল প্রভৃতির দেহ রক্ষিত হইয়াছে। এই স্থানে প্রায় তিন চারি বর্ষ ভ্রমণ করিয়া আমরা রেল চড়িয়া নেপল্‌সে কিরিয়া আসিলাম।

পরদিন প্রাতঃকালে আমরা সন্নিহিত কাপ্‌রী দ্বীপ দেখিতে গিয়াছিলাম। নেপল্‌সের খাড়ি হইতে ছোট ছোট ষ্টীমারে দর্শকগণ এই দ্বীপ দেখিতে যান। ষ্টীমারখানি একেবারে ঐ দ্বীপের বন্দরে লাগে না, একটু বাহিরে থাকে। এই দ্বীপের একটি প্রধান, অথবা একমাত্র দ্রষ্টব্য স্থান একটি গম্বর। আমরা ষ্টীমার হইতে নৌকাযোগে সেই গম্বরের নিকটে উপস্থিত হইলাম। বাহির হইতে তেমন কিছুই দেখিতে পাইলাম না। সেই গুহার প্রবেশ-দ্বার খুব প্রাণন্ত নহে। নৌকা লইয়া যাইবার সময় অতি সন্তর্পণে প্রবেশ করিতে হয়। গুহার মুখ এত ছোট যে, নৌকায় বসিয়া যাইবার উপায় নাই, শয়ন করিয়া যাইতে হয়। আমাদেরও সেইরূপেই যাইতে হইল ; অবশ্য এমন অবস্থায় থাকা আমার পক্ষে বড় সহজসাধ্য ছিল না। গুহার ভিতরে এক



গোটো।


ভৌতিক নীল আভা, জলও নীলবর্ণের ; চতুর্পার্শ্বের পর্বতের ভিতরও নীল ; কিন্তু যখন জলে ডুব দেওয়া যায়, তখন ঠিক রক্ততমর মনে হয়। বাহির হইতে ভিতরের এই অলৌকিকত্ব বোঝা যায় না। আবার শুনিলাম, যে সময় সূর্য্যরশ্মি এই গুহার রন্ধ্র দিয়া প্রবেশ করে, তখন ইহা সত্য সত্যই ভূতের রাজ্য বলিয়া

মনে হয়। সমুদ্রের জল এমন প্রবল বেগে সেই গল্লবের মধ্যে প্রবেশ করে যে, ভিতরে হাইবার সময় কষ্ট হয় না; কিন্তু বাহির হইবার সময় বিশেষ আয়াস স্বীকার করিতে হয়। আমরা গুহার মধ্যে কিছুক্ষণ থাকিয়া বাহির হইয়া আসিলাম। অদূরেই আমাদের ঈমার ছিল; কিন্তু সকল যাত্রী ঈমারে না উঠিলে সে ত আর নেপলসে বাইতে পারে না। ইহাই মনে করিয়া আমরা যে নৌকার গুহা-প্রবেশ করিয়াছিলাম, সেই নৌকা লট্‌গাই কাপ্তরী সহর দেখিতে গেলাম। বন্দবে পৌছিয়া আমরা একখানি ফিটন ভাড়া করিয়া সহরের মধ্যে প্রবেশ করিলাম। এই সহরে রোমান আমলের অনেক ভগ্নস্তূপ আছে; তাহার মধ্যে সম্রাট টাইবিরিয়সের স্নানাগারও ছিল। ইতিহাস বলে যে, উপরিউক্ত মহামুভব সম্রাট দয়াপরবশ হইয়া বন্দীদিগকে এই কাপ্তরীর পর্কতশঙ্গ হইতে সমুদ্রে ফেলিয়া দিয়া তাহাদিগের ভবঘ্ননা শেষ করিয়া দিতেন। ইতিহাস আরও বলে যে, বিশ্ববিখ্যাত সম্রাট নিরো না কি এই কাপ্তরীর পাহাড়ের উপর হইতে পূর্বোক্ত গুহার হাইবার জন্ত একটি সুড়ঙ্গ নির্মাণ করাইয়াছিলেন। সেই সুড়ঙ্গপথে নাগিয়া তিনি ঐ গুহার জলে স্নান করিতেন। উপরের সেই সুড়ঙ্গপথ এখন বন্ধ হইয়া গিয়াছে। এই কাপ্তরী সহর এক সময়ে ইংরাজ-অধিকারভুক্ত ছিল। তাহার পর সম্রাট নেপোলিয়নের আদেশে তাঁহার সেনাপতি মুরাট ইংরাজের সমুদ্রপথে বাণিজ্যের বাধা জন্মাইবার জন্ত এই স্থান অধিকার করেন। এই সকল দেখিতে দেখিতেই অনেক বেলা হইয়া গেল; তখন একটা হোটেলে কিঞ্চিৎ আহার করিয়া আমরা ঈমারে ফিরিয়া আসিলাম এবং সন্ধ্যার একটু পূর্বেই নেপলসে উপস্থিত হইলাম। আসিবার সময় সোরেন্টো নামক ক্ষুদ্র নগরীর নিকট যখন আমাদের ঈমার লাগিল, তখন বিভিন্ন হোটেলওয়ালাদের বিকট চাৎকার আমার আজিও মনে আছে; ইহারাই এইরূপ মধুর বুলির দ্বারাই হোটেলে লোক আকর্ষণ করে। যেমন দেশ তার তেমনি মানুষ!

নেপলস্ দেখা এখন আমাদের এক প্রকার শেষ হইল সুতরাং এই স্থানে নেপলস্ যে ছ'একটা বিষয় আমাদের দৃষ্টি আকর্ষণ করিয়াছিল, তাহার সম্বন্ধে কিছু আলোচনা করি। নেপলস্ সহর দেখিলেই মনে হয় যে, এটা ভজনালয়ের সহর; কারণ আমি, বোধ হয় কম করিয়া বলিলেও, প্রায় তিন শত ভজনালয় এই সহরে দেখিয়াছি। এখানকার লোক এখনও রোমের পোপের আধিপত্য স্বীকার করিয়া থাকে। এই সহরের প্রত্যেক গলিরই একজন করিয়া সেন্ট বা পীর আছেন, এবং সেই সকল পীরের সম্মানার্থ প্রত্যেক গলিতেই গীজ্জা আছে। তাহা ছাড়া কুমারী মেরী মাতার মন্দিরেরও অবশিষ্ট নাই। আর এখানে পাল পার্কণ ত লাগিয়াই আছে। আনাদের বান্দালা দেশে বলে “বারমাসে তের পার্কণ”; এখানে বার মাসে তিন তেরং উনচল্লিশ পার্কণ। আর তাহা হইবারই কথা; প্রত্যেক সেন্ট বা পীরের আবির্ভাব তিরোভাব উপলক্ষে পার্কণের অনুষ্ঠান আছে। তাহা ছাড়া মেরী মাতা, ও খৃষ্টের নানা বিষয় উপলক্ষে মহাসমারোহে শোভাযাত্রা বাহির হইয়া থাকে। যে দিন সে দিনই শুনিতে পাওয়া যায়, আজ অপরাহ্নকালে বা সন্ধ্যার পর অমুক সেটের শোভাযাত্রা বাহির হইবে। সুতরাং এই সহরে মহোৎসব লাগিয়াই আছে। তাহার পর দেশে রুষ্টি হইতেছে না; পুরোহিতেরা ঘোষণা করিলেন যে, অমুক সেটের অরূপাতাই এই অনাবৃষ্টি। তখন পুরোহিতেরা পাতি দিলেন যে, অমুক অমুক সেটের ঘোড়শোপাচারে পূজা দিতে হইবে, এবং এই প্রকার সমারোহে মহোৎসব ও শোভাযাত্রা করিতে হইবে। দেশের লোকেরা তখনই তাহার আয়োজনে লাগিয়া গেল। তাহার পরদিন রুষ্টি হইল; তখন আবার পূজা, আবার মহোৎসব, আবার মহা আয়োজনে শোভাযাত্রা। আমি রোমান ক্যাথলিক ধর্মের নিন্দা করিতেছি না; আমি এ

আমার যুরোপ-ভ্রমণ

ধর্মকে অশ্রদ্ধাও করি না। কিন্তু ইটালীর দক্ষিণাংশের ব্যাপার দেখিয়া আমার মনে হইয়াছিল যে, এ দেশের লোককে সুশিক্ষা প্রদানের চেষ্টা মোটেই হইতেছে না। ইহারা অন্ধভাবে পুরোহিতগণের কথাতেই চালিত হইতেছে। কোথায় পুরোহিতগণ দেশের লোককে উচ্চ ধর্মভাব শিক্ষা দিবেন; যাহাতে তাহারা জ্ঞানী ও উন্নত হয় তাহার ব্যবস্থা করিবেন; তৎপরিবর্তে তাঁহারা সেই সনাতন প্রথারই প্রচার করিতেছেন এবং অশিক্ষিত লোকেরা সেই এক ভাবেই চালিত হইয়া আসিতেছে। ইহা বড়ই দুঃখের বিষয়। পাঠকগণ শুনিলে বিস্মিত হইবেন যে, ইটালীর দক্ষিণ অঞ্চলের লোকেরা এখনও ডাইনীর দৃষ্টিকে এত ভয় করে যে, তাহারা সেই দৃষ্টি এড়াইবার জন্ত কত তুচ্ছকাক করে, গৃহদ্বারে গরুর শিং বাঁধিয়া রাখে। তাহাদের বিশ্বাস যে, দ্বারে গরুর শিং ঝুলান থাকিলে ডাইনীর গৃহে প্রবেশ করিতে পারিবে না; এমন কি অনেকে তাহাদের বাড়ির চেনের সঙ্গে এক টুকরা গরুর শিং সোণা কি রূপার দ্বারা বাঁধাইয়া ঝুলাইয়া রাখে; ইহাতে ডাইনীর



সান এলমো দুর্গ।

দৃষ্টি হইতে অব্যাহতি লাভ করা যায় বলিয়া তাহাদের দৃঢ় বিশ্বাস। শুনিলে আশ্চর্য্য বোধ করিবেন যে, ইটালীর প্রধান রাজনীতিক ক্রিস্টিানো মহাশয় যখন রাজনীতিক্ষেত্রে বিপক্ষদল কর্তৃক পরাজিত হইলেন, তখন তিনি বলিয়াছিলেন, “আমি যে পরাজিত হইলাম, তাহার কারণ আছে। আজ আমি আমার সেই শূঙ্গ-সম্বলিত চেনটা পরিয়া আসিতে ভুলিয়া গিয়াছিলাম।” অন্ত্রে পরে কা কথা!

এ দেশের রাস্তায় অকস্মাৎ লোক এবং ছুষ্ঠ ছেলে বড়ই দেখিতে পাওয়া যায়। তাহারা যে বিশেষ কোন কাজকর্ম করে, তাহা ত বোধ হয় না। কোন বিদেশীয় লোক, বিশেষতঃ ভারতবাসী কালা আদমী দেখিলে, এই ছুষ্ঠ ছেলেরা তাহাদিগকে নানা প্রকারে বিরক্ত করিয়া থাকে; ইহাতে কেহ যদি বিরক্তি প্রকাশ করে, তাহা হইলে ইহারা তাহাকে আরও পাইয়া বসে; আর কেহ যদি তাহাদের এই ছুষ্ঠ ব্যবহার হাসিয়া উড়াইয়া

দেয়, তবে তাহারা নিরস্ত হয়। এত নিষ্কর্মা দরিদ্র লোক এখানে কেন, আমি তাহার কারণ নির্দেশ করিতে পারি। এখানে লোকে নিজেদের অবস্থার দিকে দৃষ্টি না করিয়াই বিবাহ করিয়া থাকে, সুতরাং দরিদ্রের পাল বাড়িতে থাকে। আর একটি কারণ আছে, এখানে মেয়েদের অতি বাল্যকালে বিবাহ হইয়া থাকে। আমি এখানকার পথে দেখিয়াছি, আঠার উনিশ বৎসর বয়সের মেয়ে পাঁচছয়টি ছেলে মেয়ে লইয়া বিব্রত। ইহাতে দেশের দারিদ্র্য বৃদ্ধি হইবে না কেন? আর পথে ঘাটেই বা এত নিষ্কর্মা ভবঘুরে ছেলের পাল থাকিবে না কেন?

এখানকার অনেক বাড়ীতেই দেখিলাম, দ্বার জানালাগুলি দৃঢ় গরাদে দ্বার আবদ্ধ। আমি প্রথমে মনে করিয়াছিলাম যে, এখানে বোধ হয় চোরের ভয় অত্যন্ত অধিক, তাই গৃহসকল এইপ্রকার সুরক্ষিত। তাহার পর শুনিলাম যে, এ প্রকার সুরক্ষিত গৃহের কারণ তাহা নহে। এখানে অপরের পত্নী বা কুমারী কল্যাণ লইয়া পলায়নের সংখ্যা নাকি অত্যন্ত অধিক। সুযোগ পাইলেই যুবকগণ কাহারও স্ত্রীর কুমারীকে ভুলাইয়া লইয়া প্রস্থান করিয়া থাকে। ইহাই নিবারণের জন্ত জানালা দরজা এমন করিয়া সুরক্ষিত করা হইয়া থাকে। কথাটা শুনিয়া আমি হাস্ত-সংবরণ করিতে পারিলাম না; আর যাহা ভাবিলাম তাহা আর বলিয়া কাজ নাই। এখানে এই প্রেমের খেলা উপলক্ষে সর্বদাই নারামারি, কাটাকাটি, নরহত্যা প্রভৃতি হইয়া থাকে। তাহার বিশেষ বিবরণ আর বলিয়াও কাজ নাই, শুনিয়াও কাজ নাই।

পরদিনই আমরা নেপল্‌স্‌ ত্যাগ করিয়া রোমের দিকে অগ্রসর হইলাম।

চতুর্থ অধ্যায়

রোম


এখন আমরা রোমে যাইতেছি। পৃথিবীর ইতিহাস পড়িতে আরম্ভ করিয়াই, সর্বপ্রথমে রোমের কথা পড়িয়াছি;—রোমের অতুল ঐশ্বৰ্য্যের কথা—রোমের প্রবল প্রতাপের কথা—রোমের শোভাসৌন্দর্য্যের কথা—রোমের পোপের কথা—রোমের ইতিহাসে যখন পড়িয়াছিলাম, তখন মনে মনে যে আদর্শ কল্পনা করিয়াছিলাম, এতদধিকারে সেই রোমে যাইতেছি। এককালে এই রোমই যুরোপের সম্রাজ্ঞী ছিল—একদিন এই রোমের পোপই সমস্ত খৃষ্টানগণকে শাসন করিতেন,—খৃষ্টানসম্প্রদায় এই রোমের পোপের আদেশ পালন করিতে পারিলে কৃতার্থ হইত। সত্য বলিতে কি, যখন আমাদের গাড়ী রোমের নিকটবর্তী হইল, তখন আমার মনে যে কি ঔৎসুক্য জন্মিয়াছিল, কেমন একটা আনন্দ আমাকে অভিভূত করিয়াছিল, তাহা বলিতে পারি না। বাল্যকাল হইতে যে রোমের কথা পড়িয়াছি, যে রোমের অসংখ্য মন্দির, অগণ্য সৌধমালার চিত্র দর্শনে প্লবিত হইয়াছি, সেই রোম আজ দেখিব;—পৃথিবীর ইতিহাসের অনেকটা অংশ যে রোম অধিকার করিয়াছিল, সেই রোম নগরীতে আজ প্রবেশ করিব—রোমান ক্যাথলিক খৃষ্টানের প্রধান তীর্থ আজ দর্শন করিব—মনে বড়ই আনন্দ হইয়াছিল। ভ্রমণের ইহাই পুরস্কার!

রোম-নগরীর নিকটবর্তী হইয়া আমি বাহিরের দিকে চাহিয়া দেখিলাম। তখন প্রথমেই এপিয়ান ওয়ের (Appian way) ধ্বংসাবশেষ আমার দৃষ্টিগোচর হইল। তাহার পরেই অদূরে দেখিলাম সেন্ট পিটার মন্দিরের উচ্চ চূড়া আকাশ ভেদ করিয়া দণ্ডায়মান রহিয়াছে। রোমে আমার পরিচিত কেহই ছিল না; সুতরাং ষ্টেশনে কেহ যে আমার জন্তে অপেক্ষা করিবেন, এ কথা আমি ভাবি নাই। কিন্তু আমাদের গাড়ী যখন ষ্টেশনে পৌঁছিল, তখন দেখিলাম, দুইটি মিসনরী ভদ্রলোক আমার জন্ত ষ্টেশনে দাঁড়াইয়া আছেন। ইঁহারা রোমের ইংলিশ কলেজের অধ্যাপক; ইঁহাদের একজনের নাম মুসো জিলেস্ ও অপর জনের নাম মুসো প্রায়র। দারজিলিংয়ের লোরেটো কন্ভেন্টের একটি ধর্ম্মপরায়ণা সন্ন্যাসিনীর সহিত আমার বিশেষ পরিচয় ছিল। তিনি তাঁহার বন্ধু মিসনরীদ্বয়কে আমার সহিত সাক্ষাৎ করিবার জন্ত অহুরোধ করেন; সেই জন্তই এই সহদয় বন্ধুদ্বয় আমার জন্ত ষ্টেশনে অপেক্ষা করিতেছিলেন। দারজিলিংয়ের সেই সন্ন্যাসিনী মহোদয়ই পত্রাদি লিখিয়া আমার সহিত রোমের মহামান্য পোপের সাক্ষাতের ব্যবস্থা করিয়া দিয়াছিলেন।

মিসনরী বন্ধুদ্বয়ের নিকট হইতে বিদায় গ্রহণ করিয়া আমরা রোমের 'গ্রাণ্ড হোটেলে' উপস্থিত হইলাম। যে কয়দিন আশ্চর্য্য রোমে ছিলাম, সেই কয়দিন এই স্থান ও সুব্যবস্থিত হোটেলেই আমরা অবস্থান করিয়াছিলাম। আমি পূর্বেই স্থির করিয়াছিলাম যে, রোমে পৌঁছিয়া আমরা অনর্থক সময় নষ্ট করিব না, কারণ রোমে দেখিবার মত এত স্থান ও এত দ্রব্য আছে যে, আমরা যে কয়দিন এখানে থাকিব বলিয়া স্থির করিয়াছিলাম, তাহার মধ্যে সমস্ত দেখিয়া উঠাই অসম্ভব; তাহার পর যদি আবার আরাম-বিশ্রামে সময় ব্যয় করি, তাহা হইলে

কিছুই দেখা হইবে না। সেই জন্ত হোটেলের দ্রব্যাদি রাখিয়াই আমরা নগর-দর্শনে বাহির হইলাম। আমরাও জানিতাম এবং আমাদের পথপ্রদর্শক মহাশয়ও বলিলেন যে, রোমে আসিয়া সর্বপ্রথমেই 'সেন্টপিটারের' ভজনালয় দেখিতে হয়—বলিতে গেলে তাহাই রোমের সর্বপ্রধান দর্শনীয় বস্তু।

আমরা সেন্টপিটার-ভজনালয় দেখিবার জন্ত যাত্রা করিলাম। পথেই রাজভবন দেখিলাম। এই স্থানে পূর্বে মহামাত্র পোপ-নহোদয়ের বাস করিতেন; তাঁহারা এখন আর এ স্থানে থাকেন না। তাহার পরই দেখিলাম ট্রাজানের স্তম্ভ (Trajan's column)। এই স্তম্ভগাত্রে অনেক যুদ্ধের ছবি খোদিত দেখিতে পাইলাম। এই স্তম্ভের উপর পূর্বে রোমের সম্রাটের মূর্তি সংস্থাপিত ছিল, এখন তৎপরিবর্তে সেন্টপিটারের প্রতিমূর্তি প্রতিষ্ঠিত হইয়াছে। ইহার পরেই আমরা সেন্ট পিটারের চত্বরে উপস্থিত হইলাম। এই চত্বরের এক পার্শ্বে অত্রভেদী সুন্দর ভজনালয় এবং তাহার পর পিয়াজার উভয় পার্শ্বে অর্ধচন্দ্রাকারে নির্মিত স্তম্ভশ্রেণী। আমার যেন মনে হইতে লাগিল, আমরা হঠাৎ আমাদের তীর্থশ্রেষ্ঠ বারাণসী-ধামে উপস্থিত হইয়াছি,—সত্য সত্যই আমাদের যেমন




সেন্টপিটার ও ভ্যাটিকেনের দৃশ্য।

কার্শী, রোমান-ক্যাথলিক পৃষ্ঠানদিগের নিকট তেমনই এই রোম;—তাহার মধ্যে আবার এই সেন্ট পিটারের মন্দির তাহাদের নিকট অতি পবিত্র স্থান। মন্দিরগুলির শোভা দেখিয়া মুগ্ধ হইতে হয়। যেখানে যাহা উৎকৃষ্ট ছিল, মহার্ঘ ছিল, সমস্ত সংগ্রহ করিয়া এই মন্দিরগুলি নির্মিত হইয়াছে এবং দেশের প্রধান স্থপতিগণ তাঁহাদের সমস্ত কলাকৌশল এই মন্দির-নির্মাণে নিয়োজিত করিয়াছিলেন। মন্দিরের এত ঐশ্বর্য্য, এত ধনসম্পদ আমার কল্পনারও অতীত ছিল। মহাত্মা সেন্টপিটার ধর্ম্মের জন্ত, তাঁহার প্রভুর আদেশ পালনের জন্ত, জীবনদান করিয়া

আমার যুরোপ-ভ্রমণ

চিরস্মরণীয় হইয়া গিয়াছেন ; কিন্তু তিনি কি একদিনও ভাবিয়াছিলেন যে, তাঁহার সেই জগন্ত ধর্মভাব, তাঁহার সেই আত্মত্যাগ, তাঁহার সেই অভয়বাহী এই পরিণতি হইবে এবং তাঁহার পরবর্তী ধর্মযাজকগণ এই ভাবে কর্ম-কাণ্ডের মধ্যে ডুবিয়া যাইবেন ; মধ্যযুগে ধর্মের নামে কত অধর্ম, কত পৈশাচিকতার অভিনয় হইবে, এ কথা কি সেই মহাপুরুষ কখনও মনে করিতে পারিয়াছিলেন !



পিয়াজা


চুষন করিয়া থাকে। যুগযুগান্তর হইতে ক্রমাগত চুষিত হইয়া ধাতুনির্মিত পদও যথেষ্ট পরিমাণে ক্ষয়প্রাপ্ত হইয়াছে ; তাই এখন একখণ্ড মার্বেল পাথর দ্বারা পদদ্বয় আবৃত করিয়া দেওয়া হইয়াছে। এখন যাজিগণ সেই মার্বেলখণ্ড চুষন করিয়াই পদ-চুষনের ফল লাভ করিয়া থাকে। পূর্বে যে মন্দির ছিল, মধ্যযুগের অধিকাংশে তাহা বিনষ্ট হইয়া যায় ; এবং মাইকেল এঞ্জেলো বর্তমান মন্দির নির্মাণ করেন। এই মন্দিরের নানা স্থানে পৃথিবীর ভিন্ন ভিন্ন প্রদেশের মন্দিরের নাম ও তাহার বিবরণ লিখিত আছে। এই প্রকার লেখার উদ্দেশ্য এই যে, যাজীরা জানিতে পারুক যে এইটিই পৃথিবীর প্রধান ধর্ম-মন্দির ; পৃথিবীর অন্যান্য স্থানের পাঁচ সাতটা বড় বড় ধর্মমন্দির একযোগে এই মন্দিরপ্রাঙ্গণে গড়াগড়ি দিতে পারে। এ কি কম গৌরবের কথা ?

সেন্টপিটার মন্দির হইতে বাহির হইয়া ইটালিয়ান কবি ট্যাসোর সমাধিমন্দির দেখিলাম। তাহার পরই জানিকুলাম পাহাড়ের উপর উঠিয়া মহানগরীর দৃশ্য দেখিলাম। পাহাড় হইতে নামিবার সময় আমরা এক ভদ্রলোকের বিস্তৃত ও মনোহর উত্তানের মধ্য দিয়া আসিলাম। এই উদ্যানের নাম প্রিন্স ডোরিয়া ; ভদ্রলোকটি প্রতি শুক্রবার এই উদ্যান সকলকে দেখিতে দিয়া থাকেন।

পর দিন ৮ই মে প্রাতঃকালে তাড়াতাড়ি প্রাতরাশ শেষ করিয়া আমরা আবার ভ্রমণে বাহির হইলাম। আজ, আমরা রোমের অতীত-গৌরবের ভগ্নস্তম্ভ দেখিবার ব্যবস্থা করিয়াছিলাম। আমরা প্রথমেই প্রসিদ্ধ থাম্‌স্টাইল

এই বিশ্ববিশ্রুত ভজনালয়ের অভ্যন্তরে প্রবেশ করিলে দৃষ্টি-বিলম্ব উপস্থিত হয়। ভিতরের সমস্তই ছোট বোধ হয় ; এমন কি মহাত্মা সেন্ট পিটারের ধাতুময় মূর্তি উচ্চতর সাধারণ মন্মথের উচ্চতার সমান বলিয়াই বোধ হয়, কিন্তু ইহা পনের ফিটেরও অধিক উচ্চ। যত যাজী এই মন্দিরে আগমন করে, তাহারা এই মূর্তির পদ-

কারাগারের নিকট উপস্থিত হইলাম। খৃষ্টীয় যুগের প্রথম সময়ে এই কারাগারে প্রচলিত ধর্মদ্বৈত বা ধর্মবিদ্বেষী-দিগকে প্রথমে কারারুদ্ধ করা হইত; তাহার পর সেই স্থান হইতে তাহাদিগকে বধ্যভূমিতে লইয়া গিয়া যাজক-



ট্রাজানের স্তম্ভ।

গুলি ভগ্নস্তূপ দেখিলাম; সেগুলি রোমানগণের স্থাপত্যশিল্পের নিদর্শন। পাভাড়ের উপর হইতে ন্যাক্সিমা সারকাশ নামক প্রান্তর বেষ্ট দেখিতে পাইলাম। এই স্থানে সেকালে অলিম্পিক ক্রীড়া হইত; এখন এই বিস্তৃত ভূমিখণ্ডে কলের চিমনি সকল বড় বড় গুদামঘরের মধ্য হইতে নাখা তুলিয়া দাঁড়াইয়া আছে। তাহার পরই আমরা কোরাম দেখিতে গেলাম; ইহা ভগ্নস্তূপের মধ্যে একেবারে সন্নিবিষ্ট হইয়াছিল। কিছুদিন হইতে

গণের আদেশে তাহাদিগকে পর-লোকের পথে প্রেরণ করা হইত। এই কারাগারের অপ্রশস্ত অন্ধ-কারময় কক্ষগুলি দেখিলে এখনও প্রাণে ভয়ের সঞ্চার হয়। যে প্রস্তরখণ্ডে মহাদ্বা সেন্টপিটার ও তাঁহার শিষ্যগণকে বাধিয়া রাখা হইয়াছিল এবং কারাগারে অবস্থানকালে যে কূপের জল দ্বারা সেন্টপিটার বন্দী রোমানদিগকে খৃষ্টান-ধর্মে দীক্ষিত করিয়াছিলেন, তাহা এখনও বর্তমান রহিয়াছে—এখনও তাহা দেখিলে শ্রদ্ধায় ও ভক্তিতে মত্তক অবনত হয়। ইহারই নিকটে সেই কলোসিয়ম, যেখানে দলে দলে খৃষ্টান নরনারী বালক-বালিকাদিগের উপর অমানুষী অত্যাচার আরম্ভ হইত, যাহার পরিসমাপ্তি হইত অদ্রবর্তী এক্ষিথিয়েটারে,—এই রঙ্গাঙ্গনে তাহাদের সকল যন্ত্রণার অবসান হইত।

এখানে আর বেশীক্ষণ দাঁড়াইতে পারিলাম না, ধীরে ধীরে প্যালাটাইন পাহাড়ের দিকে চলিয়া গেলাম। সেখানেও কতক-



সেন্টপিটার মন্দির।

এই স্থান উদ্ধারের চেষ্টা হইতেছে। যতদূর এখন দেখিতে পাওয়া যায়, তাহাতে এখানে দেখিবার ও জানিবার অনেক জিনিষ রহিয়াছে। আমার এই স্থানে গমনের অল্পদিন পূর্বেই একটি সমাধি-মন্দির বাহির হইয়াছিল; তাহা রমুলসের সমাধি-মন্দির বলিয়া স্থিরীকৃত হইয়াছে। ফোরাম দেখিয়াই আমরা কলোসিয়ন দেখিতে গেলাম—পৃথিবীতে এমন রঙ্গচত্বর নাকি কখনও নিৰ্মিত হয় নাই। এখানে দাঁড়াইয়া প্রাচীন পৈশাচিকতার দৃশ্য মানস-পটে আঁসিয়া মনকে বিভ্রান্ত করে; এই প্রাক্ষণে দলে দলে খৃষ্টানদিগকে কাঠখণ্ডের সহিত তৈলাক্ত বস্ত্রাদির দ্বারা আচ্ছাদিত করিয়া দৃঢ়বন্ধ পূর্বক তাহাতে আগুন লাগাইয়া দেওয়া হইত এবং তাহাদের আৰ্ত্তনাদেও তৃপ্তি না হইলে কাহাকেও বা হিংস্র পশুহস্তে খণ্ড বিখণ্ডিত অবস্থা দেখিবার জন্ত কোনও সম্রাটনামধারী নরশার্দুলের পৈশাচিক বাসনার তৃপ্তির জন্ত পশুদিগকে রঙ্গালয়ে ছাড়িয়া দেওয়া হইত। যাক্, এ দৃশ্যের আর আলোচনায় কাজ নাই।

আমি দেখিলাম, সে সময়ে রোমের গৃহ বা মন্দির সকলের ছাদ নিৰ্মিত হইত না, আমাদের দেশের সামিয়ানার মত আচ্ছাদন ব্যবহৃত হইত। এই সকল ভগ্নাবশেষ দেখিলে পরবর্তী পোপমহোদয়গণের উপর যথেষ্ট ভক্তির সঞ্চার হয় না; কারণ আমরা বেশ দেখিতে পাইলাম যে, এই সকল স্থান রক্ষা করার পরিবর্তে তাঁহারা এখানে যাহা কিছু ভাল দেখিয়াছেন, তাহাই ভাঙ্গিয়া লইয়া গিয়া শুধু খৃষ্টীয় মন্দির বা ভজনালয়ের শোভা ও সৌষ্ঠব সাধন করিয়াছেন তাহা নহে, নিজেদের গৃহ, প্রমোদবাটিকা প্রভৃতি সুসজ্জিত করিয়াছেন এবং আত্মীয় বন্ধুবান্ধব-

দিগকেও লুণ্ঠনের ভাগ দিয়াছেন। পোপ অষ্টম ইনোসেন্ট বারবেরিনি বংশীয় ছিলেন। তিনিই সর্বাপেক্ষা অধিক দ্রব্য লইয়া গিয়াছিলেন। এই কারণে রোমে একটি প্রবাদকথা প্রচলিত আছে যে, বারবেরিনি (Barberini) পুরাতন রোমের যে সর্বনাশ করিয়াছেন, বারবেরিয়ানরাও (অসভ্যরা) তার সামান্য অংশও করিতে পারে নাই। এখন কিন্তু ইটালিয়ান গভর্ণমেন্ট এই সকল রক্ষার জন্য বিশেষ চেষ্টা করিতেছেন।



প্যালেটাইন পর্কত।


আমরা তারপর একটি ছোট গির্জার নিকট উপস্থিত হইলাম। এই গির্জাটির নাম সেন্ট পিট্রো ইন্-ভিন্‌কোলি অর্থাৎ শৃঙ্খলাবদ্ধ সেন্ট পিটার! মৃত্যুর পূর্বে সেন্ট পিটারকে নানাটাইন্ কাবাগারে যে শৃঙ্খলে আবদ্ধ করিয়া রাখা হইয়াছিল, সেই শৃঙ্খলে এই গির্জায় রক্ষিত হইয়াছে। এই গির্জায় গ্রাইকেল এঞ্জিলো নির্মিত মোজেস বা মুসার প্রতিমূর্তিও দেখিলাম।

প্রাতঃকালে আর অধিক দেখিতে পারিলাম না। বেলা অধিক হইয়া গেল দেখিয়া আমরা হোটেলে ফিরিয়া আসিলাম। আহারাদির পরই আবার বাহির হইয়া পড়িলাম। এ বেলা সর্বপ্রথমেই আমরা থার্মি অব ক্যারাকাল্লা (Thermae of Caracalla) দেখিতে গেলাম। সেকালে রোমে যে সাতটি স্নানাগার ছিল, ইহা তাহাদেরই অন্যতম। দেখিলাম, স্থানটি এখনও নষ্ট হইয়া যায় নাই; গরম জল, শীতল জল প্রভৃতির ঘর এখনও ভেগনই আছে। এ স্নানাগার ছোট নহে;—ইহাতে একই সময়ে মৌল শত লোক স্নান করিতে পারিত। সম্রাট ক্যারাকাল্লা এই স্নানাগার নির্মাণ করিয়াছিলেন বলিয়া, ইহার নামের সঙ্গিত সম্রাটের নাম সংযুক্ত হইয়াছে। আমি স্নানাগারের কথা বলিয়াছি; কিন্তু ইহা হইতে কেহ যেন মনে না করেন যে, সে সময়ে

আমার যুরোপ ভ্রমণ

রোমে এই কয়টি ব্যতীত আর স্নানাগার ছিল না ;—তাহা নহে ; তখন রোমের পাড়ায় পাড়ায় গলিতে গলিতে স্নানা-গার ছিল। শুনিতে পাওয়া যায় যে, ষাট হাজার নাগরিক একই সময়ে ভিন্ন ভিন্ন স্নানাগারে স্নান করিতে পারে, এমন ব্যবস্থা ছিল। ইহা হইতেই বুঝিতে পারা যায় যে, রোমের লোকেরা পরিষ্কৃত পরিচ্ছন্ন থাকিতে ভালবাসিত।

স্নানাগার দেখিবার পরই আমরা মৃত রোমানগণের চিতা-ভস্ম-রক্ষণাগার দেখিতে গেলাম। এই আগারগুলির নাম কলম্বারিয়া ; (Columbaria) ক্ষুদ্র ক্ষুদ্র গৃহের দেওয়ালের কুলুঙ্গি মধ্যে এই সকল ভস্মাধার রক্ষিত হইয়াছে। এ ব্যবস্থা আমার নিকট সুন্দর বলিয়া মনে হইল। যুরোপের অনেক স্থানের লোকেরা এখন যেমন কবর দেওয়া অপেক্ষা মৃতদেহ সংস্কার করিবার পক্ষপাতী হইতেছেন, তেমনই তাঁহাদের উচিত যে, তাঁহারা রোমানদিগের এই ভস্মরক্ষা-ব্যবস্থার পুনরুদ্ধার করেন। সেকালে রোমের প্রত্যেক সম্পন্ন, ধনি-পরিবারেরই এক একটা পুণক কলম্বারিয়া ছিল।




ফোরাম।

এই চিতা-ভস্ম-রক্ষণাগারগুলি দেখিয়া আমরা ডোমিনে কুও ভাডিস্ (Domine Quo Vadis) দেখিতে গেলাম। ইহাও একটি গির্জাবর। এখানে যিশু খৃষ্টের পদচিহ্ন রক্ষিত আছে। ক্রিস্টদত্তী যে, এই স্থানে যিশুখৃষ্ট সেন্ট পিটারকে দর্শন দেন। নীরোর পাপাচার দৃষ্টে সেন্ট পিটার রোম ত্যাগ করিতেছিলেন বলিয়া, যিশুখৃষ্ট তথায় প্রবেশে উত্তত হইলেন। তাঁহাকে দেখিয়া সেন্ট পিটার উঠিয়া দাঁড়াইয়া জিজ্ঞাসা করেন, “Domine Quo vadis”—“কুত্র গচ্ছসি ?” সেই সময়ে এই স্থানে যিশু খৃষ্টের পদচিহ্ন অঙ্কিত হয়। আমি অশ্রদ্ধা বা অসম্মান করিয়া বলিতেছি

না—কিন্তু আমার মনে হয়, মৃত মহাত্মা না-হয় তাঁহার শিষ্যকে এই সমস্তার সময় দর্শন দিলেন, কিন্তু অশরীরীর পদচিহ্ন কেমন করিয়া অঙ্কিত হইল, তাহা আমি কিছুতেই স্থির করিতে পারিলাম না!—যাক্ সে কথা!

এই স্থান হইতে আমরা ক্যাটাকুম্ অব্ সেন্ট্ কালিক্সটাস্ (Catacombs of St. Calixtus) দেখিতে গেলান। এই ভূগর্ভস্থ গৃহসমূহ রোমের আদিম খৃষ্টানগণের সমাধিস্থল। ইহা ছোট নহে, লম্বায় ১২ মাইল। সিঁড়ি দিয়া নীচে নামিয়া এই স্থানে প্রবেশ করিতে হয়। সেকালে শবাধারগুলি মৃত্তিকায় প্রাণিত হইত না; দেওয়ালের কুলুঙ্গির মধ্যে সেগুলি রক্ষিত হইত; এবং তাহার সম্মুখভাগ আবৃত করিয়া দিয়া তাহার উপর নৃত্তি-ফলক বসাইয়া দেওয়া হইত।



কোলিসিয়ম্।

তাহার পরেই আমরা সেন্ট্ পলের গির্জা দেখিলাম। এই স্থানে সেন্ট্ পল সমাহিত হইয়াছিলেন। ইহার অনতিদূরে একটি গির্জাবরে কতকগুলি চিত্র দেখিলাম; এই চিত্রগুলি রোমের পোপদিগের প্রতিকৃতি। সেন্ট্ পিটার হইতে আরম্ভ করিয়া ত্রয়োদশ লিয়ো পর্য্যন্ত, সকল পোপেরই চিত্র এই স্থানে সংরক্ষিত হইয়াছে। এই সকল দেখিতে দেখিতেই সন্ধ্যা হইয়া আসিল; আমরা তখন সেন্ট্ পলের গেটের মধ্য দিয়া নগরের দিকে ফিরিলাম। নগরে উপস্থিত হইয়া কয়েকটি দোকান ঘুরিয়া হোটেল গেলান।—তাহার পর, সে দিনের মত বিশ্রাম।

পরদিন প্রাতঃকালে পোপের ভ্যাটিকান্ (Vatican) দেখিতে গেলান। সেখানে অনেক প্রস্তরমূর্ত্তি ও চিত্র সংরক্ষিত হইয়াছে। আমার মনে হইল, বহুদিন ধরিয়া দেখিলে তবে ইহার সকলগুলির বর্ণনা করা যায়; কিন্তু আমার সে সময় ছিল না; আমি তাড়াতাড়ি চিত্র ও প্রস্তরমূর্ত্তিগুলির উপর চক্ষু বুলাইয়াই চলিয়া গেলান। তাহার পরেই এই স্থানের শ্রাদ্ধ পুস্তকালয় দেখিলাম। ভ্যাটিকান্ পুস্তকালয়ে সত্যসত্যই অনেক দুস্ত্রাণ্য পুঁথি রহিয়াছে;

আমার যুরোপ ভ্রমণ

পৃথিবীতে বৃষ্টি এমন পুস্তকাগার আর নাই!—ল্যাটিন, গ্রীক, ফ্রেঞ্চ, ইটালিয়ান এবং আমাদের দেশেরও অনেক ছাপাখানা এই স্থানে রক্ষিত হইয়াছে। সকলেই এখানে পুস্তক পড়িতে পায় না; পোপমহাশয় বাহাদিগকে অল্পমতিপত্র প্রদান করেন, তাহারাই এখানে বসিয়া পুস্তক পড়িতে পায়। আমার মনে হয়, এই পুস্তকালয়ের পুস্তকাবলী পাঠ করিবার অধিকার সকলকেই দেওয়া উচিত,—পোপের নিকট আবেদন করিয়া অল্পমতি পাওয়া ত সকলের ভাগ্যে ঘটয়া উঠে না!



সম্রাট কারাকাল-প্রতিষ্ঠিত স্নানাগার।

চেয়ারে বসিয়া আছেন; তাঁহার সম্মুখে একখানি বড় টেবিল। সেই টেবিলের উপর কয়েকখানি পুস্তক এবং একরাশি ফিতা-বাঁধা কাগজপত্র রহিয়াছে। পোপ দশম পারস্ আমাকে অতি সমাদরে অভ্যর্থনা করিলেন। আমি ফরাসী ভাষাও জানি না, ইটালিয়ান ভাষাও জানি না,—পোপ-মহাশয়ও ইংরেজি ভাষা জানেন না; সুতরাং আমাদের কথাবার্ত্তার জন্ত একজন দ্বিভাষীর আশ্রয় গ্রহণ করিতে হইল। পোপ-মহাশয় ইটালিয়ান ভাষাই ভাল জানেন; সুনিলাম, তিনি ফরাসীভাষায় তেমন অভিজ্ঞ নন। তাঁহার সহিত আমার প্রায় পনের মিনিট কথাবার্ত্তা হইল। আমি বিদায় গ্রহণ করিবার সময়, তিনি আমাকে আশীর্বাদ

আজ মধ্যাহ্ন-কালে রোমের পোপ-মহোদয়ের সহিত আমার সাক্ষাতের ব্যবস্থা হইয়াছিল। আমি পৌনে বারটার সময় ইংলিশ কলেজের একজন অধ্যাপক মসিয়ে প্রায়রের সহিত পোপের সেই প্রাসাদে উপস্থিত হইলাম। সে একটা স্মরণীয় দিন! আমরা একে একে কয়েকটি স্মরণীয় কক্ষ অতিক্রম করিয়া যে কক্ষে পোপ-মহোদয় ছিলেন, সেই কক্ষদ্বারে উপস্থিত হইলাম। আমি দেখিলাম, এই প্রাসাদের প্রত্যেক কক্ষেই একটি করিয়া ক্রস বিলম্বিত রহিয়াছে। যে কক্ষে তিনি সাধারণতঃ ভদ্রলোকদিগের সহিত সাক্ষাৎ করিয়া থাকেন, প্রথমে আমরা সেই কক্ষদ্বারে উপস্থিত হই; কিন্তু আমার সহিত সাক্ষাৎ করিবার জন্ত এ কক্ষ নির্দিষ্ট হয় নাই;—তিনি যে কক্ষে বসিয়া পড়াশুনা করেন, সেই স্থানেই আমার সহিত তাঁহার সাক্ষাৎকারের ব্যবস্থা হইয়াছিল।—আমি গৃহমধ্যে প্রবেশ করিয়া দেখিলাম, খৃষ্টান-ধর্মের প্রধান পুরোহিত মহোদয় একখানি

করিলেন এবং তাঁহার স্বাক্ষরযুক্ত একখানি ফটোগ্রাফ উপহার দিলেন। পোপ-মহোদয়কে দেখিয়া সত্য সত্যই আমার মনে ভক্তির উদয় হইয়াছিল; তিনি অতিশয় ধীর ও শান্ত; তাঁহার মুখ দেখিলেই তাঁহাকে বড়ই সৌম্যপ্রকৃতির লোক বলিয়া মনে হয়। আমার সঙ্গে যে সমস্ত লোক গিয়াছিলেন, তাঁহারও পোপ-মহোদয়ের আশীর্বাদ লাভ করিলেন। আমরা কেহই পোপমহোদয়ের হস্ত-চুম্বন করি নাই; তিনি যখন আমার দিকে হাত বাড়াইয়া দিলেন, আমি তখন তাঁহার হাতখানি তুলিয়া ধরিয়া আমার মস্তকে স্থাপন করিলাম। পোপ-মহোদয়কে দেখিয়া আমার মনে হইল যে, তিনি স্মৃতি ন'ন।—তিনি এক প্রকার বন্দী বলিলেই হয়; তাঁহার কোন প্রকার স্বাধীনতা নাই! তিনি ধর্ম্মবাজকগণের ভয়ে সর্বদাই অধীর; তাঁহারা ই পোপকে যদৃচ্ছা পরিচালিত করিয়া থাকেন;—এমন কি তিনি সহরের যেখানে-সেখানে ভ্রমণ করিতে বাইতেও পারেন না। এমন অবস্থাকে বন্দীর অবস্থা ব্যতীত আর কি বলিব?—পোপ-মহোদয়ের সম্বন্ধে আমার এইরূপই ধারণা জন্মিয়া-




রাজ কুমারী বর্ষসের উদ্যানের ভ্রমণবশেষ।

ছিল। অবশ্য সামান্য কয়েক মিনিট মাত্র তাঁহার সহিত আমার কথাবার্তা হইয়াছিল; কিন্তু আমার বোধ হয়, এই কয়েক মিনিটে তাঁহার সম্বন্ধে আমার যে ধারণা জন্মিয়াছিল, তাহা অপূরণীয় নহে। তাঁহার পূর্ববর্তী পোপ ত্রয়োদশ লিগো প্রধান কর্মচারিবর্গ ও ধর্ম্মবাজকদিগকে শাসনে ও বশে রাখিতে জানিতেন; কিন্তু এই ভালমামুলি কর্মচারিদিগের হাতের পুতুল হইয়া পড়িয়াছেন!—তাঁহার কোন ক্ষমতা পরিচালনেরই সাহস নাই। আমার বড়ই ইচ্ছা হইয়াছিল যে, রোনান্ কাথলিক্ ধর্ম্মের কি চরবস্থা হইয়াছে,—ধর্ম্মবাজকগণ যে

আমার যুরোপ ভ্রমণ

কি প্রকাশ ধর্মবিগর্হিত কার্য সকল করিতেছেন,—লোকে যে কুসংস্কারে কি পর্যন্ত আচ্ছন্ন হইয়া পড়িয়াছে,—ধর্মের নান্ন যে কত কুকার্য অমুষ্ঠিত হইতেছে, তাহা স্বক্ষে দেখিবার জন্ত তাঁহাকে একবার ভ্যাটিকানের বাহিরে যাইতে অনুরোধ করি! বলিতে কি, কথাগুলি আমার ওষ্ঠপ্রান্তে আসিয়া উপস্থিত হইয়াছিল;—কিন্তু তৎক্ষণাৎ আমি সে প্রলোভন সংবরণ করিলাম। আমার মনে হইল, আমি রোমান্ ক্যাথলিক্ খৃষ্টান্ নহি,—আমি দশ মিনিটের জন্ত পোপের সহিত সাক্ষাৎ করিতে আসিয়াছি;—আমার এ সকল অনধিকারচর্চা



সেন্ট পলের মন্দির—অত্যন্তর-ভাগের দৃশ্য।

করা কর্তব্য নহে।—তাই আমি সামলাইয়া গেলাম। আমার এই কথাগুলি পাঠ করিয়া কেহ যেন মনে না করেন যে, আমি রোমান্ ক্যাথলিক ধর্মের বিরোধী। প্রকৃতই তাহা নহে;—আমি যুরোপের নানাস্থান পরিভ্রমণ করিয়া যাহা দেখিয়াছি, তাহাতে সত্যসত্যই মনে ব্যথা পাইয়াছি; তাই—অপ্রিয় হইলেও—সত্য কথা বলিতে বাধ্য হইয়াছি।

ভ্যাটিকান্ হইতে বাহির হইয়াই আমরা মন্সেরেটোর ইংলিশ কলেজ দেখিতে গিয়াছিলাম। এখানকার অধ্যাপকদ্বয়ের চেষ্টাতেই আমার সহিত পোপ-মহোদয়ের সাক্ষাৎকার ঘটয়াছিল। এই কলেজের লাইব্রেরী অতি সুন্দর। এখান হইতে আমরা ইংলিশ কন্ভেন্ট দেখিতে গিয়াছিলাম,—এই ছোট কন্ভেন্টটি আট বৎসর হইল স্থাপিত হইয়াছে। কন্ভেন্টের মহিলাগণ আমাকে পরম সমাদরে অভ্যর্থনা করিয়াছিলেন

এবং সমস্ত স্থান দেখাইয়াছিলেন। আমি এই কন্ভেন্টের ছেলেমেয়েদের গিটার খাইবার জন্ত কিছু দান করিয়া সে স্থান ত্যাগ করিয়াছিলাম।

অপরাত্নকালে আমরা রোমের এক সম্ভ্রান্ত পরিবারের গৃহ দেখিতে গিয়াছিলাম। এই প্রাসাদভূয়া গৃহে একটা চিত্রশালা দেখিলাম; সেখানে অনেকগুলি উৎকৃষ্ট চিত্র রক্ষিত হইয়াছে। এই প্রাসাদের নাম (Palazzo Rospigliosi) পালাজো রসপিগ্লিয়োজি।



ভ্যাটিকান—শৈলশিখরস্থিত পোপের প্রাসাদ ও সুরহং গ্যালারির দৃশ্য।

গিয়োভানি, সেন্ট সিসিলিয়া গির্জা ও জেসুইট গির্জা। ইহার মধ্যে সান্টা মেরিয়া মাগোর গির্জায় প্রসিদ্ধ সেন্ট ম্যাথর সমাধিমন্দির আছে। স্কাল সেন্টা বা পবিত্র সোপানাবলি বিশেষ উল্লেখযোগ্য। দেখিলাম, এই গির্জার

এইদিন সন্ধ্যার সময় পূর্ব-

নির্দেশ মত আমি ইংরাজ-রাজ-প্রতিনিধির সহিত সাক্ষাৎ করিতে গিয়াছিলাম। রোমের ইংরাজ-রাজ-প্রতিনিধির নাম সার এডউইন্ ইজারটন্। ইনি ও ইঁহার পত্নী আমাকে বিশেষ আগ্রহের সহিত অভ্যর্থনা করিয়াছিলেন। ইঁহাদের প্রবাসভবন দেখিতে অতি সুন্দর। সার এডউইন্ এখানে নিজহস্তে একটি অতি উৎকৃষ্ট উদ্যান প্রস্তুত করিয়া, তাহাতে ভাল ভাল গোছাপ গাছ রোপণ করিয়াছেন। তাঁহারা আমাকে চা-পানের জন্ত অতুরোধ করলেন; আমিও সাহায্যে স্বীকৃত হইলাম। চা-পানের পর, তাঁহারা টেনিস-খেলা করিবার আয়োজন করিতে গেলেন, আমিও তাঁহাদের নিকট বিদায়গ্রহণ করিলাম।

এটবার আমরা কয়েকটি গির্জা দেখিলাম। তাহাদের নামই বলি,—বর্ণনা দিবার আর সুবিধা হইবে না। গির্জা কয়টির নাম,—সান্টা মেরিয়া ডেগলি এন্জেলি, সান্টা মেরিয়া মাগোর, স্কাল সান্টা সান

আমার যুরোপ ভ্রমণ

সোপানাবলি বস্কাছাদিত; পাছে যাত্রীদিগের গমনাগমনে সোপানগুলি নষ্ট হইয়া যায়, এই জন্ত এই সোপানগুলি আবৃত রাখা হইয়াছে। এই সিঁড়ি দিয়াই যিশু খৃষ্টকে পাইলেটের সম্মুখে বিচারার্থ লইয়া গিয়া, সেখানে



ভ্যাটিকান প্রাসাদ।

দণ্ডাজ্ঞা হইয়া গেলে, আবার এই সিঁড়ি দিয়াই তাঁহাকে নামাইয়া বধ্যভূমিতে লইয়া যাওয়া হইয়াছিল। যাত্রীরা এই সিঁড়ি দিয়া উঠিবার সময় প্রত্যেক সিঁড়িতে উঠিয়াই প্রণাম করে। প্রবাদ এই যে, প্রাচীন রোমের সম্রাট কনষ্টান্টাইনের মাতারাজী হেলেনা ইহা আরবের প্যালেষ্টাইন হইতে উঠাইয়া রোমে আনিয়াছিলেন।



এপিয়ান্ ক্রডিয়স্-নির্মিত রোমের পোর্টোক্যাপেনা হইতে ক্যাপুয়া পর্যন্ত বিস্তৃত রাজপথ।


সেন্টপিটারের মন্দির এখানকার সর্বাধিক। বড় গির্জা হইলেও সান্ গিয়োভানি গির্জারই প্রসার-প্রতিপত্তি অধিক, কারণ স্বয়ং পোপ-সহোদয় এই গির্জার প্রধান-পুরোহিত।

এইবার আমরা মোটরে



হেডিয়ান্-নির্মিত স্থান্ এঞ্জিলো।

চড়িয়া নগরের বাহিরে টিভোলি দেখিতে গিয়াছিলাম। পথের মধ্যে ভিলা হেডিয়ানের ভগ্নাবশেষ দেখিলাম। এখানকার বহুমূল্য দ্রব্যসকল নগরমধ্যে নীত হইয়াছিল। এখন ইটালিয়ান্ গভর্নমেন্ট এই স্থানের পুরাকীর্তি রক্ষার জন্ত বিশেষ মনোযোগী হইয়াছেন।



ভেষ্টাদেবীর মন্দির।

এই হেডিয়ানের ভিলা বা সম্রাটের বাগানবাড়ির সন্নিকটস্থ অধিকাংশ প্রস্তরমূর্তি ও শিল্পের আদর্শ রোমের বা নেপলসের বিভিন্ন প্রত্নতত্ত্বশালায় রক্ষিত হইয়াছে। রোমানদের পুরাতন প্রাসাদে ডমিটোরিয়াম বা বমনের স্থান সর্বত্র দেখিতে পাওয়া যায়। প্রবাদ এই যে, পুরাকালে রোমকগণ বড় পেটুক ছিলেন এবং তাঁহাদের পেটুকতার

সহায়তার জন্য বিশেষ বিশেষ সেবাদাসী ছিল। তাহাদের একমাত্র কার্য ছিল এই যে, এই সকল বহুভোজী নরাকার পশুগণ একদফা খাওয়া শেষ করিলেই তাহাদের গলার মধ্যে ময়ূরপুচ্ছ দিয়া বমন করান; উদ্দেশ্য বমনের




পর আবার তাহারা
যাহাতে রাশি রাশি
গিলিতে পারে এবং
সেই বমনের জন্যই
এত ডিমঠোঁরিমানের
আবশ্যক। ইহা পড়িলে
আষাঢ়ে গল্প বলিয়া
মনে হইবে, কিন্তু
ইহার ঐতিহাসিক
সত্যতা আমাদের
প্রত্যেক ধনীর প্রাচীন
প্রাসাদে জাজ্জল্যমান।
টিউলীর ও তৎপার্শ্বস্থ
স্থান সকলের দৃষ্ট
মনোহর, কারণ নাতি-



প্যালেটান শৈল-শিখরস্থ শোভনোদ্যান।

ধীষরদিগের দেবতা সাধু পিটারের গুহা।

উচ্চ নাতি নিম্ন পাহাড়ের উপরকার দৃষ্ট বড়ই সুন্দর সনে হয়। সেদিন সন্ধ্যার সময় বাটা ফিরিয়া দেখি বন্ধু হরিনাথ দে হোটেলে আসিয়া উপস্থিত। তাঁহার ইতঃপূর্বেই আমাদের সাথি হইবার কথা ছিল। এত দূরে একজন দেশবাসী পাইয়া যে আনন্দ তাহা সেদিন যথেষ্ট উপভোগ করিলাম।



কিন্তু কে
জানিত যে,
এই অতুল
প্রতিভার
পরিসমাপ্তি
এত শীঘ্র
হইবে!—কে
জানিত যে,
বান্দালীর



বিশ্ব-বিশ্রুত সিক্সটিন্ ভজনালয়।

গোরব, আমার

টাইব্রেরিয়ান-নির্মিত প্যালেটাইন-প্রাসাদ-সমুদ্বর্তী পাতাল-পথ।

পরম অন্ধের বন্ধু হরিনাথ দে মহাশয়কে এত শীঘ্র হারাইব! সে দিন সেই সুদূর রোমের হোটেলে তাঁহাকে

আমার য়ুরোপ ভ্রমণ

অকস্মাৎ পাইয়া আমার হৃদয়ে যে আনন্দের সঞ্চার হইয়াছিল, আজ সেই কথা লিখিতে বসিয়া,—সেই দিনের কথা




পরলোকগত হরিনাথ দে।

জন্ত একবিন্দু অশ্রুবিসর্জন করিলাম। *

মনে করিয়া,—আমার । নয়ন
অশ্রুপরিপূর্ণ হইতেছে ! হরিনাথ,
যে এত অল্প বয়সে, সকল কাজ
অসমাপ্ত রাখিয়া এত শীঘ্র
সাধনোচিত ধামে চলিয়া যাইবেন,
—সে কথা ত কখনও মনে
হয় নাই ! অতি অল্প বয়সেই
তাহার ইহজীবনের খেলা শেষ
হইয়া গেল। তাহার ন্যায়
মনস্বী, দ্বৈতভাবিৎ পণ্ডিতকে
অকালে হারাইয়া বাঙ্গালী যে
ক্ষতিগ্রস্ত হইয়াছে, সে ক্ষতি
কবে, কাহার দ্বারা পূরণ হইবে,
কে বলিতে পারে ? হরিনাথ দে
সত্যসত্যই বাঙ্গালীর গৌরব
ছিলেন। আর কিছুকাল বাঁচিয়া
 থাকিলে তিনি অনেক কাজ
করিয়া যাইতে পারিতেন।
অকালে, আরও কার্যাবলী
অসম্পন্ন রাখিয়াই মনস্বী হরিনাথ
চলিয়া গেলেন—বাঙ্গালা দেশ
একটি রত্নহার হইল—আমরাও
একটি সহৃদয় বন্ধু হারাইলাম !
আজ সেই পরলোকগত বন্ধুর

* ১৮৭৭ খৃষ্টাব্দের ১২ই আগষ্ট ২৪ পরগণার অন্তর্গত এড়িয়ার্হ গ্রামে হরিনাথের জন্ম হয়, আর মৃত্যু ঘটে ১৯১১ সালের সেই আগষ্ট মাসেই ! তাহার পিতার নাম রায় ভূতনাথ দে, এম-এ, বি-এল বাহাদুর। অল্প বয়সেই হরিনাথের পিতৃবিয়োগ ঘটে ; কিন্তু তাহার জননী এখনও জীবন্ত। হইয়া আছেন। হরিনাথ রায়পুর হইতে মধ্য প্রাথমিক পরীক্ষা দিয়া মাসিক ৫ টাকা বৃত্তি প্রাপ্ত হন। তদবধি নানা পরীক্ষায় উত্তীর্ণ হইয়া বরাবরই বৃত্তি লাভ করিয়াছিলেন। ১৮৯২ সালে ১৪ বৎসর বয়সে সেন্ট জোন্সের কলেজ হইতে কলিকাতা বিশ্ববিদ্যালয়ের প্রবেশিকা পরীক্ষায় প্রথম বিভাগে উত্তীর্ণ হন। ১৮৯৪ সালে এক-এ পরীক্ষায় ইংরেজী ও ল্যাটিনে সর্বোচ্চস্থান লাভ করেন। ১৮৯৫সালে তাহার বিবাহ হয়। ১৮৯৬সালে বি-এ ও এম-এ পরীক্ষায় সম্মানে উত্তীর্ণ হন। গবর্ণমেন্ট বৃত্তি প্রাপ্ত হইয়া

সে দিন অপরাহ্নকালে একখানিও ভাড়াটিয়া গাড়ী পাওয়া গেল না ;—তাহারা সেদিন ধর্মঘট করিয়া-
ছিল। আমরা অগত্যা মোটর লইয়াই বাহির হইলাম। আমরা প্রথমে ক্যাপিটল্ পাহাড়ে গিয়া বাহুবর দেখিলাম।



ক্যালি কোলি (অর্থাৎ দৈববলে নাজারেথ হইতে রোমে স্থানান্তরিত কুমারী মেরীর আবাস বাটা)

এইখানেই বীণুর বধ-দণ্ডাজ্ঞা হইয়াছিল।

তাহার পর সান্টানেরিয়ার গির্জা দেখিলাম। তৎপরে এদিক-ওদিক ঘুরিয়া, সন্ধ্যার সময় হোটেলে ফিরিয়া আসিলাম। রোমে বেড়াইতে বেড়াইতে অনেকগুলি নাগরিক বা প্রাদেশিক আচার ব্যবহার দৃষ্টিপথে পড়িয়াছিল, তন্মধ্যে ছই একটি উল্লেখযোগ্য। যখন ছেলে মেয়ের দল কোনও স্কুল হইতে বাহির হয়, তখন দেখিতে পাওয়া যায় যে, সকলেই বই খুলিয়া পড়িতে পড়িতে চলিয়াছে। আবার এখানে কুলের হাট হয় ; সেখানে ভদ্রলোক-দেরও ফুলবিক্রেত্রী রমণীদিগের হাত হইতে নিস্তার পাওয়া অসম্ভব।

তিনি ১৮৯৭সালে বিলাত-যাত্রা করেন এবং ইংলণ্ডে অবস্থানকালে গ্রীক ভাষায় এম-এ পরীক্ষায় উত্তীর্ণ হন। তৎপরে ইংলণ্ডের কেম্ব্রিজ, ক্রাঙ্গের সোরবোর্ণ, জর্জাণীর মারবর্গ প্রভৃতি বিশ্ববিদ্যালয়ে অধ্যয়ন করিয়া, নানাভাষায় সম্মানে পরীক্ষোত্তীর্ণ হইয়া গ্রীক ও ল্যাটিন পদ্যরচনার প্রতিযোগিতায় অসামান্য প্রশংসালভ করিয়া ইংলণ্ডের R. A. সোসাইটির সভ্য হন। এইরূপে অসাধারণ শিক্ষাগৌরবে মণ্ডিত হইয়া ১৯০১ সালে স্বদেশে প্রত্যাবর্তন করেন এবং ষ্টেট সেক্রেটারির নিয়োগানুসারে ঢাকা কলেজের অধ্যাপক নিযুক্ত হন। ১৯০৪ সালে ঢাকা হইতে কলিকাতা প্রেসিডেন্সি কলেজে বদলী হন এবং ১৯০৬ সালে প্রেসিডেন্সি হইতে হুগলি কলেজের প্রিন্সিপাল বা অধ্যক্ষ নিযুক্ত হন। প্রেসিডেন্সি কলেজে অধ্যাপনাকালে তিনি সংস্কৃত আরবী ও উড়িয়া ভাষায় উচ্চ পরীক্ষা দিয়া যথাক্রমে ২০০০

আমার য়ুরোপ ভ্রমণ

রোম ত্যাগ করিবার সময় মনে কত ভাবের ঢেউ উঠিল। কত প্রাচীন কীর্তি সমন্বিতাবে না দেখিয়া ফেলিয়া যাইতে কষ্ট বোধ হইল ; তেমনই আবার কত নূতন কীর্তি দেখার জন্ত নূতন উৎসাহ আসিয়া মনকে



টিভোলির রাজপথ।

ঘিরিল। আরো নদীর সৌন্দর্য্যময় অধিত্যকার স্থিত মেডিচিগণের কীর্তিস্তম্ভ, কবির সৈলির লেখনীবলে অমরতা-প্রাপ্ত ক্লোয়েন্স দেখিতে কাহার না ইচ্ছা হয়।


পরদিন প্রাতঃকালেই আমরা রোম ত্যাগ করিয়া ফ্লোরেন্সে যাইবার জন্ত যাত্রা করিলাম।

২০০০ ও ১০০০ টাকা পারিতোষিক প্রাপ্ত হন। ১৯০৬ সালে পালি পরীক্ষায় উত্তীর্ণ হন। বিদ্যালুশীলনের জন্য—জানার্কনের জন্য এই সময় তিনি দ্বিতীয়বার ইংলণ্ড-যাত্রা করেন। ইংলণ্ডে অবস্থানকালে পিসেল, রিস ডেভিড প্রভৃতি সহদয় পণ্ডিতগণের নিকট বিশেষ আলোচনাত করেন।

পঞ্চম অধ্যায়

ফ্লোরেন্স

যখন আমরা রোম পরিত্যাগ করি, তখন অল্প অল্প বৃষ্টি হইতেছিল ; একটু অগ্রসর হইলেই বৃষ্টি থামিয়া গেল । আমরা যে গাড়ীতে যাত্রা করিয়াছিলাম, সে গাড়ী অনেক রাত্রিতে ফ্লোরেন্সে পৌঁছিল ; সুতরাং আমরা অনতিদূর হইতে সহরের দৃশ্য দেখিতে পাইলাম না ; পথের মধ্যেও তেমন বিশেষ দ্রষ্টব্য কিছুই ছিল না । রেলপথ কিছুদূর টাইবার নদীর তীর দিয়া অগ্রসর হইল । তাহার পরই আমাদের গাড়ী ট্রাসিমেনো (Trasimeno) হ্রদের পার্শ্বে উপস্থিত হইল । এই হ্রদের নিকটবর্তী পাহাড়ের উপর খৃষ্টের জন্মের দুইশত সত্তর বৎসর পূর্বে হানিবল্ রোমীয় সৈন্যগণকে পরাজিত ও নির্মূল করিয়াছিলেন ।



ফ্লোরেন্সের সাধারণ দৃশ্য ।

রাত্রিতে ফ্লোরেন্সে উপস্থিত হইয়া আমরা হোটেলে গমন করিলাম । এই হোটেলটি একেবারে আর্নো নদীর উপরে অবস্থিত । আমরা যে সময়ে ফ্লোরেন্সে গিয়াছিলাম, তখন নদীতে অধিক জল ছিল না ।

আমার যুরোপ ভ্রমণ

পরদিন প্রাতঃকালেই আমরা নগরদর্শনে বহির্গত হইলাম। আমরা দেখিলাম, এই নগরের অট্টালিকা সকল সেই পূর্ব আমলের ধরণেই নিশ্চিত; বর্তমান সময়ের স্থাপত্যের নিদর্শন এ নগরে বড় অধিক দেখিতে পাইলাম না। আমরা ভারতবাসী; আমাদের দেশের নদীসকল যেমন প্রশস্ত, তেমনই বেগবতী; আমাদের দেশের নদীসকলের সহিত তুলনা করিলে যুরোপের বড় বড় নদীগুলিকে ত নদী বলিয়াই মনে হয় না। এই ফ্লোরেন্সের পার্শ্ববাহিনী আর্নো নদী ইটালীর মধ্যে একটি প্রধান নদী বলিয়া বিখ্যাত; কিন্তু এই নদী আমাদের ভারতবর্ষের উত্তম-পশ্চিম প্রদেশস্থিত গঙ্গার খালের অপেক্ষা প্রশস্ত নহে। আর্নো নদী ফ্লোরেন্স নগরের মধ্য দিয়া প্রবাহিত হইয়াছে। এই নদীর উভয় তীরেই ফ্লোরেন্স নগর। ফ্লোরেন্সের প্রধান দৃশ্য ‘লা কাতাদ্রাল্ দি সান্তামারিয়া দেল ফিয়োরি’ (Ta Cattedrale di Santa maria del Fiore) মন্দির। ইহা মন্দির প্রস্তরে নিশ্চিত এবং ইহা দেখিলে পুরাতন স্থাপত্যের উৎকৃষ্ট পরিচয় প্রাপ্ত হওয়া যায়। সত্যসত্যই এই গির্জার গঠন এবং ইহার কারুকার্য বড়ই সুন্দর। তবে ইহার বাহিরের সৌন্দর্য যেমন মনোহর, অভ্যন্তরভাগে তেমন সৌন্দর্যের সমাবেশ নাই; সে বিষয়ে রোমের সেন্ট পিটারের মন্দির অনেকগুণে উৎকৃষ্ট। এই মন্দিরের ভিতরে একটি সমাধিস্তম্ভ ও কতকগুলি সুন্দর প্রস্তরমূর্তি আছে; এতদ্ব্যতীত সেখানে আর কিছুই নাই বলিলেই হয়। কিন্তু এই স্থানটি আমার বড়ই ভাল লাগিল; কারণ ভজনালয় ও মন্দিরের জাঁকজমক অধিক হইলে, তাহা ঐশ্বর্য ও বিলাসেরই পরিচয় প্রদান করে; কিন্তু ভজনালয় যদি সাদাসিধে রকমের হয়, তাহার মধ্যে যদি ঐশ্বর্যের গরিমা প্রকাশের চেষ্টা না থাকে, তাহা হইলে তাহার পবিত্রতা ও গাভীর্য হৃদয়কে অবনত করে। আমরা যখন এই গির্জা দেখিতে গিয়াছিলাম, তখন মন্দিরের মধ্যে উপাসনা হইতেছিল। উপাসনার শেষে যে গানটি হইল, তাহা শুনিতে বড়ই ভাল লাগিল।



ক্যাম্পানিল্ বা গিয়োটোর টাওয়ার
(গিয়োটোর হস্তরচিত মনোহর কারুকার্যখচিত কেথিড্রাল্ সংলগ্ন
ক্যাম্পানিল্ বা ঘণ্টা-মন্দির)

এখান হইতে বাহির হইয়া আমরা ক্যাম্পানাইল (Campanile) বা ঘণ্টামন্দির দেখিতে গেলাম। এটিও অতি সুদৃশ্য। শুনিতে পাওয়া যায় যে, মহাবীর নেপোলিয়ন্ যখন ইটালীর অংশ জয় করিতে আগমন করিয়াছিলেন, তখন তিনি ফ্লোরেন্সের এই ঘণ্টাঘর দেখিয়া বলিয়াছিলেন,—“যদি সম্ভবপর হইত, তাহা হইলে আমি ইহা উঠাইয়া পারিস্ নগরে লইয়া ইহাকে সেখানে একটা কাচের ঘরের মধ্যে বসাইয়া রাখিতাম।” ইহার সম্মুখেই, রাস্তার অপর পারে, আর একটি গির্জা আছে; ইহা পূর্বের রোমীয় ‘মার’ দেবতার মন্দির ছিল; তাহার পর খৃষ্টানেরা ইহাকে উপাসনালয় করিয়া লইয়াছে। ইহার পিত্তল-নির্মিত কবাটে বাইবেলোক্ত ঘটনা সকলের চিত্র খোদিত আছে। ইটালীর প্রধান ভাস্করদ্বয় ‘এন্ড্রিয়া পিসানো’ ও ‘ভিটোরিয়ো গিয়ার্টি’ যথাক্রমে চতুর্দশ ও পঞ্চদশ শতাব্দীতে এই চিত্রগুলি খোদিত করিয়াছিলেন।

এই স্থান হইতে আমরা প্যালাজ্জো ভেচিয়ো (Palazzo Vecchio) প্রাসাদ দেখিতে গিয়াছিলাম। ইহা অতি পূর্বের রাজপ্রাসাদ ছিল, এখন ইহা ফ্লোরেন্সের ‘টাউনহল্’; এবং এখানে প্রসিদ্ধ ইটালিয়ান শিল্পীদের কৃত প্রস্তর মূর্তি বা Statue আছে। ইহারই নিকট পিয়াজ্জা দে লা সিনোরিয়া (Piazza della Signoria) নামক চক্। এই চকের মধ্যে একটি তাম্রফলক আছে; তাহাতে লেখা আছে যে, এই স্থানে স্পেন্দেনীয় ধর্মযাজকগণের আদেশে খৃষ্টীয় ষোড়শ শতাব্দীতে (Savonarola) সাতোনারোলাকে দগ্ধ করিয়া মারা হয়।

এই স্থান হইতে আমরা ইউফিট্‌সি পেলেস (Uffizi Palace) দেখিতে গেলাম। এখানে অনেকগুলি উৎকৃষ্ট চিত্র রক্ষিত হইয়াছে। র্যাফেল্, তিসিয়ান্, রুবেন্স্, রেমব্রান্ট, ভেলাস্কেজ্ প্রভৃতি অনেক লক্ষপ্রতিষ্ঠ চিত্রকরের অসামান্য চিত্র সকল দেখিয়া মুগ্ধ হইতে হয়। যাহারা চিত্রের সৌন্দর্য উপলব্ধি করিতে পারে না, তাহারা হয় ত এই স্থানে আসিয়া বিশেষ চিত্তাকর্ষক কিছু পাইবে না; কিন্তু যাহারা চিত্রাঙ্কনের তুলিকার বিশেষত্ব বোঝে, যাহারা প্রত্নতাত্ত্বিক, তাহারা এস্থলে ঘণ্টার উপর ঘণ্টা, দিনের উপর দিন অবধি কাটাইতে পারে। এই স্থান হইতে আমরা একটি ঢাকা পোল বা শূভ স্মরণ দ্বারা পিটি চিত্রালয় (Pitti Picture Gallery) দেখিতে গেলাম। এই পথটা বা পোল আর্নো নদের উপর এবং এইরূপ সেতু ইটালিতে কেবল ভিনিসে আর একটি আছে। পিটি-পেলেসে খ্যাতনামা ইটালিয়ান চিত্রকরদের অঙ্কিত বহু মূল্যবান চিত্রাদি ত আছেই, তদ্ব্যতীত এ স্থানে বহুবিধ প্রস্তর মূর্তি, বহুমূল্য মোসেক কার্যের টেবল আদিও আছে। এই সকল দেখিতে দেখিতে বেলা হইয়া গেল। তাই হোটলে ফিরিলাম। সেখানে মধ্যাহ্ন-ভোজের পরই ফ্লোরেন্সের প্রাচীন রাজবংশধর মেডিচিগণের সমাধি সকল যে ভজনালয়ে আছে, তথায় গেলাম। এই স্থানের সমাধিমন্দিরগুলিতে বিভিন্ন বর্ণের মার্বেলের কার্যকার্য আছে এবং একটি সমাধির উপর প্রসিদ্ধ শিল্পী মাইকেল এঞ্জেলোর Night and day নামক প্রতিমূর্তি আছে। তাহাকে ফরাসীকবি ডে মুসে De Muset গাথার দ্বারা অমর করিয়া গিয়াছেন।

এখান হইতে সেন্টা ক্রোসে (Santa Croce) ভজনাগার দেখিতে যাওয়া গেল। ইহার মধ্যে ফ্লোরেন্সের স্বনামধন্য অনেক কৃতি সন্তানের সমাধি আছে। বাইরণ্ এই সেন্টা ক্রোসেকে তাঁহার ‘Child Harold’s Pilgrimage’ এ অমর করিয়া গিয়াছেন। যাহারা বাইরণের কবিতা পাঠ করিয়াছেন, তাঁহাদেরই স্মরণ আছে—

“In Santa Croce’s holy precincts lie
Ashes which make it holier—” ইত্যাদি।

আমার যুরোপ ভ্রমণ

অপরাহ্নকালে আমরা আর অধিক ভ্রমণ করিতে পারিলাম না। সান্টা ক্রোসে দেখিবার পর আনান-জিয়াটার গির্জা ও ফ্লোরেন্সের হাট-বাজার, দোকান প্রভৃতি দেখিয়াই হোটেল চলিয়া আসিলাম।

পরদিন প্রথমে আমরা একটি গির্জা দেখিয়া পরে পিটি পেলেস (Pitti Palace) দেখিলাম। ইহা পুরাকালে একজন ধনাঢ্য বণিকের ছিল; এক্ষণে ইহা ইটালীয়রাজার একটি রাজভবন। এখানে অনেক বহু-মূল্য আসবাবপত্রাদি আছে। সেদিন সকালে আরও দুই একটি চিত্রশালা দেখিয়া অপরাহ্নে ফ্লোরেন্সের প্রসিদ্ধ মিনিয়াটো হিল নামক পর্বতোপরিস্থিত পল্লী দেখিতে যাওয়া গেল এবং তথায় ধনীগণের বাসভবনাদি অবলোকন করিতে করিতে যে স্থানে বসিয়া প্রসিদ্ধ জ্যোতির্বিদ গেলিলিও প্রতিদিন আকাশের দিকে তাকাইয়া সৌরজগতের ও তারকামণ্ডলীর গতিবিধি চিন্তা করিতেন, সেই মন্দিরটি ও তথাকার গির্জা দেখিয়া আমরা ক্রমে স্থানীয় পার্ক ও ঘোড়দৌড়ের মাঠ দেখিতে গেলাম। পরে আমরা, রবিবার জন্য পার্কের মধ্যে যে সকল লোক দলে দলে উৎসবের বেশে বেড়াইতেছিল, বাগু আদি শুনিতেছিল, তাহাদের দেখিতে দেখিতে ক্যাসিনোর এক প্রান্তস্থিত কোলা-পুরের মহারাজা রামছত্রপতির সমাধির সম্মুখে উপনীত হইলাম।

মহারাজ রামছত্রপতি ১৮৭০ খৃষ্টাব্দে যুরোপ ভ্রমণ করিতে বহির্গত হন। ভ্রমণ শেষ হইলে তিনি দেশে ফিরিয়া যাইতেছিলেন, সেই সময় ফ্লোরেন্সে আসিয়া তিনি পীড়িত হন এবং এই স্থানেই নিউমোনিয়া রোগে ঐ অক্টোবর ৩০এ নবেম্বর তারিখে প্রাণত্যাগ করেন। তখন তাঁহার বয়স একুশ বৎসর মাত্র। এই নবীন বয়সে নির্দোষ স্থানে ভারতের একজন মহারাজ প্রাণত্যাগ করেন। তাঁহারই সমাধির নিকট আমরা উপস্থিত হইলাম। আমরা মনে করিয়াছিলাম, হয় ত বা এ দেশের লোকের রুচি অল্পসারেই মন্দিরটি নির্মিত হইয়া থাকিবে; কিন্তু সেখানে গিয়া দেখিলাম, সমাধি-মন্দিরটি আমাদের দেশের মন্দিরেরই মত। এই সুদৃশ্য ক্ষুদ্র মন্দিরের মধ্যে মহারাজ-বাহাদুরের একটি প্রস্তরময় মূর্তি রক্ষিত হইয়াছে। এই স্থানে যাইবার পূর্বেই আমি আমার ভৃত্যদিগকে বলিয়া গিয়াছিলাম যে, তাহারা যেন কয়েকটি ফুলের মালা ও স্তবক সংগ্রহ করিয়া সেই স্থানে যায়। আমি আমার স্বদেশবাসী মহারাজের সমাধিমন্দিরে উপস্থিত হইয়াই সেই পুষ্পমালা প্রস্তরমূর্তির গলায় পরাইয়া দিলাম এবং স্তবকগুলি মূর্তির নিম্নে রক্ষা করিলাম। সে সময় আমার মনে এক উধাও ভাব আসিয়া উপস্থিত হইয়াছিল। আমি নিজে কবিতা যে বেশী লিখি তাহা নহে; তবু সেইদিন এই সমাধি-স্থান হইতে প্রত্যাগত হইয়া আমি একটি ইংরেজি কবিতা লিখিয়াছিলাম। সেই কবিতাটি ও একটি বদ্ধকৃত তাহার বঙ্গানুবাদ নিয়ে উদ্ধৃত করিলাম,—

No courtiers here thy beck obey,
No beauteous Queens here grace thy side,
Alone, alas, thy ashes stay,
Alone, by Arno's rushing tide.
The wandering winds thy fate bemoan
Forgot, forsaken, left alone.
Forgot, alas, but wherefor mourn
Since such is life, O lonely Chief!

Though thou in life's sweet prime wast torn,
Torn by that cruel, heartless thief,
That thief whom mortals 'Teacher' call,
The Fate that teacheth truth to all.
Thy heart I ween, was filled with love ;
With youthful hopes, ambitions high,
What time thy Spirit soared above,
And bade this weeping earth good-bye.
Obeying Him Who thee did call
Perchance to beautify His Hall.
Ah ! Life is but a mocking dream
Fraught with vexation, pain and grief :
And Good and Evil ever seem
Commingle in it, Indian Chief !
What lies beyond—Ah who can tell ?
My countryman, Farewell, Farewell !

আজ্ঞাবহ অনুচর নাহি কেহ হেতা,
রূপসী রাণীরা আজি নাহি তব পাশে,
ভ্রমশেষ একা তুমি, রাজকুলনেতা !
শিখানে বহিছে আর্গো উন্মদ উচ্ছ্বাসে !
গায়িতেছে শোকগাথা উদাসী পবন,
বিস্মৃত, বান্ধবত্যাক্ত—মরণ-মগন !

বিস্মৃত ! কি খেদ তাহে ? জীবনের গতি
এমনি ত চিরদিন—এ ছার-সংসারে,
ঝঙ্কাছিন্ন পুষ্প-সম—ওগো নরপতি !
অকালে জীবনশেষ কালের প্রহারে ।
চোর-রূপী মহাকাল—ভাগ্য-নিয়ামক,
সত্যশিক্ষা দেয় নরে, সে মহাশিক্ষক ।

কত আশা ভালবাসা, কত কল্পনায়,
পরিপূর্ণ ছিল ববে কোমল পরাণ,

আমার যুরোপ ভ্রমণ

সহসা ফুরাল স্বপ্ন—লইলে বিদায়
ব্যথিতা ধরণী কাছে, করিলে প্রয়াণ
মহেন্দ্র-মন্দির পানে, তারি আবাহনে—
সাজাতে সে পুণ্যধাম—অমৃত-কিরণে।

বিড়ম্বনাময় এই মানব-জীবন,
শোক-দুঃখ যন্ত্রণায় ক্ষুব্ধ নিরন্তর,
ভাল-মন্দ আলো-ছায়া একত্র মিলন,
কে বুঝিবে এ রহস্য ওহে মহাজন !
কি আছে এ সিদ্ধপারে ? কে বলিবে হয় !
হে মোর স্বদেশবাসী, বিদায়, বিদায় !

আমি যখন মহারাজের সমাধির উপর পুষ্পরাশি স্থাপিত করিতেছিলাম, তখন ঐ দেশের অনেকগুলি লোক সেখানে সমবেত হইয়াছিল। আমার কার্য দেখিয়া ভক্তিরে তাহারা মস্তকের টুপি খুলিয়া ফেলিল এবং সকলেই অবনত মস্তকে আমার এই কার্যে যোগদান করিল। কাহারও মুখে একটি কথা নাই ; হঠাৎ সকলেরই হৃদয় যেন বিষাদ-ভারাক্রান্ত হইল। তাহাদের এই ভাব দেখিয়া, আমি বড়ই প্রীতি অল্পভব করিলাম।

আর একটি কথা বলিয়াই আমার ফ্লোরেন্স-ভ্রমণ-বৃত্তান্ত শেষ করিব। ১৮৭০ খৃষ্টাব্দে মহারাজ রাম চন্দ্রপতি ফ্লোরেন্সে আসিয়া, আমি যে হোটেলে ছিলাম সেই হোটেলেই ছিলেন এবং শুনিলাম আমি হোটেলের যে কক্ষটিতে অবস্থান করিয়াছিলাম, তিনিও সেই কক্ষেই ছিলেন এবং সেই কক্ষেই তাঁহার জীবনদীপ নিৰ্ব্বাপিত হয়।

ষষ্ঠ অধ্যায়

ভিনিস

ফ্লোরেন্স হইতে আমরা ভিনিসে চলিলাম। রাত্রি প্রায় আটটার সময়, সান্ধ্য-ভোজনের একটু পূর্বেই, আমরা ভিনিস সহরে উপস্থিত হইলাম। সে দিন ১৪ই মে। ভিনিস যাইবার পথে, আমরা ইটালীর প্রধান নদী ‘পো’ অতিক্রম করিয়া গেলাম। পথের মধ্যে বোনোনা ও পাহুয়া, এই দুইটি সহরও পার হওয়া গেল; কিন্তু ষ্টেসন্ দুইটিতে আর নামিবার অবকাশ হইল না!



রাত্রি আটটা বলিলে, আমাদের দেশে বুঝি যে, প্রায় দুইঘণ্টা রাত্রি হইয়া গিয়াছে; কিন্তু ভিনিসে যখন আমরা পৌছিলাম, তখন ঘড়িতে ঠিকই আটটা বাজিয়াছিল, অথবা বাজিবার দুই দশ মিনিট বিলম্ব ছিল; কিন্তু তখনও সেখানে রাত্রি আসিবার সূচনা দূরে থাকুক—তাহার পূর্বাভাস পর্যন্ত দৃষ্ট হয় নাই, অর্থাৎ, তখন গোখুলি সময়! সুতরাং, আমরা অন্ধকারের মধ্যে ষ্টেসনে উপস্থিত হই নাই,—গোখুলি সময়ের আলোকে সহরটি আমরা বেশ দেখিতে পাইলাম।

এড্রিয়াটিকের রাজ্ঞী—এই ভিনিস্ সহরে প্রবেশ করিবামাত্রই একটি দ্রব্য সর্বপ্রথমে দৃষ্টিগোচর হয়;—তাহার নাম (Gondola) ‘গণ্ডোলা’। নামটা শুনিলে হয় ত প্রথমেই কাহারও, বিশেষতঃ ঔদরিকের মনে হইবে, ইহা হয় ত রসগোল্লা, বা ঐ রকম কিছু মিষ্টান্ন, এবং তাহাতেই ইহা সর্বপ্রথমেই আমার দৃষ্টি আকর্ষণ করিয়াছে; কিন্তু যাহারা অভিজ্ঞ, তাঁহারা জানেন যে ‘গণ্ডোলা’ মিষ্টান্ন নহে,—নৌ-যানবিশেষ। এদেশে একটি প্রবাদ আছে—‘Horse, Venice has never seen,’ অর্থাৎ ‘ভিনিস কখন ঘোড়া দেখে নাই।’ কথাটা ভাবি সত্য; ভিনিসের লোকেরা জলপথে যাতায়াত করে; দেশে বড় রাস্তা নাই, আছে খাল আর ঘাট। ভিনিস যে জলের সহর;—সেখানে ‘গণ্ডোলা’ ব্যতীত কোথাও যাইবার অন্য গতি নাই; এই ‘গণ্ডোলাই’ সেধানকার সমস্ত প্রকার

আমার যুরোপ ভ্রমণ

যানের অভাব পূরণ করিয়া থাকে। এই গণ্ডোলাগুলির উপর একটা করিয়া আবরণ থাকে। সেই আবরণটা তুলিয়া ফেলিলেই নৌকা ও নৌকার মধ্যে বসিবার স্থান দেখিতে পাওয়া যায়। আর একটা ব্যাপার দেখিলাম; গণ্ডোলা সকলগুলিই কালরংগে মণ্ডিত, কোন ধানিতে কাল ব্যতীত অন্য রং দেখিলাম না। ইহার কারণ




দীর্ঘনিঃশ্বাসের সেতু।

দিয়া গিয়া, ছোট খালে পড়িলাম, এই রকমে অনেকগুলি ছোট খাল অতিক্রম করিতে হইল। পথে যাইতে যাইতে সহর নীরব হইয়াছে বলিয়া বোধ হইল, কারণ নৌকার দাঁড়ের আঘাতে জলের শব্দ ব্যতীত, আর কিছুই আমাদের কর্ণগোচর হইল না। তবে মধ্যে মধ্যে গতিশীল নৌকার মাঝিরা উচ্চৈঃস্বরে 'ডাইনে—বামে' প্রভৃতি বাক্যোচ্চারণে অপর নৌকাগুলিকে সতর্ক করিয়া সেই নীরবতা ভঙ্গ করিতেছিল। ছোট ছোট খালের মধ্য দিয়া এই সকল গণ্ডোলা অবিশ্রান্ত যাতায়াত করিতেছে, অথচ সংঘর্ষ হয় না; ইহা দেখিয়া মাঝিদিগের নৌ-চালন-নৈপুণ্যের প্রশংসা করিতে হয়। খালের দুই পার্শ্বে অসংখ্য ঘাট; আর সেই সকল ঘাটের সম্মুখে নৌকা বাধিবার কাঠের খুঁটা। প্রায় সকল বাড়ীর সম্মুখেই একটি করিয়া ঘাট। আমাদের হোটেলে পৌঁছিবার অব্যবহিত পূর্বেই,

শুনিলাম দুইটি। কেহ কেহ বলেন যে, ষোড়শ শতাব্দীতে এখানকার লোকেরা এমন বাবু ও বিলাসী হইয়া পড়িয়াছিল যে, তাহারা নিজেদের গণ্ডোলাগুলিকে অধিক চিত্তাকর্ষক করিবার জন্ত লক্ষ লক্ষ মুদ্রা ব্যয় করিয়া নানাবর্ণে, নানাপ্রকার কারুকারণে, সুসজ্জিত করিত। এই অনর্থক অর্থব্যয় নিবারণ করিবার জন্ত সে সময়ের কর্তৃপক্ষ এই আদেশ প্রচার করেন যে, কেহ গণ্ডোলা কাল ব্যতীত অন্য কোন রংয়ে সুশোভিত করিতে পারিবে না। আবার কেহ কেহ বলেন যে, কাল রং শোকচিহ্ন-প্রকাশক, গাভীরা-ব্যঞ্জক; তাই দেশের লোকে কাল রংটাই পসন্দ করে। সেইজন্য এখানকার গণ্ডোলাগুলি নিরবচ্ছিন্ন কাল রঙে মণ্ডিত হইয়া আসিতেছে; বহুকালাগত প্রথা বলিয়া কেহ আর উক্ত রঙের পরিবর্তন করে না।—শেষোক্ত কারণটাই সঙ্গত বলিয়া মনে হয়।

ষ্টেসন হইতে বাহির হইয়াই আমরা এই গণ্ডোলায় চড়িয়া বসিলাম। তাহার পর যেটি প্রধান খাল, অর্থাৎ Grand Canal, তাহাতে গিয়া পড়িলাম। ধানিক দূর এই বড় খাল


আমরা সেই বিখ্যাত সেতু 'Bridge of Sighs' অর্থাৎ 'দীর্ঘনিঃশ্বাসের সেতু' পার হইয়া গেলাম। ইহার নাম দীর্ঘনিঃশ্বাসের সহিত সংযুক্ত হইয়াছে কেন, তাহা পরে বলিব; তবে এইমাত্র বলিতে পারি যে, হোটেলের সম্মুখে যখন আমরা গঙোলা হইতে নামিলাম, তখন আমার সঙ্গী ডাক্তার মহাশয় হাঁপ ছাড়িয়া বাঁচিলেন।



পিয়াজেটা

আমরা যে হোটলে গেলাম, সেটি পূর্বে হোটেল ছিল না, তাহা একটি রাজ প্রাসাদ ছিল; এখন তাহা পাহাশালা হইয়াছে। বাড়ীটি দেখিতে বেশ; কিন্তু একটা অসুবিধা আছে। এই হোটেলের পশ্চাত্তাগ দিয়া একটা অতি সরু গলিপথ আছে; সেই পথ দিয়া দিনরাত্রি লোক-জন চৌচামেচি ও গান করিতে করিতে যাতায়াত করিয়া থাকে। ইহাতে [নবাগত] পাছের প্রথম

প্রথম বড়ই বিশ্রামের ব্যাঘাত হয়; কিন্তু বেশী দিন থাকিলে, ক্রমে সকল গোলমাল সহিয়া যায়




সেন্ট মার্কেস গির্জা।

রাত্রিতে আর কোথায় যাইব,—বা কি দেখিব! পরদিন প্রাতঃকালে উঠিয়াই, হাতমুখ ধুইয়া আমরা বেড়াইতে বাহির হইলাম। আমাদের হোটেলের অতি নিকটেই তিনিসের বিখ্যাত পিয়াজেটা (Piazzetta) বা

আমার যুরোপ ভ্রমণ

সেন্ট মার্কের স্কোয়ার বা ভ্রমণস্থান। আমরা পদব্রজেই এই ভ্রমণস্থানে গমন করিলাম। যদিও ভিনিস সहरটার




সেন্ট মার্কের গির্জার অভ্যন্তরভাগ।

অষ্ট পুষ্ঠে খাল; তবুও যেটা সহরের কেন্দ্রস্থল, সেখানে পদব্রজে যাওয়া যায়; কিন্তু এই সামান্য পথটুকুও যাইতে

হইলে কতগুণা খালের সেতু পার হইতে হয়! সহরের অভ্যন্তর ভাগটা যেন একটা দ্বীপ—তাহার সব দিকই খালের দ্বারা বেষ্টিত। যদি কেহ ইচ্ছা করেন, তাহা হইলে তিনি এই সহরের সর্বত্রই পদব্রজে যাইতে পারেন; তবে ছই চারি পা গেলেই এক একটা সেতু পার হইতে হইবে। এই সেন্ট মার্কের স্কোয়ারের তিনদিকে পুরাতন রাজপ্রাসাদ, আর একদিকে বাইজেটাইন্ হাপত্যাশিল্পের সর্বশ্রেষ্ঠ আদর্শের অঙ্কিতম—সেন্ট মার্কের গির্জা। বৃত্ত, গম্বুজ এবং অর্ধচন্দ্রাকৃতি খিলান—এই গুলিই গ্রীকদিগের এই বাইজেটাইন্ হাপত্যাশিল্পের বিশেষত্ব। এই শ্রেণীর শিল্পের আর একটি মাত্র আদর্শ এখনও আছে—সেটি ইস্তাম্বুলের সেন্ট সোফিয়ার গির্জা। এই গির্জা দুইটি দেখিলে মুসলমানদিগের মসজিদ বলিয়া মনে হয়। সেন্ট মার্কের পরেই প্রাসাদ। ভিনিসের বিখ্যাত ক্যাম্পানিলি কয়েক বৎসর পূর্বে ভাঙ্গিয়া পড়িয়াছিল; আমরা যখন গিয়াছিলাম তখন তাহা পুনর্নির্মিত হইতেছিল। এই স্কোয়ারের চারিপাশে

যে সমস্ত খিলান আছে, তাহাতে অনেকগুলি দোকান



পুরাতন রাজপ্রাসাদ

বসিয়াছে; আমরা বিশেষ আগ্রহের সহিত দুইটি প্রধান দোকান দেখিলাম; একটি কাচের দোকান, আর একটি

চামড়ার দোকান। এই দোকানগুলি পূর্বতন প্রাসাদের নিম্নতলে অবস্থিত; ইহার দ্বিতলের কতকটা এখনও রাজপ্রাসাদ রূপে ব্যবহৃত হয়, অবশিষ্টভাগে সরকারী আফিস-আদালত স্থাপিত হইয়াছে। অতঃপর আমরা সল্ভিয়াটি জেন্সরামের লেস বা চিকণের কারখানা দেখিতে গেলাম। ভিনিসের লেস নিৰ্ম্মাণের কারখানাগুলি দেখিবার উপযুক্ত।

শত শত জীলোক এই কারখানায়

মত বটে। আমরা অনেকক্ষণ দাঁড়াইয়া দাঁড়াইয়া এই কারখানার কাজ দেখিলাম। এই সকল কারখানার যে সুখ লেসই নির্মিত হয়, তাহা নহে; এখানে পর্দা, কার্পেট প্রভৃতিও নির্মিত হইয়া থাকে। খাল হইতে রাজপ্রাসাদ দেখিতে অতি সুন্দর; কিন্তু এই প্রাসাদের বাহ্যসৌন্দর্যই যে মনোরম, তাহা নহে—ইহার অভ্যন্তরভাগও অতি সুদৃশ্য। প্রাসাদের মধ্যে আমরা অনেক অত্যুৎকৃষ্ট শিল্পকার্য্য, অনেক ভাস্কর্য্য ও চিত্র দেখিয়াছিলাম। প্রাসাদের মধ্যে অনেকগুলি ঐতিহাসিক স্থানও দেখিলাম, যথা—যে স্থানে ‘দশজনের সমিতি’ (Council of Ten), ‘তিন জনের সমিতি’ (Council of Three) ইত্যাদি সমবেত হইত। আরও একটা কোতুলজনক বাপার দেখিলাম;—প্রাসাদের অনেক স্থানে দেওয়ালের মধ্যে বাক্সের মত স্থান রহিয়াছে;—আমাদের দেশে রাজপথপার্শ্বে বাড়ীর দেওয়ালে যেমন ডাকের বাক্স থাকে, এগুলিও ঠিক সেই রকমের! যাহারা বিনামী দরখাস্ত দিতে চাহিত, তাহারা লোকের অজ্ঞাতসারে এই সকল বাক্সে তাহাদের চিঠিপত্র ও দরখাস্ত দিয়া যাইত; তাহার পর, রাজপুঙ্খেরা সেই সকল দরখাস্ত লইয়া তাহাদের সত্যমিথ্যা অনুসন্ধান ও ব্যবস্থা করিতেন!—এই রাজপ্রাসাদ দেখিলে, সেকেলে ভিনিস সম্বন্ধে অনেক তথ্য অবগত হইতে পারা যায়। এই প্রাসাদ যাহারা দেখিতে যাইবেন, তাঁহারা যেন এখানকার সেকেলে কারা-কক্ষগুলি দেখিয়া আসেন। দীর্ঘনিঃশ্বাসের সেতুর (Bridge of Sighs) পার্শ্ব এই কক্ষগুলি দেখিবার সময়, আমাদের পথপ্রদর্শক একটি কক্ষ দেখাইলেন, এই কক্ষে মেরীনো ফ্যালীরোর (Marieno Faliero) মস্তক দেহচ্যুত করা হইয়াছিল। আর একটি কারাকক্ষ দেখিলাম;—পথপ্রদর্শক বলিলেন যে, ভিনিসের কারাকক্ষগুলি কেমন, তাহাই পরীক্ষা করিবার জন্ত ইংলণ্ডের কবিবর বায়র্ন্স ঐ কক্ষে একবার ২৪ ঘণ্টা আবদ্ধ ছিলেন। রাজনৈতিক অপরাধীদের জন্তই এই সকল কারাকক্ষ ব্যবহৃত হইত। দীর্ঘনিঃশ্বাসের সেতু পার হইয়া অপর পারে যে সকল কারাকক্ষ আছে, সেগুলি এখন দেওয়ানী কয়েদীদের জন্ত ব্যবহৃত হইয়া থাকে। এই কারাগারগুলি দেখিয়া বুঝিতে পারিলাম, কেন সেতুর নাম ‘দীর্ঘনিঃশ্বাসের সেতু’ হইয়াছে। পূর্বে যখন এই সেতুর উপর দিয়া বন্দীদেরকে নির্জনে কারাগারে লইয়া যাওয়া হইত, তখন তাহারা বুঝিতে পারিত যে, তাহারা আর জীবিত কালে বহুদিন বাহির হইতে পাইবে না, আর পৃথিবীর মুখ দেখিতে পাইবে না, আর লোকালয়ে আসিতে পারিবে না! তাই, তাহারা এই সেতুর উপর দাঁড়াইয়া, জন্মের মত ধরণীর শোভা-সৌন্দর্য্য দেখিয়া লইত, এবং তাহার পর দীর্ঘনিঃশ্বাস ত্যাগ করিয়া কারাগারে চলিয়া যাইত। সেই জন্তই, হয় ত, এই সেতুর উক্তবিধ নামকরণ হইয়াছে।—প্রাতঃকালের মত সহর দেখা শেষ করিয়া, আমরা হোটলে আসিলাম।

অপরাহ্নকালে আমরা একখানি মোটর-লঞ্চে জলপথে ভ্রমণে বাহির হইলাম। এবার আমরা এড্রিয়াটিক সাগরের একটি শাখা, রিভা ডেগ্‌লি শিয়াভোনি (Riva degli Schiavoni), দিয়া ভিনিস হইতে দুই মাইল দূরবর্তী মুরাণো দ্বীপ দেখিতে গেলাম। এই দ্বীপের সৌন্দর্য্য দেখিবার জন্তই যে আমরা সেখানে গিয়াছিলাম,—ঠিক তাহাই নহে; এখানকার কাচের কারখানা একটা প্রধান দ্রষ্টব্য। কেমন করিয়া কাচ প্রস্তুত হয়, কেমন করিয়া তাহা হইতে সুন্দর সুন্দর দ্রব্য, পাত্র প্রভৃতি প্রস্তুত হইয়া থাকে,—তাহাই দেখিবার জন্য আমরা এখানে গিয়াছিলাম। ভিনিসে অনেকগুলি কাচের কারখানা আছে; কিন্তু এই দ্বীপে যেটি আছে, সেইটাই সর্বাধিক বড়। এখানে যাহারা কাজ করিতেছে, তাহারা অতি সামান্য বেতন পাইয়া থাকে; কিন্তু এই সামান্য পারিশ্রমিকেই সন্তুষ্ট হইয়া তাহারা এখানে কাজ করিয়া থাকে। এখানে একটা গির্জা ও বাহুশরও আছে। এই সকল স্থান যাহারা দেখিতে গিয়াছে, তাহারা সকলেই একখানি পরিদর্শন-পুস্তকে স্ব স্ব নামধাম লিখিয়া রাখিয়া

আমার যুরোপ ভ্রমণ

আসিয়াছে ! ভিনিসের অনেক প্রধান প্রধান দ্রষ্টব্য-স্থানেই এই প্রকার পরিদর্শন-পুস্তক দেখিয়াছি। এই সকল পুস্তকের পাতা উল্টাইলে অনেক খ্যাতনামা ব্যক্তির স্বাক্ষর দেখিতে পাওয়া যায় ;—দেখিতে পাওয়া যায় যে, শুধু যুরোপের নহে, পৃথিবীর প্রত্যেক সভ্যদেশের লোকেরাই এই সকল স্থান দেখিতে আসিয়াছিলেন।




এই স্থান হইতে আমরা লীডো দ্বীপ (Isle of Lido) দেখিতে গিয়াছিলাম। এখানে আমরা ঘোড়া দেখিতে পাইলাম ; এখানে অশ্ববাহিত ট্রাম আছে। এই দ্বীপটি ভিনিসবাসীদের স্থানের স্থান। এখানে স্নানের নানা আয়োজন ও নানা সরঞ্জাম দেখিলাম। গ্রীষ্মকালে এখানে একেবারে লোকারণ্য হইয়া পড়ে। এই লীডো দ্বীপ ভিনিস হইতে দেড় মাইল দূরে। সেখানে হইতে ফিরবার সময়, আমরা স্যালা ডেল্ ম্যাগিয়োর ভজনালয় দেখিয়া আসিয়াছিলাম। তৎপরে আমরা হোটলে ফিরিয়া আসিয়া, রাত্রি আটটার পর আহালাদি শেষ করিয়া, পুনরায় গণ্ডোলার চড়িয়া নৈশভ্রমণে বাহির হইলাম। এবার আমরা গান শুনিবার জন্ত বাহির হইয়াছিলাম। ভিনিসে আসিলাম, অথচ গান শুনিলাম না,—তাহাও কি হয় ? তাই আমরা গান শুনিবার জন্য শান্তি গিয়োভানি ই পেওলো নামক ভজনালয়ের নিকট উপস্থিত হইলাম। সেখানে যাইয়া দেখিলাম, অনেকগুলি নৌকা সেখানে

রাজপ্রাসাদের অভ্যন্তরভাগ।

একত্র রহিয়াছে ; সকল নৌকাতেই আলোক জ্বলিতেছে, নৌকাগুলিও সজ্জিত করা হইয়াছে ; নৌকার উপর চিনে লঠনে অনেক বাতি জ্বালাইয়া দেওয়া হইয়াছে। রাত্রিকালে খালের মধ্যে এই আলোকোজ্জ্বল নৌকাগুলি বেশ সুন্দর দেখাইতেছিল। মধ্যে মধ্যে এড্রিয়াটিক সাগরের বন্দরে অবস্থিত জাহাজগুলির প্রচণ্ড আলোক-রশ্মি (Search light) এই স্থানের উপর পতিত হইয়া সহসা অন্তর্হিত হইতেছিল। এই আলোকের সাহায্যে প্রাসাদগুলি ক্ষণেকের জন্ত উদ্ভাসিত হইয়া উঠিতেছিল, এবং আরব্য-উপস্তাসের আলাদিনের রাজপ্রাসাদের স্থিতি জাগাইয়া তুলিতেছিল। অনেকগুলি নৌকার গান চলিতেছিল ! একখানি নৌকার একটি বালিকা অতি সুন্দর গান গায়িতেছিল। আমরা অনেকক্ষণ তাহার গান শুনিলাম। কিছুক্ষণ পরেই সকল নৌকারই গান থামিয়া গেল, নৌকাগুলিও সে স্থান ত্যাগ করিয়া যাহার যেদিকে ঘর, সেইদিকে চলিয়া গেল ; চাঁদের হাট ভাঙিল।—আমরাও হোটলে ফিরিয়া আসিয়া বিশ্রামের আয়োজন করিলাম।

পরিদর্শন প্রাতঃকালে একখানি গণ্ডোলো লইয়া আমরা (Royal Academy of Fine Arts) রাজকীয় প্রধান শিল্পাগার দেখিতে গেলাম। সেখানে অনেকগুলি উৎকৃষ্ট চিত্র দেখিলাম ; তাহাদের বিশেষ বিবরণ দিতে গেলে প্রকাণ্ড একখানি পুঁথি হইয়া পড়ে। এখান হইতে আমরা পুনরায় সেন্টমার্কে'র ভজনালয়ের দিকে গেলাম। পূর্ব দিন যদিও এই ভজনালয় দেখিয়াছিলাম, কিন্তু সে উপর উপর। তাই আমরা আজ

আবার সেই ভজনালয় দেখিতে গেলাম ; এবং অনেকক্ষণ পর্যন্ত নানা স্থানে ঘুরিয়া, সে বেলার মত ভ্রমণ শেষ করিলাম ।



শ্রালা ডেল্‌ ম্যাগিয়োর ।

অপরাত্নে আমরা রিয়াল্টো সেতু (Rialto Bridge) দেখিতে গেলাম । রিয়াল্টো নামটা শুনিয়াই আমাদের মহাকবি সেক্সপীয়রের ‘মার্চেন্ট্‌ অব্‌ ভেনিসে’র কথা মনে হইল। কবির এই সেতুটিকেই তাঁহার নাটকের পাত্রপাত্রীদিগের অনেকের মিলনস্থান করিয়াছিলেন । কিন্তু পরে অল্পসন্ধান করিয়া জানিলাম যে, এই সেতুই মিলনস্থান নহে ; সেতুর নিকটবর্তী একটি স্থান আছে, সেক্সপীয়র সেই স্থানেরই উল্লেখ করিয়াছেন । সেই স্থানে এখন একটা বাজার বসিয়া থাকে । এখান হইতে বড় খাল দিয়া বাইবার সময় আমাদের পথপ্রদর্শক অস্ত্রাগারের পার্শ্বে একটা বাড়ী দেখাইলেন ; সেই বাড়ীতে ‘ওথেলো’র ‘ক্যাশিও’ বাস করিতেন । এই খালের পার্শ্বে অনেকগুলি অট্টালিকা দেখিলাম ; শুনিলাম, সেগুলি পূর্বে রাজপ্রাসাদ ছিল—এখন সেগুলি অস্বল্পে পড়িয়া আছে ; কোন কোন প্রাসাদে এখন দোকান বসিয়াছে । এইবার আমরা সেন্ট্‌ নাজেরাস্‌ দ্বীপের উপর অবস্থিত আরমানী গির্জা দেখিতে গেলাম । এই দ্বীপটি আরমানীদিগের অধিকারভুক্ত, অথচ আশ্চর্যের বিষয় এই যে, ইহা ইটালিয়ান্‌ রাজ্যের অন্তর্গত । এখানকার আরমানী গির্জার অবস্থা খুব ভাল । এখানে একটা প্রকাণ্ড পুস্তকালয় আছে ; আমরা সেই পুস্তকালয়ে বহুসংখ্যক হস্তলিখিত পুঁথি দেখিলাম । এই পুস্তকালয়ে একখানি টেবিল দেখিলাম ; আমাদের গাইড




শান্তি গিয়োভ্যানি ই পেওলো ।

আমার যুরোপ ভ্রমণ

মহাশয় বলিলেন যে, লর্ড বায়রণ যখন এখানে আসিয়া আরমাণী ভাষা শিক্ষা করিতেন, তখন তিনি এই টেবিল খানির সম্মুখে বসিতেন। এই গির্জার পাদরী মহাশয়েরা এখানে একটি মুদ্রায়ন্ত্র স্থাপিত করিয়াছেন; সেই মুদ্রায়ন্ত্রে ধর্মপুস্তকাদি ছাপা হইয়া থাকে। এই গির্জার প্রধান পাদরী মহাশয়ের সহিত আমাদের সাক্ষাৎ হইল। তিনি আমাকে একখানি আরমাণী বাইবেল দিলেন; খুলিয়া দেখিলাম তাহাতে ১৬টি বিভিন্ন ভাষায় অনুবাদ রহিয়াছে। এই গির্জার সংস্কেট একটা মানমন্দিরও আছে; দেখিলাম সেখানে মানমন্দিরের জন্ত ব্যবহারোপযোগী অনেক যন্ত্র রহিয়াছে। তৈমুর লঙ্গের পূর্বপুরুষ মহাবীর জেঙ্গিস খানের একখানি চেন্নার এখানে রক্ষিত হইয়াছে! ভারত-লুপ্তিত দ্রব্যরাশির মধ্য হইতে এই চেন্নারখানি যে কেমন করিয়া সাতসমুদ্র তেরনদী পার হইয়া এখানে, এই ভজনালয়ে, আসিয়া উপস্থিত হইয়াছে, তাহা ত বুঝিতে পারিলাম না! শুনিলাম এখানকার পুস্তকালয়ে বসিয়াই কবিবর লর্ড বায়রণ তাঁহার জগদ্বিখ্যাত কাব্য চাইল্ড

অন্ডাগার।

হারল্ডের (Childe Harold) চতুর্থ সর্গ লিখিয়াছিলেন। এই পুস্তকালয় দেখিতে এযাবৎ যাঁহারা আসিয়াছেন, তাঁহারা ই পরিদর্শন-পুস্তকে নিজ নিজ নাম স্বাক্ষর করিয়া গিয়াছেন। আমি সেই পুস্তকের পাতাগুলি উল্টাইয়া



রিয়ালটো সেতু।

এ সকল দেশে চলা যায় না; নানা অহবিধায় পড়িতে হয়। সুতরাং ভিনিসের আরও অনেক দৃশ্য দেখিবার থাকিলেও, আমরা আর এখানে থাকিতে পারিলাম না। পরদিন প্রাতঃকালেই আমরা ভিনিস ত্যাগ করিয়া মিলান যাত্রা করিলাম।

দেখিলাম; সম্রাট তৃতীয় নেপোলিয়ন্, রাজা ইউজিনি, আমাদের রাজা ও রাণী ও গ্লাডষ্টোনের নাম স্বাক্ষর রহিয়াছে; আরও অনেক বিখ্যাত লোকের হস্তাক্ষর দেখিলাম।

ছুইদিন ভিনিসে থাকিব বলিয়া আসিয়াছিলাম; দেখিতে দেখিতে ছুইদিন কাটিয়া গেল।—পরদিনই আবার এ স্থান ত্যাগ করিতে হইবে। পূর্ব হইতে বন্দোবস্ত ঠিক করিয়া না রাখিলে,

সপ্তম অধ্যায়

মিলান

ভিনিস ত্যাগ করিয়া ১৭ই মে তারিখে আমরা মিলানে পৌঁছি। মিলান লম্বাডি প্রদেশের প্রধান নগর, রাজধানী। এই সহরটি কিন্তু দেখিতে যেন একটা একালের নূতন সহর; ইটালীর অন্ত কোন সহরের সহিত ইহার বিশেষ কোন সাদৃশ্য নাই।

ভিনিস হইতে মিলানের পথে এক স্থানে রেলওয়ে গার্ডের সঙ্গে আমাদের একটু বচসার কারণ ঘটয়াছিল। সে আমাদের গাড়ী রিজার্ভ জানিয়াও ক্ষান্ত না হইয়া তাহার একটু বন্ধুকে আমাদের গাড়ীতে প্রবেশ করাইবার চেষ্টা পাইয়াছিল; কিন্তু সে কৃতকার্য হইতে পারে নাই।

আমরা যখন মিলানে পৌঁছিলাম, তখন আকাশ মেঘাচ্ছন্ন; এবং তাহার পর মিলানে যে সামান্য সময় ছিলাম, সে সময়ের মধ্যে বৃষ্টির জন্ত আমাদের ভ্রমণেরও ব্যাঘাত হইয়াছিল।

মিলান উত্তর ইটালীর একটি সর্বপ্রধান বাণিজ্যস্থান। এখানকার অধিবাসীর সংখ্যাও কম নহে, প্রায় পাঁচ লক্ষের উপর। এই রাজধানীর বহু পূর্বে রোমান নাম ছিল মিডিওলেনাম (Mediolanum); তাহা হইতে ইটালিয়ান নাম হইয়াছে;—মিলানো (Milano); তাহার পর ওকারটাকে ফেলিয়া দিয়া, সোজা নাম হইয়াছে, মিলান। আমার কিন্তু মনে হয়, সেই পূর্ব রোমান নামটা রাখিলেই ভাল হইত; তাহাতে এই সহরের যেন একটা গাভীরা বৃদ্ধি হইত; আর মিডিওলেনাম নামটা শুনিতেই বা এমন মন্দ কি?

আমাদের যে হোটেলে থাকিবার ব্যবস্থা হইয়াছিল, তাহা সহরের কেন্দ্রস্থলে অবস্থিত; সুতরাং ট্রেন হইতে বাহির হইয়া অনেকগুলি বড় বড় রাস্তা ও ভজনালয় পার হইয়া আমরা হোটেলে উপস্থিত হইলাম। আমরা অপরাহ্নকালে মিলানে পৌঁছিলাম। সেই জন্ত হোটেলে গিয়া জিনিস পত্র রাখিয়া অল্প একটু বিশ্রাম করিয়াই ভ্রমণে বাহির হইলাম।


আমরা প্রথমেই প্রদর্শনী দেখিতে গেলাম। আমাদের মিলানে পৌঁছিবার ১৬ দিন পূর্বে ইটালীর রাজা এই প্রদর্শনী প্রথম খুলিয়াছেন; সুতরাং এখনও এই প্রদর্শনীর দ্রব্যজাত অপসারিত হয় নাই। আমরা প্রথমে মনে করিয়াছিলাম যে, প্রদর্শনীটা আর কত বড়ই হইবে; এই অপরাহ্নেই দেখা শেষ করিয়া ফেলিব। কিন্তু প্রদর্শনীক্ষেত্রে উপস্থিত হইয়া দেখিলাম, যাহা ভাবিধাছিলাম, তাহা নহে। এই প্রদর্শনীক্ষেত্রে অনেকখানি স্থান জুড়িয়া রহিয়াছে; অনেক দেশের অনেক দ্রব্য এখানে প্রদর্শনার্থ উপস্থিত করা হইয়াছে; সুতরাং সামান্য দুই এক ঘণ্টায়, ইহা দেখা শেষ করা যাইবে না, এবং শেষ করা কর্তব্যও নহে। তাই আমরা প্রদর্শনীর তালিকাপুস্তক দেখিয়া, সে দিনের মত কয়েকটা বিভাগ দেখিবার ব্যবস্থা করিলাম।

মিলান সহরে আমাদের দুইদিন থাকিবার ব্যবস্থা করিয়াছিলাম। এই দুই দিনের মধ্যেই যতদূর দেখিতে পারা যায়, দেখিয়া লইতে হইবে। তাই, পর দিন প্রাতঃকালে উঠিয়াই আমরা ডুমো (Dumo) নামক ভজনালয়

আমার যুরোপ ভ্রমণ

দেখিতে গেলাম। এই ভজনালয়ের বাহিরের শোভা অতি সুন্দর—ভজনালয়টি ঠিক যেন একখানি ছবি। নানা কারুকার্যে শোভিত,—মার্বেল পাথরে নির্মিত,—এই মন্দিরটি একটি প্রধান দর্শনীয়। কিন্তু এই মন্দিরের সম্মুখ-ভাগের প্রবেশ-বারান্দাটি একেলে ধরণে নির্মিত বলিয়া মূল মন্দিরের শোভা ও সৌন্দর্যের সহিত তাহা মিশ খাইতেছে না, একটু যেন অশোভন দেখাইতেছিল। শুনিলাম, মিলানবাসী সম্ভ্রান্ত ও ধনী ব্যক্তিগণ মন্দিরের এই ক্রটা দূর করিবার জন্য চেষ্টা করিতেছেন। তাঁহারা সে ভাড়া চাঁদা সংগ্রহ করিতেছেন এবং সম্বরই ঐ ভাগটা ভাঙ্গিয়া ফেলিয়া মূল মন্দির যে আদর্শে গঠিত, সেই আদর্শ অনুসারে এই ভাগটিও নির্মিত করিবেন। তাহা হইলে মন্দিরটি সর্বোৎকৃষ্ট হইবে। এই মন্দিরের মধ্যে সেন্ট বারথলোমিউর (St. Bartholomew) একটি প্রতিমূর্তি দেখিলাম। এই মহাপুরুষের শরীরের স্বকৃষ্ণাভাষা লইয়া ইহাকে মৃত্যুকবলে প্রেরণ করা হয়, এ কথা সকলেই জানেন। স্বকৃষ্ণবীণ দেহের মূর্তিই এই মন্দিরে রহিয়াছে। যে ভাস্কর এই প্রস্তরমূর্তি নির্মাণ করিয়াছিলেন, তাঁহার ক্ষমতা অসাধারণ। আমি শরীর-বিভাগ্য পারদর্শী নহি; তবুও যে টুকু জানি, দেখিলাম যে, দেহের অস্থি মজ্জা শিরা উপশিরা প্রভৃতি একেবারে নিখুঁতভাবে গঠিত হইয়াছে। যে সমস্ত চিকিৎসক এই বিভাগ্য পারদর্শী, তাঁহারা এই মূর্তি দেখিয়া আশ্চর্য্য বোধ করিয়াছেন এবং ভাস্করের প্রশংসা তাঁহাদের মুখে ধরে নাই। আমার মনে হয়, এই মূর্তিটি এখানে না রাখিয়া কোন মেডিকেল কলেজে রাখিয়া দিলে, শিক্ষার্থীদের যথেষ্ট উপকার হয়। এই মন্দিরের মধ্যে ভূগর্ভে একটি সমাধি দেখিলাম। এটি সান কার্লো বরোমিয়ার (San Carlo Borromeo) সমাধি। তাঁহার দেহটিকে এখানে আরকের সাহায্যে রক্ষা করা হইয়াছে। আমরা রোপানির্মিত শবাধারের নিকট উপস্থিত হইলে, একজন ধর্মযাজক একটা কল টিপিয়া দিলেন এবং শবাধার উন্মুক্ত হইল। আমরা তাহার মধ্যে দেহটি দেখিতে পাইলাম; দেহটি ঠিক যেমন, তেমনই রহিয়াছে, একটুও বিকৃত হয় নাই।

তাঁহার পর আর দুই একটি ভজনালয় দেখিয়া, আমরা সান এমব্রোজিওর (San Ambrogio) মন্দির দেখিতে গেলাম। এই মন্দিরটি খ্রীষ্টীয় চতুর্থ শতাব্দীতে নির্মিত; সুতরাং ইহাকে অতি পুরাতন মন্দির শ্রেণীর



ইমব্রোজেল কাস্কেড

মধ্যেই গণ্য করিতে হইবে। তাঁহার পরেই আমরা জাতীয় চিত্রশালা (National Gallery) দেখিতে গেলাম। এখানে অসংখ্য উৎকৃষ্ট চিত্র সংগৃহীত রহিয়াছে। এখানে সেই বিশ্ববিখ্যাত রানেলের খ্যাতনামা চিত্র “কুমারীর বিবাহ” (Marriage of the Virgin) দেখিলাম। মন্দির-প্রাঙ্গণে প্রথম নেপোলিয়নের প্রস্তর-মূর্তি দেখিলাম। এখান হইতে বাহির হইয়া আমরা কাষ্টেলো ফরজেসকো (Castello Sforzesco) দেখিতে গেলাম। এখানেও অনেক চিত্র সংরক্ষিত হইয়াছে; এটি ষাট্‌ঘর। ইহার ভিন্ন ভিন্ন প্রকোষ্ঠে ভূতত্ত্ব, প্রাণিতত্ত্ব প্রভৃতি সম্বন্ধে অনেক উপকরণ সংগৃহীত রহিয়াছে! আমার সঙ্গী—ডাক্তারবাবু এই প্রকাণ্ড মিউজিয়ামের গোলকধাঁধার মধ্যে পথ হারাইয়া গিয়াছিলেন।—

আমরা আর তাঁহাকে খুঁজিয়া পাই না। বাহিরে আসিয়া তাঁহার অপেক্ষায় অনেকক্ষণ দাঁড়াইয়া রহিলাম; শেষে তিনি বাহির হইয়া আসিলেন। তিনি ইটালীর দুই চারিটি কথা শিখিয়া ফেলিয়াছিলেন, তাঁহার মুখে শুনিলাম যে, পথ হারাইয়া তিনি বড়ই বিপদে পড়িয়াছিলেন। তাঁহার পর যে গ্রহরীর সহিত সাক্ষাৎ হয় তাহাকেই বলেন—

“uscita” “উসিটা”; তাহারা এই অপক্লপ মানুষটির অপক্লপ প্রত্ন শুনিয়া যথেষ্ট আমোদ উপভোগ করিয়াছিল এবং শেষে অনেক কষ্টে, অনেক ইশারা ইঙ্গিতের পর তিনি বহিরাগমনের দ্বার পাইয়াছিলেন।

মিলানে পুরাতন আমলের ভগ্নাবশেষ বিশেষ কিছুই নাই; থাকিবার মধ্যে সেকালের একটা মন্দিরের ভগ্নাবশেষ শুধু পীকৃত হইয়া আছে; তাহার নাম কলোনেড্‌স্ অব্ সান লোরেনজো (Colonnades of San Lorenzo) ইহা রোমান মিনার্ভার মন্দির। প্রাচীনকালে এই পর্য্যন্ত দেখিরাই, আমরা হোটলে ফিরিয়া আসিলাম।

অপরাহ্নকালে ভ্রমণে বাহির হইয়া প্রথমেই আমরা মিলানের বিখ্যাত সমাধিস্থান দেখিতে গেলাম। ইটালীর মধ্যে মিলানের এই সমাধিভূমি দ্বিতীয় স্থানীয়; এই সমাধিস্থানের উৎকৃষ্ট ভাস্করকীর্তি ও সমাধি-মন্দির-গুলির সৌন্দর্য্য দর্শনের জন্ত বহু স্থান হইতে দর্শকগণ এখানে সমবেত হইয়া থাকেন। সমাধিস্থানের কথা মনে হইলে হৃদয়ে যে গম্ভীর ও পবিত্র ভাবের উদয় হওয়া স্বাভাবিক, আমি তাহাই ভাবিয়া এখানে আসিয়াছিলাম। কিন্তু এখানে আসিয়া যাহা দেখিলাম, তাহাতে আমি ব্যথিত হইলাম। ইহা ত সমাধিস্থান নহে, এ যেন একটা সৌন্দর্য্যের হাট; এখানে যেন লোকে তাহাদের ধনগরিমা প্রদর্শন করিবার জন্তই মন্দিরাদি নির্মিত করিয়াছে; ইহার মধ্যে শোকের চিহ্ন ত কিছুই দেখিতে পাইলাম না—দেখিলাম শুধু, ঐশ্বর্য্যের গর্ভ; দেখিলাম শুধু, ভাস্করের নৈপুণ্য; দেখিলাম শুধু, মন্দিরের পারিপাট্য। যেখানে আসিলে প্রাণে শান্তি অহুভূত হইবে; যেখানে আসিলে মানবের নশ্বরতা মনে করিয়া হৃদয় অবনত হইবে; যেখানে আসিলে মৃতব্যক্তিগণের কথা স্মরণ করিয়া দীর্ঘনিঃশ্বাস ফেলিতে হইবে, নীরবে দুইবিন্দু অশ্রুমোচন করিতে হইবে; সেখানে এ সকল কি? এই অস্তিম শয্যার পার্শ্বে ধনগরিমা, বংশমর্যাদা—আড়াআড়ির ভাব দেদীপ্যমান দেখিলাম। অবশ্য এ কথা অস্বীকার করি না যে, পিতা মাতা পুত্র কন্যা স্ত্রী ভগিনী আত্মীয় স্বজনদের দেহাবশেষের উপর মন্দির নির্মাণ করা ইয়া দিতে সকলেরই ইচ্ছা করে এবং যাহার অবস্থায় কুলায়, সে ভাল করিয়া মন্দিরও নির্মাণ করা ইয়া দিবার জন্ত ইচ্ছা করিতে পারে। কিন্তু এখানে যেন তাহা দেখিলাম না। এখানে দেখিলাম, প্রতিযোগিতা যেন মুষ্টিমতী হইয়া বিরাজ করিতেছে। শোকের লেশমাত্রও এখানে নাই; আছে শুধু, ‘উহার নির্মিত মন্দির হইতে—আমার নির্মিত মন্দির লোকের দৃষ্টি আকর্ষণ করুক’, তাহারই চেষ্টা; তাহারই জন্ত আগ্রহ, তাহারই জন্ত অকাতরে অর্থব্যয়! অনেক মন্দিরের উপর নানা ভাবের প্রস্তর-মুষ্টি দেখিলাম। কোথাও দেখিলাম, স্বামীর সমাধির পার্শ্বে স্ত্রীর প্রস্তর-মুষ্টি রহিয়াছে। স্ত্রী বদনে অঞ্চল দিয়া ক্রন্দন করিতেছেন। কোথাও দেখিলাম, পিতার সমাধির পার্শ্বে শিশুপুত্র মলিনবদনে দাঁড়াইয়া আছে। কোথাও দেখিলাম, পুত্রের সমাধির নিকটে নতজাহ্নু হইয়া পিতা বা মাতা ক্রন্দন করিতেছেন। ছবিগুলি সুন্দর; কিন্তু দেখিয়া ত আমার মনে পবিত্র ভাবের উদয় হইল না। মনে হইল, শোকভারাবসন্ন মাতাপিতা ভাই ভগিনী স্ত্রী পুত্র কেমন করিয়া, দিনের পর দিন ভাস্করের সম্মুখে বসিয়া এই সকল মুষ্টি নির্মাণের সহায়তা করিল? ইহার মধ্যে ত শোকের চিহ্ন দেখিলাম না; দেখিলাম, আত্ম-প্রচারের বাসনা। আরও এক কথা; মনে করুন, একটা সমাধিতে দেখিলাম, একটি যুবক সমাধিস্থ হইয়াছেন; তাহার পার্শ্বেই তাঁহার যুবতী পত্নী—শোকভারে কাতর হইয়া স্বামীর সমাধির উপর পুষ্পরাশি সাজাইতেছেন। তাহার পর—হয়ত কিছুদিন পরেই—সেই যুবতী অল্প একজনের সহিত বিবাহ-সূত্রে আবদ্ধ হইলেন এবং তাহার পর তাঁহার পূর্ব-স্বামীর সমাধি-মন্দির দেখিতে আসিলেন। এখন ভাবিয়া দেখুন দেখি, এ চিত্র কেমন বোধ হয়। ইহাকে অভিনয় না বলিয়া আর কি

আমার যুরোপ ভ্রমণ

বলিব ? মিলানের এই সমাধিস্থান দেখিয়া আমার মনে ত এই ভাবেরই সঞ্চার হইয়াছিল। তাহার পর আর এক কথা। এখানে প্রতিদিনই যেন হাট বসিয়া থাকে। লোকে এখানে শোক করিতে আসে না, ছবি দেখিতে আসে ; এটা যেন একটা ভাস্কর্য্য-প্রদর্শনী। নানা দেশ হইতে ভাস্করগণ এখানে আসিয়া প্রস্তরমূর্ত্তি দর্শন করে ;—কোনটা ভাল কোনটা মন্দ, তাহার সমালোচনা করে, সৌন্দর্য্য ও ক্রটীর বিচার করে। কিন্তু মন্দিরের অভ্যন্তরে বাহারা চিরনিদ্রায় অভিভূত হইয়া রহিয়াছেন, তাঁহাদের কথা কি কেহ একবারও চিন্তা করিয়া দেখিবার অবকাশ গ্রহণ করিয়া থাকে ! এ সৌন্দর্য্যের হাটে, এ শোভার ক্ষেত্রে সমাধির গাভীরা মোটেই দেখিলাম না। আমি সত্য সত্যই নিরাশ হৃদয়ে এই সমাধিস্থান ত্যাগ করিয়াছিলাম ; অধিকক্ষণ এখানে থাকিতে ইচ্ছা হইল না। সেদিন আর কোথাও যাইতে ইচ্ছাই হইল না ; আমরা হোটেল ফিরিয়া আসিলাম।

পরদিন প্রাতঃকালে সাতটার সময় আমরা কোমো সহরের সুন্দর হ্রদ এবং নিকটবর্ত্তী স্থানসমূহ দেখিবার জন্ত যাত্রা করিলাম। রাস্তা বড় কম নহে,—প্রায় দুইশত মাইল পথ, সেদিন আমাদের গমন করিতে হইয়াছিল। আমরা একখানি দ্রুতগামী মোটর লইয়া বাহির হইয়াছিলাম। এখানে আসিয়া যে দুই দিন ছিলাম, তাহার মধ্যে বৃষ্টি কোন দিনই ছাড়ে নাই। আমরা বৃষ্টির মধ্যেই বাহির হইলাম। প্রথমে আমরা কোমোতে গেলাম। সেখান হইতে ভারেসি হইয়া লাভেনোতে গেলাম ; লাভেনোতে ঘণ্টাখানেক বিশ্রাম করিয়া, মোটর লইয়াই একখানি ষ্টীমারে উঠিলাম। এই ষ্টীমার হ্রদের মধ্যে নানাস্থানে ঘুরিয়া বেড়াইতে লাগিল। শেষে আমাদের ইন্ট্রা (Intra) নামক ক্ষুদ্র একটি স্থানে নামাইয়া দিল। সেখানকার অধিবাসিগণ—বানরের ছায় ভাব ভঙ্গিয়ার ত আমাদের অভ্যর্থনা করিল ! এখান হইতে মোটরে চড়িয়া, আমরা হ্রদের তীর দিয়া অনেক দূর ভ্রমণ করিলাম। তাহার পর পালাজ্যা, বাভেগো, ট্রেসা, আরোণা প্রভৃতি স্থান দেখিয়া নোভারার পথে মিলানে ফিরিয়া আসিলাম। এই সকল স্থানে কি কি দেখিলাম, তাহার অতি সংক্ষিপ্ত পরিচয় দিতেছি। কোমোতে একটা খুব বড় রেশমের কারখানা আছে শুনিলাম, কিন্তু যাওয়া ঘটিল না ;—আর সেখান হইতে হ্রদের উপর পারে দূরবর্ত্তী আল্পস্ পর্ব্বতের তুষারময় শৃঙ্গ দেখিয়া মুগ্ধ হইলাম। বাভেনোতে দেখিলাম, সুন্দর মন্দির-প্রস্তরের শৈল। এই শৈল হইতে মন্দির-প্রস্তর সংগ্রহ করিয়া ইতালীর অনেক সহরের অট্টালিকার শোভাবর্দ্ধন করা হইয়া থাকে। ট্রেসা সহরটি খুব গুলজার স্থান। এখানে নানাস্থান হইতে ভ্রমণকারীরা আসিয়া আড্ডা করিয়া থাকে। হোটেলটিও সেই জন্ত খুব সুন্দর। ট্রেসার সম্মুখে মাজিওরো হ্রদের মধ্যে—বরোমিও আইলন্ড নামক চারিটি স্মৃশোভন দ্বীপ আছে ; আমরা ষ্টীমারযোগে ইহার দুই একটির পার্শ্ব দিয়া গিয়াছিলাম। প্রাতঃকালে সাতটার সময় মিলান হইতে বাহির হইয়াছিলাম, আর রাত্রি সাতটার পর হোটেল ফিরিলাম।

এই মিলানই এবারকার মত আমার ইটালীর শেষ সহর-দর্শন। মিলান হইতে আমি ইটালীর নিকট বিদায়-গ্রহণ করিব। পাঠকগণ, হয় ত এই স্থানে ইটালী সম্বন্ধে আমার মনের ভাব,—বাহাকে ইংরাজীতে Im-pression বলে, তাহাই শূনিবার জন্ত আগ্রহ প্রকাশ করিতে পারেন। আমি অতি অল্প কথায় ইটালী সম্বন্ধে আমার অভিজ্ঞতা লিপিবদ্ধ করিব। ইটালীর যে কয়টি সহরে গিয়াছি, সেই সহরগুলির রাস্তা প্রায়ই পাকা ; কাঁচা রাস্তা অতি কমই দেখিয়াছি। কিন্তু এই সকল পাকা রাস্তার দোষ এই যে, গাড়ীর ঘড় ঘড় শব্দে কাণ যেন খালাপালা হইয়া যায়। তাহার পর দেখিলাম, ইটালীর নগর সহর কেন, সামান্য পল্লীতেও বৈজ্ঞানিক আলো ও ট্রামের ব্যবস্থা আছে। ইটালীর গাড়োয়ানেরা অভদ্র নহে ; তবে নেপলস সহরের গাড়োয়ানেরা ভাড়ার জন্ত ভারি

গোলমাল চাৎকার করিয়া থাকে। ইটালীর নরনারী দেখিতে অতি সুন্দর। আমি ত বলিতে পারি, ইটালীর কোন স্থানেই কুৎসিত পুরুষ বা রমণী দেখিয়াছি বলিয়া আমার মনে হয় না। তাহারা সুস্থ, সবলকায়। ভদ্রলোকেরা বেশ ভাল মানুষ; কিন্তু এখানকার ছোটলোকেরা সত্য সত্যই ছোটলোক; তাহাদের অসাধ্য কার্য্য নাই। চুরী, ডাকাতি, রাহাজানি এখানে খুব বেশী; কারণ আমার মনে হয়, নিম্নশ্রেণীর লোকের মধ্যে আলস্যপরায়ণের সংখ্যা একটু অধিক। এখানকার লোকেরা যেমন বজ্রত্ব করিতে জানে, তেমনিই শত্রুতাও করিতে জানে; তাহারা পরম বজ্রও হইতে পারে, আবার পরম শত্রুও হইতে পারে। ইটালীর লোকের ধর্ম্ম-বিশ্বাস ও আচার-ব্যবহার সম্বন্ধে অনেক কথা আমি পূর্বেই বলিয়াছি; তাহার পুনরুল্লেখ অনাবশ্যক। এখানকার ভূমি খুব উর্ব্বরা। দেশের লোকের অবস্থা খুব উন্নত না হইলেও অনেকেরই স্বচ্ছল অবস্থা। ইটালীর চিত্রবিদ্যা ও ভাস্কর্য্য পৃথিবীবিশ্বে; ইহার তুলনা সভ্যজগতে মিলিবার উপায় নাই;—এ বিষয়ে ইটালী অদ্বিতীয়। ব্যাধি পীড়া এখানেও আছে।—আর সকলে শুনিয়া আশ্চর্য হইবেন যে, ইটালীতেও, আমাদের দেশের মত ম্যালেরিয়ার প্রাদুর্ভাব আছে।

আর একটি কথা বলিয়া প্রস্তাব শেষ করিব। ইটালীতে আছে বীরপূজা। যে বীর গ্যারিবল্ডী ইটালির বর্তমান স্বাধীনতার প্রধান নেতা, তাহার ছবি কি ধনী কি দরিদ্র সকলের ঘরেই দেখিতে পাওয়া যায়। আরও দেবীলাম, ক্রাইষ্টের ছবির বা খুষ্টমাতা মেরির ছবির এখানে যে সমাদর, গ্যারিবল্ডী চিত্রেরও নৈরূপ সমাদর। একেই বলে স্বদেশাত্মরাগ! একেই বলে বীরপূজা!

অষ্টম অধ্যায়

লুজার্ন

২০এ মে প্রাতঃকালে মিলান ত্যাগ করিয়া আমরা লুজার্ন অভিমুখে অগ্রসর হইলাম। একটা পাহাড়ে ধসু নামিয়া রেলের রাস্তা বন্ধ হইয়া গিয়াছিল; সেই জন্ত মিলান হইতে আমাদিগকে একটু ঘোরা-পথে যাইতে হইয়াছিল; স্মরণ্য আমাদের যে সময়ে লুজার্নে পৌছিবার কথা, তাহা উত্তীর্ণ হইয়া গিয়াছিল। সে দিন আমাদের ভূভাগ্যক্রমে আকাশ মেঘাচ্ছন্ন ছিল; মধ্যে মধ্যে বৃষ্টি হইতেছিল; কিন্তু তাহা হইলেও এ দিনের দৃশ্য অতি সুন্দর, পরম রমণীয়, কারণ আজ আমরা আল্পস পর্বতের শোভা এবং চারিদিকের প্রাকৃতিক সৌন্দর্য্য দর্শন করিতেছিলাম। চিয়াসোতে আমরা সীমান্ত পার হইলাম; স্মরণ্য সেখানে আর একবার শুষ্ক-বিভাগের পরীক্ষা-বিভ্রাটে পড়িতে হইল। অগ্রসর হইয়াই আমরা কোমোত্ৰদ দেখিলাম;—তাহার পরেই লুগানো ত্ৰদ। একটু করিয়া বেলা বাড়িতে লাগিল, আকাশও নির্মল হইতে লাগিল। কিছুক্ষণ পরেই আমরা সেন্ট গথার্ড স্তরঙ্গের নিকট উপস্থিত হইলাম।

সিনপ্লন স্তরঙ্গ (Simplon Tunnel) প্রস্তুত শেষ হইবার পূর্বে উপরিউক্ত স্তরঙ্গটিই পৃথিবীর মধ্যে সর্কাপেক্ষা বৃহৎ স্তরঙ্গ বলিয়া অভিহিত হইত। এই স্তরঙ্গটি সাড়ে সাত মাইল লম্বা। যে সকল গাড়ী ঘণ্টায় ত্রিশ মাইল হিসাবে যার, সে সকল গাড়ীও এই স্তরঙ্গ পার হইতে পনের মিনিটের অধিক সময় লাগে। আমাদের গাড়ী যখন স্তরঙ্গ হইতে বাহির হইয়া আসিল, তখন আমরা দেখিলাম, চারিদিক তুষারাচ্ছন্ন; তখনও তুষারপাত হইতেছে;—বিরাম নাই, বিশ্রাম নাই—অবিশ্রান্ত তুষার পড়িতেছে। আমার নিকট সে এক অভিনব দৃশ্য! আমরা যখন স্তরঙ্গে প্রবেশ করিয়াছিলাম, তখন বেশ শীত শীত বোধ হইতেছিল, তবুও স্তরঙ্গের মধ্যে আমাদের গাড়ীর ইঞ্জিনের ধূমের জ্বালায় আমরা গাড়ীর সমস্ত সার্ভিস বন্ধ করিয়া দিয়াছিলাম। স্তরঙ্গ প্রবেশ করিবার একটু পূর্বেই বাদলার জন্ত আমরা অভিযোগ করিতেছিলাম, কারণ আকাশ মেঘে ঢাকিয়া থাকায় আমরা এমন সুন্দর দৃশ্য সকল উপভোগ করিতে পারিতেছিলাম না। কিন্তু এখন আমরা সে সকল কথাই ভুলিয়া গেলাম। আমি পূর্বে কখনও তুষারপাত দেখি নাই; স্মরণ্য এ দৃশ্য যে আমাদের নিকট কেমন মনোমোহন হইয়াছিল, তাহা বর্ণনা করিয়া বুঝাইবার নহে। স্তরঙ্গ হইতে বাহির হইয়াই গাড়ীখানি অল্পক্ষণের জন্ত থামিয়াছিল। তখন আমরা এই তুষারপাত আরও ভাল করিয়া দেখিয়া লইয়াছিলাম।

আমাদের গাড়ী গোসেনেন ছাড়িয়া আমষ্টেগ্ অভিমুখে ছুটিল; তখনও তুষারপাত হইতেছে। আমষ্টেগ্ পৌছিয়া দেখিলাম, তুষারপাত বন্ধ হইয়া গিয়াছে, কিন্তু চারিদিক শুষ্কবর্ণ তুষারে একেবারে আচ্ছন্ন হইয়া রহিয়াছে। তাহার পর আমরা আর্থগোল্ড স্টেশনে পৌছিয়া শুনিলাম যে, আমাদের যে পথে যাইবার কথা, সে পথে যাওয়া বন্ধ হইয়াছে; পথের মধ্যে একটা পাহাড়ের ধসু নামিয়া রেললাইন অগম্য হইয়াছে। ভাল কথা! তখন শুনিলাম, আমাদিগকে অবশ্য এই স্টেশনেই বসিয়া থাকিতে হইবে না, আমাদের গাড়ী ঘোরা-পথে জুগ হইয়া লুজার্নে পৌছিবে। এখানকার আবহাওয়ার গতি দেখিয়া আমরা স্থির করিয়াছিলাম যে, লুজার্নে যে কয়দিন থাকিবার ব্যবস্থা ছিল,

তাহার একদিন কমাইয়া ফেলিব। বাহাই হটক, যখন আমরা লুজার্ণের গ্রাসনাল হোটেলে পৌঁছলাম, তখন চারিদিকে যে সুন্দর দৃশ্য আমাদের দৃষ্টিপথে পতিত হইল, তাহা বড়ই মনোহর। হোটেলের সম্মুখেই হ্রদের মহান দৃশ্য! এই হ্রদের তীরেই সহর। সহরের পশ্চাতে অপর পার্শ্বেই তুবারমণ্ডিত পর্বতশৃঙ্গ সকল অভ্রভেদ করিয়া দণ্ডায়মান রহিয়াছে! তখন আমরা পূর্বের সঙ্কল্প ত্যাগ করিলাম। বড় হটক, বৃষ্টি হটক, আকাশ মেঘাচ্ছন্ন থাকুক, আর রোদ্দই উঠুক, আমরা পূর্বনির্দিষ্ট সময়ের পূর্বে এ সহর ত্যাগ করিয়া যাইতেছি না। যুরোপ অঞ্চলে, আমরা যে কয়টি অতি উৎকৃষ্ট হোটেলে বাস করিয়াছি, তন্মধ্যে এই গ্রাসনাল হোটেল একটি। এখানে আহাঙ্গারাদির সুন্দর ব্যবস্থা এবং হোটেলে বর্তমান ফলের সভ্যতা ও বিলাসিতার সমস্ত উপকরণই বিद्यমান রহিয়াছে। আমার জন্ম এই হোটেলের যে কক্ষটি নির্দিষ্ট হইয়াছিল, তাহার সম্মুখেই হ্রদ। আমি যে কয়দিন এই হোটেলে ছিলাম, তাহার মধ্যে যখন তখনই আমার কক্ষের বাতায়নে বসিয়া এই হ্রদের শোভা, সহরের দৃশ্য, আল্প্‌স্‌ পর্বতের মহান সৌন্দর্য্য দেখিয়া তন্ময় হইয়া বাইতাম এবং অনেকক্ষণ ধরিয়া চিন্তাস্রোতে গা ঢালিয়া দিয়া বসিয়া থাকতাম।

মিলান হইতে লুজার্ণে আসিতে হইলে যে রেলপথে আসিতে হয়, তাহা যে শুধু সেন্ট গার্ড স্ট্রন্ডের জন্তই সুন্দর তাহা নহে, ইহা রেল-স্থাপত্য-বিদ্যার এক মহান কীর্তি। এই পথে আসিতে যে কত স্ট্রন্ড, কত বৃত্তাকার পথ (Loop)—কত চড়াই উৎরাই পার হইতে হয়, তাহা বলিতে পারি না।

পরদিন প্রাতঃকালে শয্যা ত্যাগ করিয়া দেখি, তখনও আকাশ মেঘাচ্ছন্ন; তাই কোন স্থান পরিদর্শনের বাসনা ত্যাগ করিয়া দ্রব্যাদি খরিদ করিবার জন্ত বাহির হইলাম। এখানকার কাঠের কাজ অতি সুন্দর। এ সহরও কাঠনির্মিত দ্রব্যের কারুকাৰ্য্যের জন্য প্রসিদ্ধ। সহরটি কিন্তু খুব ছোট। আমরা কিছু জিনিসপত্র কিনিয়াই সহর ঘুরিয়া আসিলাম। এখানে অনেকগুলি হোটেল ও কয়েকটি সুন্দর উদ্যান বাটকা দেখিলাম; তাহাই এ সহরের বাহা কিছু। যেখানে নদীটা হ্রদে পড়িয়াছে, সেই স্থানে একটা সেতু আছে; আমরা সেই সেতু পার হইয়া গেলাম। এই স্থানে একটা তুবার-উপলোভান বা (Glacier Garden) দেখিলাম; বড় বড় বরফের গোলা জলের তোড়ে ঘুরিতেছে। সে এক দেখিবার জিনিস। এই উদ্যানের সংলগ্ন একটা মিউজিয়ম বা বাহুবর আছে। এখানে সুইজারল্যান্ডের সকল রকম পশু, পক্ষী, মৎস্য, কীট পতঙ্গ প্রভৃতির মৃতদেহ রক্ষিত হইয়াছে। ভূতত্ত্ব সম্বন্ধেও এই বাহুবরের একটি বিভাগ আছে; তাহাতে নানা রকমের প্রস্তরাদি সজ্জিত আছে। যে বাগানের মধ্যে এই বাহুবর প্রতিষ্ঠিত, সেই বাগানের প্রবেশ-দ্বারের পার্শ্বে একটা মনুমেন্ট আছে। তাহাতে ম্যুয়ু'সিংহের (Dying Lion) যে প্রস্তরমূর্তি আছে, তাহা অতি সুন্দর। ইহার একটি ইতিহাস আছে। ফরাসী-বিপ্লবের সময় সুইস শরীররক্ষীরা টুইলারিসে বোড়শ লুইকে রক্ষা করিবার জন্ত যে ভাবে বীরদর্পে অগ্রসর হইয়াছিল, তাহাই স্মরণীয় করিবার জন্ত এই কীর্তিস্তম্ভ নির্মিত হইয়াছিল। এই উদ্যানের নিকটেই আর একটি বাহুবর আছে; তাহার নাম (The Museum of Peace and War) 'যুদ্ধ ও শান্তিবিগ্রহ'র কীর্তিস্তম্ভ। এখানে অনেক অস্ত্রশস্ত্র, যুদ্ধক্ষেত্রের আদর্শ, যুদ্ধের দৃশ্য প্রভৃতি রক্ষিত হইয়াছে; যুদ্ধের ভীষণতা জনসাধারণকে দেখাইবার জন্তই এ সকল প্রদর্শিত হইয়া থাকে। যুদ্ধের ভীষণতা ও নৃশংসতা দর্শনে শান্তিপ্রিয়, সরল, পরিশ্রমী সুইজারল্যান্ডবাসী কৃত্যকগণ সুশিক্ষা লাভ করিতে পারে, কিন্তু যুরোপের যে সমস্ত জাতি সামান্য ভূমিখণ্ডের জন্ত মারামারি কাটাকাটি করিতে সর্বদা প্রস্তুত, তাহারা এ দৃশ্য দর্শন করিয়া কোন শিক্ষাই লাভ করিবে না।

এই পর্য্যন্ত দেখিয়াই আমরা হোটেলে ফিরিয়া আসিলাম। অপরাত্নকালে আকাশ একটু পরিষ্কার

আমার যুরোপ ভ্রমণ

হইলে আমরা মোটর-লঞ্চে চড়িয়া হ্রদের মধ্যে ভ্রমণ করিতে গেলাম। আমাদের হোটেলের সম্মুখ হইতেই আমরা নোকায় চড়িয়াছিলাম,—তাহার পর হ্রদের পার্শ্ব দিয়া বাইতে বাইতে অনেক সুন্দর সুন্দর স্থান দর্শন করিয়াছিলাম। একটা স্থানে দেখি, হ্রদের তীরেই একটা ছোট রেল-লাইন পাঠা রহিয়াছে। আমরা লেখানে নোকা হইতে নামিলাম, এবং তীরে উঠিয়াই দেখিলাম গাড়ী প্রস্তুত রহিয়াছে। আমরা সেই গাড়ীতে চড়িয়া একটা চড়াই উঠিয়া বার্জেনষ্টকে উপস্থিত হইলাম। সেই উচ্চ স্থান হইতে হ্রদের শোভা দর্শন করিয়া আমরা পুলকিত হইলাম। কিছুক্ষণ পরে রেল চড়িয়া নামিয়া আসিলাম এবং আমাদের নোকায় উঠিয়া ওয়েগিজ, ভিটমো, বেকেন রোড প্রভৃতি কয়েকটা স্থান দেখিয়া ক্রমেনে উপস্থিত হইলাম। এই ছোট সহরটি দেখিতে অতি মনোহর। এই সহরের নিকট একটা বিশালকার প্রস্তরখণ্ড দেখিলাম।



হইতে উঠিয়াছে এবং উচ্চতায় বোধ হয় একশত ফিট হইবে। এই প্রস্তর-গাত্রে খোদিতলিপি আছে। তাহা পাঠ করিয়া জানিতে পারিলাম যে, এই প্রস্তরখণ্ড জার্মান কবি সিলারের স্মৃতি রক্ষার জন্য স্থাপিত হইয়াছে। এই কবিবরই উইলিয়ম টেলের কাহিনী কবিতায় চিরস্মরণীয় করিয়া গিয়াছেন।

মাইটেনষ্টিন।

এই প্রস্তরখণ্ডের নাম মাইটেনষ্টিন

(Mytenstin) ইহারই নিকটে টেলস্ প্লেট (Tell's Platte) নামে একটা স্থান দেখিলাম। শুনিলাম যে টেলকে যখন নোকায় করিয়া কারাগারে লইয়া যাওয়া হইতেছিল, তখন সেই স্থানে তিনি নোকা হইতে নামিয়া পলায়ন করেন; তাই এই স্থানে এই উপাসনালয় নির্মিত হইয়াছে। এ দেশের পল্লীবাঙ্গীরা দলে দলে এই স্থানে সমবেত হয় এবং তাহাদের এই জাতীয় বীরবরের স্মৃতির পূজা করিয়া থাকে। কিন্তু অনেকেই বলিয়া থাকেন যে, উইলিয়ম টেলের গল্পটা আঁগাগোড়া মিথ্যা; ও নামের কেহই ছিল না। এখান হইতে বাহির হইয়া আমরা ক্লয়েলেন হইয়া লুজার্ণে ফিরিয়া আসিলাম। আমরা চারি ঘণ্টার মধ্যে এ বেলার ভ্রমণ শেষ করিয়াছিলাম। আকাশ মেঘাচ্ছন্ন থাকা সত্ত্বেও আমরা এই ভ্রমণ সম্পূর্ণরূপে উপভোগ করিতে পারিয়াছিলাম।

আমরা যখন হ্রদে বেড়াইতে গিয়াছিলাম, তখন একটা বড় আমোদজনক ঘটনা হইয়াছিল; সে কথাটা এখানে উল্লেখ করিবার প্রলোভন সংবরণ করিতে পারিলাম না। আমরা যখন বোট চড়িতে বাইতেছিলাম, সেই সময়ে একটি সাত আট বৎসর বয়সের বালক আমাদের নিকট আসিয়াছিল এবং এমন ভাবে আমাদের দিকে চাহিতেছিল যে, আমার মনে হইল সে হয় ত আমাদের সঙ্গে বেড়াইতে বাইতে চাহে। আমি তাহাকে ডাকিয়া আমাদের সহিত হ্রদে বেড়াইতে বাইবার জন্য বলিলাম। বালকটি তৎক্ষণাৎ সম্মত হইল। এ ছেলোটি কোন ছোটলোকের ছেলে নহে; এ লুজার্ণের আমেরিকান কনসলের পুত্র। ছেলোটির নাম হ্যারি মন্সগান। সে বেশ চালাক চতুর;—আমি এমন শিষ্ট শাস্ত্র অধ্যয়ন বুদ্ধিমান বালক অতি কমই দেখিয়াছি। সে আমাকে এমন সকল প্রশ্ন জিজ্ঞাসা করিতে লাগিল যে, আমি অবাক হইয়া গেলাম; তাহার এত বাক্যবাগীশতায় বিরক্ত না হইয়া

আমি বিশেষ আনন্দই অনুভব করিয়াছিলাম। বাস্তবিকই এতটুকু ছেলের এমন বুদ্ধি ও কথাবার্তার ভঙ্গী দেখিয়া আমি বিশেষ আনন্দ বোধ করিয়াছিলাম। বালকটী যে ভাবে তাহার স্বদেশ আমেরিকার প্রতি প্রাণের টান প্রকাশ করিল, তাহা সত্য সত্যই অতি স্নন্দর!—তাহা হইতেই বুঝা যায়, এ প্রদেশের বালকেরা অল্প বয়স হইতেই কেমন স্বদেশপরায়ণ হইয়া থাকে। নৌকার উঠিবার পূর্বে আমি নৌকার উপর হইতে আমেরিকান নিশান নামাইয়া তৎপরিবর্তে ইংলণ্ডের নিশান তুলিয়া দিতে বলি। সে সময় অনেক আমেরিকান ভ্রমলোক সেখানে বেড়াইতে আসিয়াছিলেন; বোধ হয় তাঁহাদিগকে সন্তুষ্ট করিবার জন্তই নৌকার কর্ণধার তাহার নৌকার তারা ও ছককাটা আমেরিকান নিশান তুলিয়া দিয়াছিল। কর্ণধার আমার আদেশ প্রতিপালন করিল; সে বৃটীশ পতাকাই তাহার নৌকার উড়াইয়া দিয়াছিল। এই পতাকাটির ব্যাপার আমার বালক সঙ্গীটির দৃষ্টি অতিক্রম করিতে পারে নাই। আমরা যখন নৌকার উঠিয়া বসিলাম এবং নৌকা ছাড়িয়া দিল, তখন বালকটি তাহার অনুনাসিক স্বরে কৈফিয়ৎ তলব করিয়া বসিল। সে বলিল “আপনি আমাদের (অর্থাৎ আমেরিকার) জাতীয় পতাকা নামাইতে আদেশ দিলেন কেন?” আমি প্রথমে তাহাকে আমেরিকা সম্বন্ধে নানা কথা বলিয়া ভুলাইতে



মেসিয়াস বাগান।

চেষ্টা করিলাম; কিন্তু সে ভুলিবার ছেলে নহে। অবশেষে আমি বলিলাম যে, আমি আমেরিকাকে অশ্রদ্ধা করি না, এবং সেজন্তও আমেরিকার নিশান নামাইয়া ফেলিতে বলি নাই। তবে কথা এই যে, আমি বৃটীশ রাজার প্রেমা; আমার পক্ষে বৃটীশ পতাকারই প্রাধান্য প্রদান করা কর্তব্য; তাই আমি বৃটীশ পতাকা উড়াইতে আদেশ করিয়াছি। আমার এই কৈফিয়তে বালক সন্তুষ্ট হইল। এই বালকটির কথা আমার অনেক দিন স্মরণ থাকিবে। বারজেনষ্টকে পৌঁছিয়া আমার সহযাত্রী অধ্যাপক হরিনাথ দে মহাশয় বালকটিকে এত অধিক পরিমাণে মিষ্টান্ন খাওয়াইয়াছিলেন যে, আমাদের প্রত্যাগমনের সময় বালকটি বড়ই অসুস্থ বোধ করিতে লাগিল। তাহার দেখাদেখি, আমার সহযাত্রী আর একজনও অসুস্থ বোধ করিতে লাগিলেন। আমি বালকটিকে শুশ্রূষা করিতে লাগিলাম এবং সহযাত্রী অসুস্থ বস্তুটিকে সাহস দিতে লাগিলাম যে, এই এখনই নৌকা তীরে

লাগিবে। অবিলম্বেই নৌকা তীর-সংলগ্ন হইল; বালকটি তাহার আবাসে চলিয়া গেল; আমরাও হোটেলে উপস্থিত হইলাম। সন্ধ্যার সময় দেখি, সেই বালকটি তাহার নিজের পক্ষ হইতে, তথা তাহার মাতার পক্ষ হইতে আমাকে ধন্যবাদ করিয়া একখানি ক্ষুদ্র পত্র লিখিয়াছে। এই বালকটির কথা আমার কয়েকদিন পর্য্যন্ত সর্বদাই মনে পড়িত।

পরদিন প্রাতঃকালে আমরা তারের রেলো চড়িয়া শুচ পাহাড় দেখিতে গিয়াছিলাম। সেখান হইতে আল্পস পর্বতের দৃশ্য অতি মনোরম। অপরাহ্নকালে আমরা পুনরায় হ্রদের মধ্যে বেড়াইতে গিয়াছিলাম।

আমার যুরোপ ভ্রমণ

আমরা পূর্নদিন যে মাঝির নৌকায় বেড়াইতে গিয়াছিলাম, এ দিনেও সেই নৌকাতেই গিয়াছিলাম। আমরা প্রথমে আল্পস্জাকে গিয়াছিলাম ; তাহার পর পুনরায় ভিটলো দেখিতে গিয়াছিলাম।—এই স্থান হইতে রিজি পর্যন্ত রেল চলিয়া থাকে ; কিন্তু আমরা এই স্থানে পৌঁছিয়া শুনিলাম যে, পাহাড়ে এত অধিক তুষারপাত হইয়াছে যে, গাড়ী অর্ধেক রাস্তার বেশী চলিতে পারিতেছে না। এই কথা শুনিয়া আমরা সে দিকে যাওয়ার সঙ্কল্প ত্যাগ করিলাম। তাহার পর আমরা কুস্- নাথট দেখিলাম। সেই স্থান হইতে আমরা আল্পস্ পর্বতের আউটরাম হরণ শৃঙ্গ দেখিতে পাইলাম। এইটি সুইজরলণ্ডের পর্বতশৃঙ্গের মধ্যে উচ্চতায় দ্বিতীয় স্থানীয়। দৃশ্য অতি সুন্দর। এ দৃশ্য কিছুতেই ভুলিবার নহে। সন্ধ্যার প্রাকালে অন্তর্গামী সূর্যের লোহিত কিরণ তুষারধবল পর্বতশৃঙ্গে পতিত হইয়া যে শোভা বিস্তার করিয়াছিল, তাহা বর্ণনাভীত।

সুইজরলণ্ডে অতি অল্প সময়ই আমরা অবস্থিতি করিয়াছিলাম ; কিন্তু এই অল্প সময়ের মধ্যে আমি ষাঁহা দেখিয়াছিলাম,—তাহাতে এ দেশ সম্বন্ধে আমার মনে একটা ভাল ভাবেরই সঞ্চার হইয়াছিল। এখানকার লোকগুলি বেশ সরল ও পরিশ্রমী ;—তাহারা ইটালির লোকদিগের মত অনুসন্ধিৎসু নহে। এখানে একটি জিনিষ আমি এই প্রথম দেখিলাম ; লুজার্নের রাস্তার ধারে স্থানে স্থানে একেজো কাগজ রাখিয়া দিবার স্থান আছে ; অবশ্য পরে যুরোপের অন্যান্য সহরেও এ ব্যবস্থা দেখিয়াছিলাম।

লুজার্নের স্থায়ী অধিবাসীর সংখ্যা মোটে ত্রিশ হাজার মাত্র ; কিন্তু অনেক সময়েই আর ত্রিশ হাজার লোক অস্থায়ী নানা দেশ হইতে এখানে বেড়াইতে আসিয়া থাকে।

নবম অধ্যায়

পেরিস

প্রাতঃকালে লুজার্ণ ত্যাগ করিলাম। এইবার ফ্রান্সের রাজধানী পেরিস যাইতেছি। অপরাহ্নকালে যখন পেরিসে পৌছিলাম, তখন দেখিলাম, বাদলা-বৃষ্টি ও মেঘ আমাদের পূর্বের গাড়ীর আরোহী হইয়া পূর্বাঙ্কেই পেরিসে উপস্থিত হইয়া, আমাদের অভ্যর্থনার আয়োজন করিয়াছেন। আমরা পেরিসে পৌছিয়া দেখি, আকাশ মেঘাচ্ছন্ন, টিপ্‌টিপ্ করিয়া বৃষ্টি পড়িতেছে। পথে বাল নামক স্টেশনে মালপত্র পরীক্ষা শেষ হইয়া গেল। বাল হইতে পেটিট-ক্রোয়া স্টেশন পর্য্যন্ত স্থান জার্মানদিগের অধিকারভুক্ত।

পেরিস স্টেশনে আমরা যখন উপস্থিত হইলাম, তখন সন্ধ্যা হইয়াছে; রাস্তাঘাট আলোকমালায় বিভূষিত হইয়াছে; স্মৃতিরাজ্য আকাশ মেঘাচ্ছন্ন থাকিলেও আমরা সহরের শোভা দেখিতে পাইয়াছিলাম। রাস্তার দুই পার্শ্বে ঠিক মানানসই অট্টালিকাসমূহ ও সুন্দর রাজপথগুলি দেখিয়া আমরা প্রথমেই বিশেষ তৃপ্তি অনুভব করিলাম। স্টেশন হইতে আমরা বরাবর বুলভার্ড ডি ক্যাপুসিনে অবস্থিত গ্রাণ্ড হোটেলে উপস্থিত হইলাম। হোটেলের নামটি ‘গ্রাণ্ড’ হইলেও সেখানকার বন্দোবস্ত তেমন গ্রাণ্ড নহে। বাড়ীটী বেশ বড়, কিন্তু ব্যবস্থা-বন্দোবস্ত বড়ই অগ্রীভিকর; এমন কি এত বড় বাড়ীটায় উপযুক্ত সংখ্যক ভূত্যা পর্য্যন্ত ছিল না। পেরিস সহরে রেলগাড়ী না পছঁছান পর্য্যন্ত নগরের সৌন্দর্য্য অনুভব করা যায় না, তাহার কারণ সহরের বাহিরে বড় বাড়ী নাই বলিলেই হয়, কেবল শ্রমজীবীদের থাকিবার ভাঙ্গাফুটা ঘর সকল দৃষ্টিপথে পড়ে।

পরদিন প্রাতঃকালে উঠিয়া একখানি মোটর ভাড়া করিয়া রাজধানী দেখিতে বাহির হইলাম। প্রথমেই আমরা মেডিলিন গীর্জা দেখিতে গেলাম। প্রথম নেপোলিয়ন এটিকে গৌরবমন্দির (Temple of Glory) করিতে চাহিয়াছিলেন; কিন্তু পরে স্থির হইয়াছিল যে, এ বোড়শ লুই ও এণ্টোইনোটির কীৰ্ত্তিমন্দির-রূপে ব্যবহৃত হইবে। আমরা যখন মন্দিরে পৌছিলাম, তখন উপাসনা হইতেছিল। আমরা কিছুক্ষণ দাঁড়াইয়া দাঁড়াইয়াই গান শুনিলাম; গানগুলি বেশ প্রাণম্পর্শী ও ধর্ম্মভাবোদ্দীপক; কিন্তু দেখিলাম, উপাসকমণ্ডলী তেমন ধর্ম্মপ্রাণ নহেন; তাঁহারা অতিশয় চাঞ্চল্য ও অমনোযোগ প্রকাশ করিতেছেন দেখিয়া বড়ই দুঃখিত হইলাম।

এখান হইতে বাহির হইয়া আমরা সেই পৃথিবীবিখ্যাত ভ্রমণ স্থান দেখিতে গেলাম; ইহার নাম প্লেস্-ডি-লা-কনকর্ড। (Place de la Concorde) এই স্থানে গেলে বুঝিতে পারা যায় যে, পেরিসে এই সকল ভ্রমণ-স্থান, মন্ডুমেণ্ট, চত্বর প্রভৃতি নির্মাণে কত অধিক পরিমাণ অর্থ ব্যয়িত হইয়াছে। এই স্থানের চারিদিকেই অশেষ দ্রষ্টব্য বিষয় রহিয়াছে। একপার্শ্বে দেখিলাম, ‘চেমার অব ডেপুটী’ নামক বিশাল ও পরম সুদৃশ্য অট্টালিকা; তাহারই অপর প্রান্তে মেডিলিন গীর্জা; পূর্ব দিকে চাহিয়া দেখিলাম, তুলারি উদ্যান শোভাসৌন্দর্য্যে দিক আলো করিয়া আছে; তাহারই পশ্চাতে লুভর রাজপ্রাসাদ মস্তক উন্নত করিয়া দণ্ডায়মান রহিয়াছে। ইহারই অপর পার্শ্বে পশ্চিম-

আমার যুরোপ ভ্রমণ


দিকে ভুবনবিখ্যাত সঁ। সেলজে। (Champs Elyses) আবার ইহারই প্রান্তভাগে নেপোলিয়নের গৌরব-তোরণ। এই স্থানের মধ্যভাগে যে ভূমিখণ্ড রহিয়াছে, তাহার চারি পার্শ্বে ফ্রান্স দেশের বিভিন্ন প্রদেশের রূপক প্রস্তরমূর্তি সকল শোভা বিস্তার করিতেছে। ১৮৭০ খ্রীষ্টাব্দে ফ্রান্স প্রসিয়ান যুদ্ধে ট্রাসবার্গ ফরাসীদিগের হস্তচ্যুত হয়; তাহারই একটা ক্ষুদ্র প্রস্তরমূর্তি এখানে রহিয়াছে, উহা কৃষ্ণবস্ত্রাবৃত। এই চত্বরের কেন্দ্রস্থানে একটি প্রস্তরবেদী আছে; তাহারই নিকটে হতভাগ্য বোড়শ লুই ও তাঁহার সহধর্মিণী গিলোটিনে জীবন বিসর্জন করেন। মোটামুটি বলিতে গেলে, প্লেস-ডি-লা কন্কর্ডকে কেন্দ্র করিয়া যথাযোগ্য ব্যাসার্দ্ধ লইয়া একটি বৃত্ত অঙ্কিত করিলে, ফরাসী রাজধানীর যাহা কিছু দ্রষ্টব্য, যাহা কিছু জ্ঞাতব্য, সে সমস্তই ঐ বৃত্তের পরিধির মধ্যে পতিত হয়।

এই স্থান হইতে বাহির হইয়া আমরা নৃতর বাগানের মধ্য দিয়া সেণ্ট-সেপেল-গীর্জা দেখিতে গেলাম। সম্রাট লুই পায়স্ নির্মিত এই গীর্জায় এখন আর উপাসনা হয় না; ইহা এখন গীর্জা রূপেই ব্যবহৃত হয় না—সুধু একটা দর্শনীয় অট্টালিকারূপে ইহা দণ্ডায়মান রহিয়াছে। এই গীর্জার গম্বুজ এমন সুন্দর এবং এত উন্নত ও মনোহর কারুকার্য-খচিত যে, আমি যুরোপে এমন সুন্দর গীর্জা আর একটি দেখিয়াছি বলিয়া মনে হয় না। ইহারই পার্শ্বে ই বিচারালয় (The Palaces of Justice); ইহাও একটি সুদৃশ্য অট্টালিকা। তাহার পরই আমরা সুপ্রসিদ্ধ নোটার ডেম (Notre Dame) দেখিতে গেলাম। রাজা নবম লুই জেরুজালেম হইতে এই পবিত্র মন্দিরের মধ্যে রক্ষিত অনেক দ্রব্য আনিয়াছিলেন। এখান হইতে আমরা রাজধানীর শবব্যবচ্ছেদাগারের সম্মুখে উপস্থিত হইলাম। এখানকার দৃশ্য যে সুন্দর, তাহা নহে; মৃতদেহ দেখিবার জন্ত কাহারও তেমন ঐশ্বর্য্যও জন্মে না। আমার সহ-যাত্রিগণ এখানে যাইতে চাহিলেন না; কিন্তু আমার অনুরোধেই তাঁহারা এখানে প্রবেশ করিয়াছিলেন। পেরিসের রাজপথে বা এখানে সেখানে প্রতিদিন কত লোক মৃত্যুমুখে পতিত হইয়া থাকে; তাহাদের অনেকের পরিচয় পাওয়া যায় না। এই সকল অপরিচিত ব্যক্তির মৃতদেহ এখানে লইয়া আসা হয় এবং একটি বায়ুশূন্য কাচের ঘরে রাখা হয়। তাহাদিগকে যে অবস্থায় পাওয়া গিয়াছিল, ঠিক সেই অবস্থায়, সেই পোষাকেই এই ঘরে রাখা হয়। তিন দিন পর্যন্ত তাহাদের মৃতদেহ এই ভাবে রক্ষিত হইয়া থাকে। দলে দলে লোক এখানে নিরুদ্ধিষ্ট আত্মীয় বন্ধুগণের সন্ধানে আগমন করিয়া থাকে; অনেকে হয় ত কোন মৃতদেহ তাহাদের আত্মীয়ের বলিয়া সনাক্ত করে এবং এখান হইতে স্থানান্তরিত করিয়া থাকে; আর যাহাদিগের তিনদিনের মধ্যেও পরিচয় পাওয়া যায় না, সরকারের বারং তাহাদিগকে সমাহিত করা হয়। আমরা যখন এই স্থান দেখিতে গিয়াছিলাম, তখন তিনটি শবদেহ ঐ স্থানে ছিল। এ ব্যবস্থা আশার নিকট খুব ভাল বলিয়া মনে হইল; কারণ পেরিসের মত সহরে প্রতিদিন যে কত গুপ্তহত্যা হয়, তাহা বলা যায় না। এই ব্যবস্থা থাকায় অনেক মৃতব্যক্তির সন্ধান পাওয়া যায়।

ইহার পরেই আমরা প্যান্থিয়ন (Pantheon) দেখিতে গিয়াছিলাম। রোমে যাহা দেখিয়াছিলাম, এখানেও ঠিক তাই। এখানে যে সমস্ত চিত্র রক্ষিত হইয়াছে, তাহা ফ্রান্স দেশের ইতিহাসেরই অনেকগুলি আলোখ্য। এই স্থানে ভল্টেয়ার, ভিক্টর হুগো প্রভৃতির সমাধি-মন্দির দেখিলাম। ইহারই নিকটে সেন্ট এটিন ডুমোঁ গীর্জা দেখিলাম; এই স্থানে ফ্রান্সের রক্ষকদেবতা মহাত্মা সেন্ট জেনিভির প্রকাণ্ড সমাধি-মন্দির আছে।

এই স্থান হইতে বাহির হইয়া আমরা যে স্থানে গমন করিলাম, সেই স্থানটা দেখিবার জন্ত বহুদিন হইতে আমার আগ্রহ ছিল। ইহার নাম ইনভ্যালিডস্ (Invalides) বা হুস্থসৈনিকাগ্রাম। এখানে অসমর্থ সৈনিকপুরুষগণের আবাসস্থানের নিকট রাজকীয় উপাসনা-মন্দিরের মধ্যে মহারথী নেপোলিয়নের দেহাবশেষ

রক্ষিত হইয়াছে। সেন্ট হেলেনা হইতে নেপোলিয়নের মৃতদেহ আনীত হইয়া এই স্থানে পুনরায় সমাহিত করা হয়। ক্রিসিয়া যুদ্ধে যে সকল সৈনিক পুরুষ আহত হইয়া কার্যে অসমর্থ হইয়াছিলেন, তাঁহারা সপরিবারে



দুস্থসৈনিকশ্রম (ইনভ্যালিড্‌স্‌)

একস্থানে নেপোলিয়ানের তরবারি, তাঁহার সেই সর্বজন-পরিচিত টুপী এবং ধূসরবর্ণের অঙ্গাবরণ রক্ষিত হইয়াছে।]

সকলেই এই স্থানে প্রবেশ করিয়া এ সকল দ্রব্য দেখিতে পায় না ; অতি অল্পসংখ্যক লোকেরই এখানে প্রবেশা-


ধিকার প্রদত্ত হইয়া থাকে ; এমন কি, যুদ্ধবিভাগের মন্ত্রী ব্যতীত অপর নম্ন-গণও এখানে গাইতে পারেন না ; কয়েকজন বিদেশীয় নৃপতির এখানে প্রবেশের অধিকার আছে। ভূগর্ভস্থ এই সমাধিমন্দির দেখিবার জন্ত উপরিস্থিত সমতল স্থানের চারিদিকে রেলিং দিয়া ঘেরা আছে। সেই স্থান হইতে নীচের দিকে চাহিয়া সকলকে এই সমাধিমন্দির দেখিতে হয়। মহাবীর



প্যাটের


নেপোলিয়ানের সমাধি-মন্দির ভূগর্ভে নির্মিত হওয়ার একটা ইতিহাস আছে। আমি সেই ইতিহাস এখানে বর্ণনা করিবার প্রলোভন সংবরণ করিতে পারিলাম না। নেপোলিয়ন সেন্ট হেলেনায় প্রাণত্যাগ করিলে প্রথমে

তঁাহাকে সেখানেই সমাহিত করা হ'ল; তখন ফ্রান্সের লোকেরা কিছুই বলিল না, বা কিছুই করিল না। কিন্তু কিছুদিন পরেই ফ্রান্সের অধিবাসিবৃন্দ বুঝিতে পারিল যে, নেপোলিয়নের মৃতদেহের প্রতি এ প্রকার



নেপোলিয়নের সমাধি

কারণ জিজ্ঞাসা করিলে তিনি না কি উত্তর দেন যে, "As all nations had bowed to the Emperor when he lived, let them still bow their head when looking at the tomb"—অর্থাৎ "সম্রাট যখন জীবিত ছিলেন, তখন সমস্ত জাতি তঁাহার নিকট অবনত মস্তক হইয়াছিল, সুতরাং এখনও তঁাহার সমাধি দেখিবার জন্ত তাহাদিগকে অবনত মস্তক হইতে হইবে।" এই কারণেই তিনি সমাধিটি ভূগর্ভে নির্মাণ করিবার প্রস্তাব করিয়াছিলেন। কথাটি অতি সুন্দর! এই মহাবীরের সমাধি দর্শন করিয়া আমার হৃদয়ে এমন এক ভাবের সঞ্চার হইয়াছিল যে, আমি অশ্রু সংবরণ করিতে পারি নাই। আমার চক্ষু দিয়া জল পড়িতেছে দেখিয়া ক্রিমিয়া-যুদ্ধাগত যে বৃদ্ধ সৈনিক পুরুষ আমাকে এই সমাধি দেখাইতেছিলেন, তঁাহারও হৃদয় দ্রবীভূত হইয়াছিল। তিনি যদিও একজন সামান্য সৈনিক, এবং এখন তিনি এই সাধারণ-তন্ত্রের অধীনে নিশ্চিন্ত হৃদয়ে বসবাস করিতেছেন; তবুও তিনি তঁাহার সেই প্রিয় সম্রাটের কথা ভুলিতে পারেন নাই দেখিয়া, আমার হৃদয়ে বড়ই প্রীতির সঞ্চার হইয়াছিল। বাল্যকাল হইতেই নেপোলিয়নকে একজন মহাবীর বলিয়া আমি গৌরবের উচ্চ আসন প্রদান করিয়া আসিয়াছি। আজ তঁাহার সমাধি-স্থান দর্শন করিয়া আমার হৃদয়ে অতৃপ্তপূর্ব ভাবের সঞ্চার হইয়াছিল। নেপোলিয়নের দুই ভ্রাতা জেরোমি ও লুইয়েরও সমাধিস্থর এই মন্দির-পার্শ্বেই রহিয়াছে। সমাধি-স্থান দর্শনের পরই আমরা পেরিস নগরী ঘুরিয়া দেখিতে গেলাম। রাস্তার দুই পার্শ্বে বৃহৎ বৃহৎ অটালিকা—



ইফেল স্তম্ভ

কোনটি বা সরকারী আফিস, কোনটি বা হোটেল, কোনটি বা বড় বড় সওদাগরদিগের কার্যালয়। এতদ্ব্যতীত স্মৃতি-মন্দির, জয়-স্তম্ভ প্রভৃতিরও অভাব নাই। ফরাসী-বিপ্লবের সময় যে সকল অট্টালিকা রাজনৈতিক অপরাধী-দিগের কারাগার-রূপে ব্যবহৃত হইয়াছিল, তাহা দেখিলে মনটা যেন কেমন দমিয়া যায়। এ বেলার মত ভ্রমণ শেষ করিয়া আমরা হোটলে ফিরিয়া আসিলাম।

অপরহ্নকালে পুনরায় সহর দেখিতে বাহির হইলাম। পেরিসের মত সমৃদ্ধিশালী স্থান বোধ হয় আর কোথাও নাই; একবার সহরটি প্রদক্ষিণ করিয়া আসিলেই ফরাসী রাজধানীর শোভাসৌন্দর্য ও প্রভূত ধনসম্পদের পরিচয় প্রাপ্ত হওয়া যায়। এ বেলা বাহির হইয়া প্রথমেই আমরা রুঁ লাক্‌ইটের ভিতর দিয়া প্রকাণ্ড নাট্যালা দেখিতে গেলাম; এত বড় নাট্যালা না কি পৃথিবীতে আর কোথাও নাই। তাহার পর বটে সন্ট ভ্রমণ-স্থানের মধ্য দিয়া আমরা পারলাসে কবরস্থানে উপস্থিত হইলাম। এখানে অনেকগুলি বড় বড় পেসিডেন্টের সমাধি-মন্দির দেখিলাম। নেপোলিয়নের সমাধির যিনি নক্সা করিয়াছিলেন, সেই ভাইকন্টের সমাধি-মন্দিরও এইস্থানে রহিয়াছে। এইস্থানে আর একটি সমাধি-মন্দির আছে, তাহারও নাম উল্লেখ করা আবশ্যক। এট আবিলাড ও হিলোইসের সমাধি; প্রেমিক প্রেমিকাগণ এই মন্দির দেখিতে আসিয়া থাকেন এবং ইহার ইতিহাস পাঠ করিয়া শিলাভাঙে করিয়া থাকেন। মন্দিরটি অতি সুন্দর!

এখান হইতে বিশ্ববিখ্যাত ইফেল স্তম্ভ দেখিতে যাওয়া গেল। পথের মধ্যে সম্রাট চতুর্দশ লুইয়ের আনলের সুন্দর তোরণদ্বার দেখিলাম। সেই সন্ময়ের স্থাপত্য-কীর্তির মধ্যে এখন এইটি মাত্র সর্বোৎকৃষ্টভাবে অবশিষ্ট রহিয়াছে। ইফেল স্তম্ভ এক হাজার ফিট উচ্চ। ইহাতে কয়েকটি তলা আছে; প্রত্যেক তলায় নানাবিধ জিনিসের দোকান, হোটেল, বিশ্রামাগার প্রভৃতি রহিয়াছে। আমরা বৈজ্ঞানিক অধিরোহণীতে আরোহণ করিয়া এই স্তম্ভের উপর উঠিয়াছিলাম। অধিরোহণী প্রত্যেক তলায় একবার করিয়া থানে এবং আরোহণ সেই সেই তলায় নানাবিধ



পেরিস—বুলভাদ মন্টনার্টে

দ্রব্যাদি ক্রয় করে, পান ভোজন করে এবং সেই তলায় বারান্দায় দাঁড়াইয়া নিম্নের দৃশ্য দেখিয়া থাকে। অধিরোহণী এই স্তম্ভের সর্বোচ্চ তলা পর্যন্ত যায় নাই; এ তলায় উঠিতে গেলে সোপানাবলি অতিক্রম করিয়াই যাইতে হয়। সর্বোচ্চ তলা হইতে নিম্নের দিকে দৃষ্টিপাত করিলে, সহর, বাজার যেন ধোঁয়া ধোঁয়া বোধ হয়, মাল্লব গুলাকে ছোট ছোট পিপড়ার মত দেখায়। আমরা যে অধিরোহণীতে, চড়িয়া স্তম্ভ


উঠিয়াছিলাম, সেই অধিরোহণীতে একটি দম্পতি মহিলা আনাদিগের সঙ্গিনী হইয়াছিলেন। তিনি আমার কোন পরিচয় জিজ্ঞাসা না করিয়াই আমাকে ভারতীয় কোন রাজা বলিয়া অভিবাদন করিয়াছিলেন। ইফেল স্তম্ভের

আমার যুরোপ ভ্রমণ

প্রত্যেক তলা ভ্রমণ করিয়া এবং চারিদিকের দৃশ্য দেখিয়া আমরা ট্রকাডেরো প্রাসাদ দেখিতে গিয়াছিলাম। এই প্রাসাদের প্রকাণ্ড হল বড় বড় গানবাজনার মঙ্গলিস্, বড় বড় বক্তার বক্তৃতার ও প্রধান প্রধান বিদ্যালয়সমূহের পারিতোষিক বিতরণের সভা হইয়া থাকে; ইহা লণ্ডনের আলবার্ট হলের মত।

এখান হইতে বাহির হইয়া, আমরা হোটেলে ফিরিয়া আসিবার সময় শাঁ সে লিজের (Champs de Elysees) মধ্য দিয়া মোটরে চড়িয়া আসিয়াছিলাম। পথের মধ্যে ভেনডোম প্লেস (Vendome Place) দেখিয়া আমরা সেই স্থানে নামিয়াছিলাম। এই স্থানে নেপোলিয়নের যুদ্ধজয়ের স্মৃতিস্তম্ভ রহিয়াছে। এটি ঠিক রোমের ট্রাজান কলামের মত—একেবারে নকল বলিলেই হয়। শুনিলাম, অষ্ট্রালিজের যুদ্ধে যে সমস্ত কামান অধিকার করা হইয়াছিল, তাহাই গলাইয়া এই স্তম্ভ নির্মিত হইয়াছে। ইহার পরেই আমরা সে দিনের মত হোটেলে ফিরিয়া আসিলাম।

পরের দিন প্রাতঃকালে উঠিয়াই আমি ফরাসী রাজধানীতে যে বুটস রাজদূত ছিলেন, তাঁহার সহিত সাক্ষাৎ করিতে গিয়াছিলাম। তাঁহার নাম সার ফ্রান্সিস্ বাটি। তিনি আমাকে সমুচিত অভ্যর্থনা করিয়া অনেকক্ষণ পর্য্যন্ত কথাবার্তা কহিলেন। এই ব্রিটিস দূতভবন বা Embassy এককালে সন্ন্যাস নেপোলিয়নের এক ভগিনীর বাসগৃহ ছিল এবং ইহাতে সন্ন্যাসের ব্যবহৃত অনেক জিনিস অত্যাশ্চর্য্য রক্ষিত আছে।




পেরিস—নাট্যাশালা

সেই স্থান হইতে বাহির হইয়াই লুভর (Louvre) রাজভবন দেখিতে গিয়াছিলাম। ইহা পূর্বে রাজভবনই ছিল; এখন আর এখানে রাজা নাই; এখন এই ভবনে যাদুঘর স্থাপিত হইয়াছে। বাড়ীটি প্রকাণ্ড। এই যাদুঘরে প্রধান দৃষ্টব্য সূন্দর চিত্রাবলি। ইটালি হইতে নেপোলিয়ন যে সমস্ত দ্রব্য লইয়া আসিয়াছিলেন, সেইগুলি এখানে আছে এবং তাহাও দৃষ্টব্য। এখানে

প্রায় তিন হাজারের উপর ছবি রহিয়াছে, সেগুলি দেখিবার মত। নূতন পুরাতন অনেক উৎকৃষ্ট ছবি এইস্থানে দেখিলাম। নূতন ছবিগুলির মধ্যে ফরাসী ইতিহাসের দৃশ্যাবলি এবং নেপোলিয়নের কীর্তিপ্রকাশক চিত্রগুলি আমার নিকট বড়ই ভাল লাগিল। ফ্রান্সের ঐতিহাসিক ব্যাপার সকল চক্ষের সম্মুখে দেখিতে লাগিলাম। ইটালি, ফ্রান্স, ইংলণ্ড, হলণ্ড, জার্মানি প্রভৃতি দেশের প্রধান প্রধান চিত্রকরগণের অঙ্কিত উৎকৃষ্ট চিত্র সকল এই স্থানে রক্ষিত হইয়াছে। অত্যাশ্চর্য্য যাদুঘরে নানারকমের যে সকল দ্রব্য থাকে, এখানে তাহার অভাব থাকিলেও এই চিত্রগুলিই এই যাদুঘরের অমূল্য সম্পদ এবং এইগুলি দেখিলেই এ স্থানে আগমন সার্থক বলিয়া মনে হয়। এতদ্ব্যতীত এখানে ফরাসীদেশের পূর্বকালের ব্যবহৃত অনেক জিনিসপত্র দেখিলাম। রাজত্যাগীদের অনেক বহুমূল্য জহরতও এখানে প্রদর্শনের জন্য রক্ষিত হইয়াছে। আমরা এই যাদুঘরের

বিভিন্ন প্রকোষ্ঠ দেখিতে দেখিতেই অনেক সময় কাটাইয়া দিয়াছিলাম; সেই জন্ত সে দিন প্রাতঃকালে আর কোথাও যাওয়া হইল না; আমরা হোটেলে ফিরিয়া আসিলাম।

অপরাহ্নকালে আমরা প্রথমে মুঁসি-ভিক্সু মি. Musée de Cluny) দেখিতে গেলাম। ইহাও একটা বাহুঘর। এখানে অনেক পুরাতন আসবাবপত্র ও একালের দ্রব্যাদিও দেখিলাম। পুরাতন দ্রব্যগুলি সম্রাট পঞ্চদশ লুইর আমলের। এই স্থানে ভ্রমণ সময়ে আমার পরম বন্ধু বোম্বাই-নিবাসী সুপ্রসিদ্ধ শ্রীযুক্ত আগা খাঁ মহোদয়ের সহিত সাক্ষাৎ হইল। এত দূরদেশে আমার দেশবাসী একটি বন্ধুকে পাইয়া মনে বড়ই আনন্দের সঞ্চার হইল। তাহার পর লাক্সেমবর্গ ভবন দেখিতে গেলাম। সেখানে একালের অনেক প্রস্তর-মূর্তি ও চিত্র দেখিতে পাইলাম। সেই রাত্রিতে আমরা পেরিসের অপেরাগৃহে গিয়াছিলাম। সে রাত্রিতে সালাম্বো (Salambo) নামক একখানি গীতিনাট্যের অভিনয় হইয়াছিল। এই অপেরা-গৃহ সৌন্দর্যে অতুলনীয়। তৃতীয় নেপোলিয়ন এই গৃহ নির্মাণ আরম্ভ করেন এবং রিপাবলিকের আমলে ইহার নির্মাণ-কার্য শেষ হয়। এই গৃহ-নির্মাণে এত অর্থ ব্যয় হইয়াছিল যে, শুনিলে সহজে বিশ্বাস করা যায় না। আমি ফরাসীভাষা জানি না, স্তত্রাং অভিনয় বুঝিতে পারিলাম না; কিন্তু দৃশ্যপট ও গানগুলি আমার খুব ভাল লাগিল। অপেরা-গৃহ হইতে বাহির হইয়া আলোকনালা পরিবৃতা নিশাবেশিনী পেরিসের সৌন্দর্য দেখিতে দেখিতে হোটেলে প্রত্যাবর্তন এবং আহার, পরে বিশ্রাম।




পেরিস—ট্রোকাডেরো

পরদিন প্রাতঃকালেই আমি পাষ্টুর ইন্সটিটিউট দেখিতে গিয়াছিলাম। ইহা দেখিবার ইচ্ছা আমার বড়ই বলবতী হইয়াছিল। আমি যখন ইন্সটিটিউটে উপস্থিত হইলাম, তখন অনেকগুলি কুকুরদষ্ট রোগী চিকিৎসার জন্য সেখানে উপস্থিত ছিল; স্তত্রাং চিকিৎসাপ্রণালী প্রায় আগাগোড়া দেখিবার বড়ই সুযোগ পাইয়াছিলাম। আমি দেখিলাম, রোগীর উদরের ছই পার্শ্বেই

বীজ (serum) প্রবেশ করান হইল। ইহাতে যে রোগীর বিশেষ যত্ন লাগে তাহা নহে; তবে যে সমস্ত বাগলবালিকাকে চিকিৎসার জন্য আনা হইয়াছিল, তাহারাই এই সমস্ত আয়োজন দেখিয়াই ভয়ে চীৎকার করিতেছিল। এই বীজের টিকা লইবার পরও যদি কেহ ক্ষিপ্ত কুকুরদষ্ট হয়, তাহা হইলে তাহাকেও পুনরায় টিকা লইতে হয়। ইহা হইতে বুঝিতে পারিলাম যে, একবার কুকুরে কামড়াইলে যে টিকা লওয়া হয়, তাহার কার্য সেইবারেই শেষ হয়; দ্বিতীয়বার কুকুরে কামড়াইলে পুনরায় টিকা লইতে হয়। একস্থানে দেখিলাম, স্ত্রুশরীর জীবজন্তুর শরীরে এই বিষ প্রবেষ্ট করাইয়া তাহাদের কখন কি অবস্থা হয়, তাহার পরীক্ষা করা হইতেছে। ইহাতে চিকিৎসা-বিজ্ঞানের যথেষ্ট উন্নতি হইতেছে, তাহাতে সন্দেহ নাই। কিন্তু চক্ষের উপর স্ত্রুশকার জীবের এই প্রকার যত্ন দেখিলে বড়ই কষ্ট বোধ হয়। এই স্থানেই মহামতি পাষ্টুর মহাশয়ের সমাধি রহিয়াছে।

আমার যুরোপ ভ্রমণ

তাহার সহপাঠিনী এখনও জীবিতা আছেন এবং তিনি ইন্সটিটিউটেই বাস করেন। যে অধ্যাপক মহাশয় আমাদের এই স্থান দেখাইতেছিলেন, তিনি বলিলেন যে, এখানে যে সমস্ত রোগী চিকিৎসার জন্য আসিয়া থাকে, তাহাদের মধ্যে গড়ে প্রতি তিনশতে একজন মাত্র মারা যায়। তাহার কারণ এই যে, সেই রোগীকে এমন অবস্থায় এখানে লইয়া আসা হয়, যখন তাহার একপ্রকার শেব সময় উপস্থিত। এখানে প্লেগ, ধুইষ্টকার, ডিপথিরিয়া ও ক্ষয়রোগ নিবারণের বোজ ও প্রস্তুত হইয়া থাকে; এবং সেই সকল বোজ পৃথিবীর প্রায় সকল স্থানেই প্রেরিত হইয়া থাকে। এই স্থানটি দেখিবার যোগ্য; আমি ইহা দেখিয়া যথেষ্ট প্রীতি ও শিক্ষালাভ করিয়াছিলাম।



রু দে লা রিপাবলিক

স্থান ছিল ফ্রান্সে প্রসিদ্ধ যুদ্ধের সময় এই রাজপ্রাসাদ বিনষ্ট হয় এবং ভ্রমণোত্তানও ভীত হইয়া পড়ে।

পেরিস হইতে যাত্রা করিয়া আমরা প্রায় ৪৫ মিনিটে ভের্সাইলে পৌঁছিয়াছিলাম; অবশ্য আমাদের মোটর এই পথে একটু দ্রুত চলিয়াছিল। ফ্রান্স দেশের মধ্যে এই স্থানটি সর্বপ্রকারেই দেখিবার উপযুক্ত; এখানকার রাজপ্রাসাদ, এখানকার উদ্যান, এখানকার সৌন্দর্য প্রকৃতই উপভোগের সামগ্রী। শোভা, সৌন্দর্য ও বিলাসিতার যত কিছু উপকরণ আছে, তাহার সমস্তই এখানে সাজ্জিত করা হইয়াছিল। সম্রাট চতুর্দশ লুই এবং তাহার পরবর্তী সম্রাটগণের সময়ে এই স্থানের যে কি শোভা-সম্পন্ন ছিল, তাহা বর্ণনাতীত—এবং আমার মনে হয় ঐতিহাসিকও ইহার সৌন্দর্য সম্পূর্ণ বর্ণনা করিতে সমর্থ হন নাই—কারণ ইহার পারিপাট্য দেখিয়া প্রকৃতই অবাক হইতে হয়। এখানকার রাজপ্রাসাদের কক্ষগুলি বড়ই সুসজ্জিত। তাহারই মধ্যে একটি মহল দেখিলাম, সেখানে বিলাসিতার বা বাহাড়াব্বের কোন চিহ্ন নাই। এই মহলটি বেশ সাদাসিধে রকমের। এই স্থানেই সেই ইতিহাসপ্রসিদ্ধ হতভাগিনী মেরি এন্টোয়ানেটের বাস কাগজেন। তিনি বুঝিয়াছিলেন, নানা বিলাস-দ্রব্যে বেষ্টিত হইলেই সুখ হয় না; সাদাসিধে সরস্বতীই সুখের নিদান। এইখানে একটি শিশু-মহল (Hall of Mirrors) আছে। এই শিশু-মহলের একটা ইতিহাস আছে। ১৮৭০ খৃষ্টাব্দে যখন পেরিস অবরুদ্ধ হয়, তখন বিস্মার্ক বাভেরিয়ার উন্নত রাজার

এই স্থান ত্যাগ করিয়া আমরা নোকোরোহণে ভের্সাই-সেইল (Versailles) দেখিতে গিয়াছিলাম। পথে অনেক দ্রষ্টব্য স্থান পড়িয়াছিল; সেগুলিও একটু একটু দেখিয়াছিলাম। তাহার মধ্যে সেন্ট ক্লড (St. Cloud) সহর এবং সেখানকার ভ্রমণোত্তানই বিশেষ উল্লেখযোগ্য। এই সহরের পার্শ্বেই তৃতীয় নেপোলিয়নের প্রিয় আবাস-

সাহায্যে এই শিশু-মহলে প্রসিয়ার রাজা প্রথম উইলিয়মকে জার্মানীর সম্রাট বলিয়া ঘোষণা করেন। এই রাজপ্রাসাদে যে সকল চিত্র রহিয়াছে, তাহার সকলগুলিই যুদ্ধের দৃশ্য। ফ্রান্সের বর্তমান গবর্ণমেন্ট এই রাজপ্রাসাদটিকে সবদে রক্ষা করিয়া সকলেরই দৃষ্টবাদভাজন হইয়াছেন।

ভেরায়সেইল হইতে বাহির হইয়া আমরা ফরাসী সম্রাটগণের গ্রীষ্মাবাস গ্রাণ্ড ট্রায়েনন দেখিতে গিয়াছিলাম। নেপোলিয়ন এইখানে থাকিতে বড় ভালবাসিতেন। এখানে নেপোলিয়ন ও অগ্গাভ ফরাসী



সম্রাটগণের ব্যবহৃত শকট সকল রক্ষিত হইয়াছে। রুষ জার দ্বিতীয় নিকোলাস যখন ফ্রান্সে শুভাগমন করেন, তখন তাঁহার বাব-হারের জন্ত যে বহুমূল্য সুদৃশ্য শকট নির্মিত হইয়াছিল, তাহাও এইস্থানে রহিয়াছে। এখনও কোন মহামাভ্য বিদেশীয় অতিথি পেরিসে আগমন করিলে, এই শকটখানি তাঁহার ব্যবহারের জন্ত বাহির করা হইয়া থাকে। ভেরায়সেইল হইতে ফিরিবার সময় আমরা সিদ্রি (Sevres) সহরের মধ্য দিয়া আসিয়াছিলাম। এইস্থান চিনে-বাসনের জন্ত বিখ্যাত। আমরা এখানকার প্রসিদ্ধ বাসনের কারখানায় প্রবেশ করিয়াছিলাম। কারখানার কার্যাদ্যক্ষ মহাশয় বিশেষ আগ্রহ সহকারে আমাদিগকে পরিদর্শন দেখাইয়াছিলেন। এখানকার কারিগর-গণের শিল্পনৈপুণ্য এবং কার্যকুশলতা দর্শনে আমরা প্রীতলাভ করিয়াছিলাম। এখানকার কারিগর-গণ হোটোলে ফিরিয়া সে দিনের মত বিশ্রাম করিয়াছিলেন।


পেরিস বিচারালয় ও গ্যানভার্স রাজপথ

দেখিতে গিয়াছিলাম। কিন্তু সে দিন উক্ত গির্জায় কতকগুলি কারিগর-গণের আধিক্য ছিল, তাহা হইতেছিল; সেইজন্য আমরা গির্জার মধ্যে যাইতে পারিলাম না। তখন সেখানে আরও অনেক কারিগর-গণের আধিক্য ছিল। আসিলাম এবং অনতিবিলম্বেই ফন্টানব্লো (Fontainebleau) দেখিবার জন্ত যাত্রা করিলাম। ফন্টানব্লো পেরিস হইতে ৪০ মাইল দূরে। এটিকে সহর না বলিয়া গ্রাম বলিলেই ঠিক হয়; কিন্তু এই গ্রামে একটি রাজপ্রাসাদ আছে এবং এই প্রাসাদের একটু ঐতিহাসিকতাও আছে। ফ্রান্সের সম্রাট প্রথম লুইস

আমার যুরোপ ভ্রমণ

সেইলোই অধিকাংশ সময় অতিবাহিত করিতেন। সুতরাং তাঁহার আমলে এ স্থানের প্রতি তেমন যত্ন ছিল না। পরে নেপোলিয়নের সময় এই স্থানের পূর্বগৌরব পুনঃ প্রতিষ্ঠিত হয়। নেপোলিয়ন এই স্থানে অধিকাংশ সময় অতিবাহিত করায় সে সময়ের অনেক ব্যাপারের স্মৃতি এই স্থানের সহিত সম্বন্ধ রহিয়াছে। পথপ্রদর্শক এই গ্রাসাদের দক্ষিণ দিকের বারান্দার সম্মুখের একটি স্থান দেখাইয়া বলিয়া দিল যে, ঐ স্থানে দণ্ডায়মান হইয়া নেপোলিয়ন এল্‌বায় গমন সময়ে তাঁহার শরীররক্ষীদের নিকট বিদায় গ্রহণ করিয়াছিলেন। তাহার পর যখন নেপোলিয়ন একশত দিনের জন্ত ফিরিয়া আসেন, তখন এই স্থানেই তিনি অভ্যর্থনা লাভ করিয়াছিলেন। তিনি যে ঘরে যে সমস্ত আসবাব সাজাইয়া বসিতেন, সে ঘর তেমনই আছে, সে সকল আসবাব তেমনই সজ্জিত রহিয়াছে; এমন কি যে টেবিলে বসিয়া এল্‌বা প্রবাসকালে তিনি সাম্রাজ্য-তাগের ঘোষণাপত্র সহি করিবার সময় নিজ মনের বেগ সংবরণ করিতে না পারিয়া দরকার দ্বারা সেই টেবিলের যে স্থানে আঘাত করিয়াছিলেন, তাহাও দর্শকগণ দেখিতে পায়। তবে এই আঘাতের স্থানটি এমেরিকান টুরিষ্টদের (দলবদ্ধ ভ্রমণকারী) দ্বারা ক্রমে একটি বড় রকমের স্মৃতি হইয়া দাঁড়াইয়াছে এবং তাঁহাদের জালায় টেবিলটি এখন দড়ী দিয়া বিস্তারিত রাখা হইয়াছে। এই নির্জন রাজপ্রাসাদের কক্ষগুলিতে ভ্রমণ করিবার সময় তাহার পূর্বদিক ও সম্মুখের কথা স্মৃতিপথে উদ্ভূত হইয়া জন্মে এমন একটা বিষাদের স্ফূর্তি হইতে লাগিল। এই গ্রাসাদের পুস্তকালয়টি অতি সুন্দর এবং আমার মনে হইল, ইহাই এখানকার সর্বপ্রধান উদ্ভূত। এই পুস্তকালয়ে এখনও একটা পৃথগোলক রহিয়াছে; নেপোলিয়ন এই গোলকের সম্মুখে বসিয়া পৃথিবীজয়ের কল্পনা করিতেন।—গোলকের স্থানে স্থানে এখনও পিন বসাইবার চিহ্ন দেখিতে পাওয়া যায়। সম্রাট ঐ সকল স্থানে পিন বসাইয়া, তাঁহার রাজ্যজয়ের ব্যবস্থা স্থির করিতেন। এই পৃথগোলকটি বোধ হয়, সম্রাট নেপোলিয়নের ফরমাইস-মত প্রস্তুত হইয়াছিল; কারণ যুরোপ-মহে এমন কি, আফ্রিকা ও সামান্য নগরগুলির অবস্থিতিস্থান পর্যন্ত এই গোলকে লিপিবদ্ধ রহিয়াছে। এখানকার তদন্ত ভিন্ন কালের আসবাব পত্র, এখনও সুরক্ষিত অবস্থায় রহিয়াছে। এখানকার উদ্যান ভেরাসেইলের মত সুন্দর না হইলেও সুদৃশ্য বটে। এই রাজপ্রাসাদের দক্ষিণ দিকে রাজকীয় নাট্যশালা রহিয়াছে। এই সুন্দর নাট্যশালাও একটা দেখিবার মত জিনিস। এই ফন্টানেল্লো রাজপ্রাসাদ এখন কেবল লোকের মেলাবার জগুই রহিয়াছে; কিন্তু আমরা শুনিলাম যে, ভূতপূর্ব প্রেসিডেন্ট কার্ণো এই প্রাসাদের শোভাসৌন্দর্য্যে মুগ্ধ হইয়া মধ্যে মধ্যে এখানে বাস করিতেন। এই ফন্টানেল্লো নামের একটা ইতিহাস আছে। ফ্রান্সের সম্রাট নবম লুই একদিন এই প্রদেশের জঙ্গলে যুগ্মা করিতে আসিয়া পথের সন্ধান হইয়া যান। একাকী পথের সন্ধান ভ্রমণ করিতে করিতে তিনি অতিশয় ক্লান্ত হন। তখন জলের অন্বেষণে চারিদিকে ঘুরিতে ঘুরিতে তিনি একটি অতি সুপের জলধারা দেখিতে পান। সেই নিষ্করের জল পান করিয়া তৃষ্ণা নিবারিত হইলে, তিনি বলিয়া উঠেন, 'Quelle fontaine si belle eau' অর্থাৎ 'কি সুন্দর ও সুপের জলপূর্ণ নিষ্কর!' তিনি এই স্থানটির প্রাকৃতিক শোভা পান করিয়া মুগ্ধ হন যে, এই স্থানে একটি ক্ষুদ্র আবাসগৃহ নির্মাণ করেন। ক্রমে ক্রমে এই স্থানটি বিখ্যাত হয়। গ্রাসাদাবলি নির্মিত হয়। তিনি যে নিষ্করের জলপানে পরিভূত হইয়াছিলেন, তাহা 'fontaine de belle eau' অর্থাৎ সুপের সুন্দর নিষ্কর, তাহা হইতেই স্থানের

নাম প্রথমে হইয়াছিল, ফণ্টে-ডি-বেওল্। তাহার পর ক্রমে ক্রমে নামটি সংক্ষিপ্ত হইয়া ফাঁড়াইয়াছে, ফণ্টানব্লো। এই স্থানের নিকটেই সেই ইতিহাস-প্রসিদ্ধ “Field of the Cloth of Gold” অর্থাৎ ‘স্বর্ণ-নির্মিত বস্ত্রের প্রান্তর’ ছিল, যেখানে ফ্রান্সের সম্রাট প্রথম ফ্রান্সিস তাঁহার পরমবন্ধু ইংলণ্ডের রাজার অভ্যর্থনা করিয়াছিলেন। এই ফণ্টানব্লোতে বাইবার সময় এবং আসিবার সময় সর্বশুদ্ধ আমরা সাতটি মৃতদেহ সমাহিত করিবার জন্য লইয়া যাইতে দেখিয়াছিলাম। আর একটু হইলেই এই সাতটি, আটটিতে পরিণত হইত; কারণ আমরা যখন মোটরে চড়িয়া ফণ্টানব্লো হইতে পেরিসে ফিরিতেছিলাম, তখন বনের মধ্যে কয়েকজন লোক গোপনে শিকার করিতে আসিয়াছিল। আমাদের মোটরগাড়ীকে তাহারা পুলিশের লোকের গাড়ী মনে করিয়া দূর হইতে আমাদের গাড়ী লক্ষ্য করিয়া গুলি করিয়াছিল। আমাদের সৌভাগ্যক্রমে তাহাদের লক্ষ্য বার্থ হইয়াছিল; তাহাদের নিক্ষিপ্ত গুলি আমাদের মোটরের হাত দুই সম্মুখ দিয়া চলিয়া গিয়াছিল। লক্ষ্য বার্থ না হইলে, সেইদিন আমি সমাধিযাত্রার একটি সংখ্যা বাড়াইয়া দিতাম।



পেরিস—ম্যাভিলে

আমাদের পেরিস দর্শন শেষ হইল। আজ ২৭শে মে; আগামী কলা ২৮শে তারিখে আমরা পেরিস ত্যাগ করিয়া লণ্ডনে যাইব। এই কয়দিন ফ্রান্সের রাজধানীতে আমরা কি দেখিয়াছি, তাহা সংক্ষেপে বলিয়াছি। পেরিস সম্বন্ধে আমার ধারণা কি, তাহা বলা সম্ভব হইবে না; কারণ অল্প কয়েকদিন দেখিয়া যে ধারণা করা যায়, তাহা অনেক সময় ঠিক হয় না। তবে উপর উপর

দুই চারিটি কথা আমি এই স্থানে লিপিবদ্ধ করিতেছি।

কৃত্রিম সৌন্দর্য্যে পেরিস নগরীকে কেহ সহজে পরাজিত করিতে পারিবে না। এখানকার অধিবাসীবৃন্দ খুব পরিশ্রমী; কিন্তু আমি ফরাসীজাতির মধ্যে দেখিতে খুব জোয়ান লোক অধিক দেখি নাই। পথেঘাটে হাটেবাজারে যে সমস্ত লোক দেখিলাম, তাহাদের সকলেরই মুখের ভাব ঐ যেন এক রকমের। প্রায় সকলকে দেখিলেই ঘোর ইন্দ্రిয়াসক্ত বলিয়া মনে হয়; চক্ষু কোটরগত—কেমন একটা অবসন্নতাব; আমার মনে হয়, অতিরিক্ত ইন্দ্రిয়াসক্ত ও মাদকদ্রব্য ব্যবহারেই এই ভাব হইয়া থাকে। সহরনয় নাট্যাশালা, প্রমোদাগার, সঙ্গীত-শালা প্রভৃতি আড্ডা দেখিলেই বেশ বুঝিতে পারা যায়, এ জাতি যেমন বিলাসী, তেমনই আমোদপ্রিয়। পেরিস নগরী যে বর্তমান শতাব্দীর বিলাসের কেন্দ্র, তাহা এই স্থান দেখিবামাত্রই বুঝিতে পারা যায়। দিবাভাগে শোভা-সৌন্দর্য্যে বিলাসিতায় এই রাজধানী একেবারে তাক লাগাইয়া দেয়। কিন্তু রাজি দশটার পর কেহ যদি ঘরের জানালা খুলিয়া, সহরের রাস্তার দিকে চাহিয়া দেখেন, তাহা হইলে, তখন তাঁহার মনে হইবে, এ কি সম্ভার্তার লীলাঙ্ঘল পেরিস, না ইহা নরকপুরী! সন্ধ্যার পর যদি রাস্তায় বাহির হইলে, তাহা হইলে দলে দলে স্তবেশধারী

আমার যুরোপ ভ্রমণ

ভদ্র-আখ্যায় পরিচিত ব্যক্তি তোমার সঙ্গ লইবে। তাহারা আপনাদিগকে ইংরাজ বা আমেরিকাবাসী বলিয়া পরিচয় দিবে এবং তোমাকে নানা কুস্থানে লইয়া যাইবার জন্ত প্রলুব্ধ করিতে থাকিবে। ভারতীয় ধনাঢ্য ও সম্ভ্রান্তবংশীয় ব্যক্তিগণ, এমন কি, অনেক রাজা-মহারাজও এই রাজধানীতে আসিয়া এমন ঢলাইয়া গিয়াছেন যে, সে সকল কথা শুনিলে লজ্জায় অধোবদন হইতে হয়। আমি যে হোটেলে ছিলাম, সেই হোটেলের ম্যানেজার মহাশয় আমার দেশের মহোদয়গণের কুকীর্তির অনেক গল্প একদিন করিতেছিলেন। আমি সেই সকল কথা শুনিয়া অত্যন্ত ঘৃণা প্রকাশ করায় ভদ্রলোক যেন অবাক হইয়া গেলেন এবং আমি যে দলছাড়া মানুষ, তাহাই মনে করিয়া হয় ত আমাকে রূপাপাভ মনে করিতে লাগিলেন। আমার ত মনে হয়, আমাদের দেশে লোককে পাণের পথে লইয়া যাইবার জন্ত যত প্রলোভন রহিয়াছে, যুরোপে তাহার শতগুণ প্রলোভন চারিদিকে হাঁ করিয়া রহিয়াছে।



পেরিস—তৃতীয় আলেকজান্ডারের পুল

মুখে কলঙ্ককালিয়া পড়ে, বাহাতে তোমাদের কীর্তিকাহিনী শুনিয়া অবনতমস্তক হইতে হয়। সত্যসত্যই একজন ভারতীয় মহারাজকে লোকে পৃথিবীর মধ্যে অতি জবজ্ব পাপাসক্ত ব্যক্তি বলিয়া মনে করিবে, ইহা অপেক্ষা দুঃখের ও লজ্জার বিষয় আর কি হইতে পারে? পেরিসের লোকের দিকে একবার চাহিলেই বেশ বুঝিতে পারা যায় যে, বিলাসিতাই ইহাদের একমাত্র কার্য, ইন্দ্রিয়স্বপ্ন-সন্তোষই ইহাদের জীবনের লক্ষ্য। ইহারা যে সমস্ত কাজ করিয়া থাকে, তাহার সম্বন্ধে আমাদের পূর্বাঞ্চলের লোকেরা কল্পনাও করিতে পারে না। নাস্তিকতা ও দানবতাই এখানে প্রাধান্য লাভ করিয়াছে। অবশ্য ইহা পেরিসবাসীদিগের এক দিকের চিত্র; অপর দিকে, একথা কেহই অস্বীকার করিতে পারিবে না যে, কলাশিল্প, সুস্মশিল্প, শোভা ও সৌন্দর্যের সম্ভার-সংস্থানে পেরিস অদ্বিতীয়। ভাল দিকের সঙ্গ সঙ্গ মনেরও কিছু কিছু নজরে পড়িয়াছিল বলিয়া কয়েকটি অগ্রিয় সত্য বলিলাম।

এই জন্তই যুরোপভ্রমণেচ্ছ আমার স্বদেশবাসী বড়লোকের ছেলেদিগকে আমি বলিতে চাই, দেশভ্রমণ ও সুশিক্ষা লাভের জন্ত যুরোপে যাইবে বই কি; নানাবিধ কলা-শিল্প দেখিবার জন্ত পেরিসে যাইরে বই কি; যুরোপের সমস্ত নগরে যাইবে বই কি; কিন্তু আমার অনুরোধ, কোথাও এমন কোন কাজ করিও

না, বাহাতে তোমার স্বজাতীয়ের

